

CHIFUKWA ICHO

INE NKHUSUSKIRA

CHISOPO CHA BUNGWE



Yewo, M'bale Neville.

Mungamanya kukhala pasi. Chakudankha, ine ndakhala wakutangwanika chomene muhanyauno mpaka ine nanguphonya mafoni ghanyake gha warwari. Panguwa wanthu wanyake pa wakukhumbikwa kukumana nawo pawekha kuti wapempherereke, awo ine nangyenera kuti nikumane nawo. Kweni sono linyake la a . . . limoza la magulu, ine nkbugomezga Billy wanguyowoya kuti lafuma ku Canada, malo ghaŵiri panji ghatatu ghakupambanapambana. Sono, iwo wakwiza kuno, imwe mukumanya, ndipo wakukhala mu mahotela na mamotelo rutaruta nyengo zose. Ndipo ine nkhiruta kukukumana nawo, kukumana nawo na kuwarombera awo wafika kufuma kulikose charu zingirizge, na Asia, Europe na kulikose. Dazi na dazi, para ise tiri kuno, wanthu wakwizanga. Pali wanandi kuruska sikisi handiredi pa mndandanda, kulindizganga pa . . . kuti nikumane nawo payekhapayekha, ndipo nthaura ichi chikupanga kuwa ngati chinonono. Kweni wanthu awo mbarwari chomene na masuzgo ghakuzizimuska kuti wapempherereke, chifukwa, ine nkhuyezga kukumana nawo.

² Mbwenu, enya, kufumira apo ine nanguwira kula na gulu la mathrastii, pa kukambirana kuchoko na gulu lane la mathrastii pano pa mpingo, ise tanguyenera kuti tikumane nyengo zichoko zajumpha. Ndipo mu nyengo yira ichi changunitimbanizga ine pafupifupi ora na hafu, ndipo panguwa wanthu wanyake wanguyenera kuti wawe kuno pa nyengo yira kuti wapempherereke. Usange iwo wali muno, ine nkhuhumba kuti ndiwapempherereke iwo pa nyengo iyi. Nthaura, usange iwo wakhumbenge, wanthu wara awo wanguyenera kuti wapempherereke, enya, usange iwo wangafika waka sono apo mwimbi piyano, kwali ndinjani uyo walipo, wafike ndipo—ndipo watipase chuni cha “Sing’anga mukuru wali pafupi sono, Yesu wachisungusungu.” Sono iwo weneawo wakwenera kuti wapempherereke, usange iwo wangakhumba, kasi wanguwa walinga ine nkhumanya yayi. Ndipo wabale ndimwe, ine nkhusachizga. Wabale, ine ndiri kusuzgika chomene mu thupi lane ndamwene. Yesu wakayegha mu thupi Lake, kusuzgika, mwakuti Iyo wangamanya kuwa mtundu wakwenerera wa Mukhalapakati, chifukwa Iyo pakuwa Chiuta wakazgoka thupi

mwakuti Iyo wangamanya kusuzgika. Iyo wangamanya kupulika vyakuwinya kwa vya kufoka. Ndipo ndicho chifukwa Iyo wakiza kuzakapanga mphepisko. Ndipo mu ichi Iyo wakatuma Mpingo Wake kuti urutirizge mlimo Wake.

³ Ndipo ine ndiri—Ine ndiri na ntchindi zikuru ku wantchito za chipatala, wakuchita maoparesoni na wanyake ntheura, awo—awo na maluso agho Chiuta wali kuwapa iwo kuti wachite vinthu vinyake ku thupi, kuti wachite oparesoni na kukhura mino agho ghanangika, na vinyake ntheura. Ine nkhuwonga icho. Kweni yikufika pa nyengo apo ivi vikujumpha kwawo—kumanya kwawo, iwo—iwo wakumanya yayi chakuti wachite. Mukuwona? Ndipo ine nkughanaghana, panyuma, ise tiri na wanangwa wakufikapo, umu ise tingawira nawo kuthupi, usange ise tikaruta kwa dokotala withu wa pa banja, panyake a—dokotala kuwaro mu chigaŵa, dokotala munyake mulara muweme uyo wakuyegha nyali ndipo wakwenda kujumpha mu munda usiku, kuti wakusange iwe, kuti wakovwire iwe. Ndipo usange iyo watondeka kumanya, iyo warutenge kwa munyake wapachanya pachoko kuruska umu iyo waliri. Iyo wakutumenge iwe kwa kaswiri. Ndipo sono usange kaswiri wakumanya yayi, ine—ine ndine wakukondwa kuti ise tiri na kwakuphokwera kunyake, Sing'anga mukuru.

⁴ Ndipo Iyo wakutondeka yayi, Yumoza uyu wakutondeka yayi, chifukwa Iyo ndi Mlengi Iyomwene. Ndipo Iyo wali kutipangira nthowa ise. Sono, usange mukaŵenge nkhangono yiriyose ya machirisko mkati mwa ndamwene kuti ndichite ichi, ine—ine mbwenu ndifikenge kula na kuchita ichi. Ine—ine ningaŵa waka wakukondwa kuchita. Kweni, ngati nkhangono ya machirisko, ine ndirije, kulije munthu munyake wali na nkhangono ya machirisko. Kweni ise tatumika, wonani, na Khristu, kuti tirombere warwari, Uyo wali kuwikapo kale malipiro pa nkhangono ya machirisko. Mukuwona? Ndipo ise tikwiza waka, ngati ndiumo kukaŵira, kuti tilembe cheki pa icho. “Ndipo chirichose imwe murombenge Wadada mu Zina Lane,” icho ndi cheki chambura kulembeka, “chirichose imwe murombenge Wadada mu Zina Lane, icho Ine ndichitenge.” Phangano uli! Lingatondeka yayi. Ndipo ine ndiri kovwira wabale wane na walongosi, charu zingirizge, kuwikamo zakusungiska izi. . .panji kutapa pa ndalama izi mu Banki ya Chiuta, pa Ndopa za Yesu Khristu. Ndipo ichi chiri kwenda makora chomene. Iyo nyengo zose wali kulipira, ndipo pakuti zakusungiska zirimo kale mula, imwe wonani. “Iyo—Iyo—Iyo wakapwetekeka chifukwa cha kwananga kwithu, na vitimbo Vyake ise tikachizgika.” Wonani, ichi chiri kuchitika kale. Ndipo ise ndise wakukondwa usiku uwu chifukwa cha chipulikano chinu.

⁵ Ine nkugomezga Billy wandiphiliranga ine kuti m'bale yumoza wakwiza kufuma kutali ku Canada panji kumalo

kunyake. Ndipo kasi uwo mbunenesko? Ndiwe m'bale wafuma ku Canada? Ndipo—ndipo kasi iwe wafumirankhu, m'bale? [M'bale wakuti, “Kumpoto waka kwa Fort Wayne, mu Kendallville.”—Munozgi] Kendallville, Indiana, kufuma ku Fort Wayne. Ine nkhakwatiskikira mu Fort Wayne. Ine nkhukumbukira makora. Tikawa na maungano ghanandi kula pa Kachisi wa Rediger. Ine nkhugomezga mukumanya uko uyu wali. Ndipo ine nkhukumbukira, ngati mnyamata muchoko, chikhalire pa marundi gha Paul Rader, mu Kachisi wa Rediger, ngati mupharazgi waka mwanichi wakusambilira. Iyo ndi munthu mukuru, M'bale Paul wakaŵa, ndipo nthaura ndimo wakaŵira M'bale Rediger, wanarumi ŵa chipulikano. Uzima wawo upumure usiku uwu. Ndipo sono, apo ine nkhaŵa mnyamata muchoko, ine nkhuyezga kurutirizga icho iwo wakasida, icho Yesu wakasidira Mpingo Wake ulendo wose.

⁶ Sono, na chipulikano chose icho ine ndiri nacho, ine nkhwiza kuzakamuromberani imwe. Ndipo ine—ine nthu nkhwiza mwabwekabweka waka. Ise tikukhumba yayi kuchifika ichi mwantheura umo. Yayi, icho ntchiweme yayi. Ise tikwiza, kugomezganga kuti ise tipokerenge icho ise taromba, wonani, kumanyanga kuti Chiuta wali kulayizga ichi. Ndipo ise tikwiza na chisimikizgo mu mtima withu kuti Khristu wakapanga phangano, ndipo imwe wabale muli kuyezga kuŵika chipulikano chinu pa guwa, mwachita chose imwe mungamanya kuchita, ine nkhwiza kuzakaŵikapo ghane pamoza na imwe usiku uwu. Mukuwona?

⁷ Ndipo, sono, ise tiri na guwa likuru ilo lathambalara ku mitambo, ndipo pa guwa lira pagona Sembe yithu, Mwana wa Chiuta. Mukuwona? Ndi Sembe yira yakusulura ndopa. Chiuta wangaŵiska yayi pa yira kwambura kuyichindika Iyi, wonani, pakuti Yira ndi Mazgu Ghake, “Uyo ndi Mwana Wane wakutemweka, mupulikeni Iyo.”

⁸ Ine ndifumbenge M'bale Neville, mulara withu, usange iyo wangiza kunthazi sono pamoza nane apo ise tikurumba. Ine nkhukhumba mpingo wose. . . Uli usange uyu wakaŵenge m'bale wako, mfumu wako, mwana wako, dada wako? Ndi wa munyake, kumbukirani. Tiyeni, na chisimikizgo chose ise tiri nacho, timurombe Chiuta sono chifukwa cha wabale aŵa.

Tiyeni tisindamiske mitu yithu.

⁹ Dada wauchizi wa Kuchanya, ise tikwiza nawo mu Kuŵapo Kwinu sono, kwizira pa guwa la uchizi, nangauli ise tayimilira pafupi na benchi lichoko lathabwa, ngati ndiumo kukaŵira, pano pasi, kweni chipulikano chithu chakwera kuchanya ku guwa la moto kula, uko Yesu (Fungo-lakununkhira makora panthazi pa Chiuta, Sembe ya Ndopa kufuma pa Mphinjika) Uyo wakatonda urwari uliwose, nthenda yiriyo, nyifwa, gehena, na dindi, ndipo wakawukaso ndipo wakakwerera Kuchanya, kuti

wakakhale ku woko lamaryero la Chikurukuru Wake. Ndipo ise, mwa chipulikano, tafika, kujikwezgera taŵene kuchanya kula mu uchizi wa Chiuta, kuti tiyowoye pa guwa ili, kwa Mlengi mukuru wa Kuchanya na charu chapasi, “Tipokerereni ise, Fumu, apo ise tikwiza mu Zina la Fumu Yesu.”

¹⁰ Apa pali ŵabale ŵithu, ndipo yumoza wa iwo wafuma kunena ku Fort Wayne, muno mu chigaŵa, ndipo munyake ulendo wose kufuma ku Canada kusika uku, ŵizira nyengo yakupatulika chomene iyi. Ndi pakatikati pa nyifwa na umoyo, Fumu. Apa pali ŵanarumi ŵaŵiri, kweni ŵanichi, uteŵeti ukuru wakhalako mwa iwo wa kumutumikirani Imwe, Fumu, ŵasirikali ŵaŵiri, Ŵakhristu awo ŵakumugomezgani Imwe. Ndipo murwani waponya muvi, ndipo muvi ula wa poyizoni watimba pamalo ghanyake mu thupi lawo, ndipo iwo ŵawerako, ŵawerera ŵaruta ku chipatala cha uchizi cha Chiuta, kuti ŵaphemaniskike, kuti ŵachizgike, mwakuti iwo ŵangarutaso kumalo gha nkondo, na chiskango muchanya, kurutanga ku nkondo. Iwo ŵafika kuzakatijoyina mu nkhangono ya lurombo pamoza nase, Fumu. Ndipo ise tikuruta kukakumana na murwani.

¹¹ Mu Zina la Yesu Khristu, ŵamasure iwo. Ise tikukulamura iwe mu Zina la Yesu Khristu, ŵareke iwo ŵarutenge.

¹² Iwo ndi vinkhara vya nkondo. Ndipo, ngati muteweti Winu, ine nkhiruta sono kuti nkhaŵike mawoko pa iwo, na chipulikano, kugomezganga kuti, “Vimanyikwiwo ivi viŵarondezgenge ŵeneawo ŵakugomezga,” yikayowoya Fumu yithu, Chirongozgi withu Mukuru wa nkondo, “usange iwo ŵaŵika mawoko ghawo pa ŵarwari, iwo ŵachirenge.”

¹³ Ichi ine nkhuichita mu Zina la Yesu Khristu. Nkhuromba nkhangono ya urwari iyo yamanga thupi la m’bale uyu, yimureke iyo, mu Zina la Yesu Khristu.

Nkhangono ya urwari iyo yamanga thupi la m’bale uyu, yimureke iyo. Mu Zina la Yesu Khristu, nkhuromba iyi yimureke.

¹⁴ Chiuta Mwenenkhangono, Mlengi wa Kuchanya na charu chapasi, Chata wa Umoyo wamuyirayira, na Mupi wa chawanangwa chirichose chiweme, perekani vitumbiko Vyinu pa aŵa ŵeneawo ise tatumbika. Ndipo kuli kulembeka mu Malemba, kuti, “Usange imwe muyowoyenge ku phiri ili, ‘Sezgeka,’ ntha kukayika mu mtima winu, kweni gomezgani kuti icho imwe mwayowoya chizamkukwaniriskika, imwe mungamanya kuŵa nacho icho imwe mwayowoya.” Ine nkhuomezga kuti urwari wawo wafumamo mu thupi lawo. Sono ichi chayowoyeka; sono zomezgani ichi chichitike. Amen.

15 Mu Zina la Fumu Yesu ine nkugomezga iwe wamasuka. Mu Zina la Yesu Khristu ine nkugomezga kuti iwe wamasuka. Amen.

Kasi mpingo ukugomezga nthaura pera? [Gulu likuti, "Amen."—Munozgi] Nthaura zomerezgani ichi chichitike.

16 Sono, kasi w̄alimo w̄anji muno w̄akukhumba kuti tiw̄akumbukire mu kuromba, uli imwe mukwezge woko linu? Viri makora, tiyeni timurombe Iyo sono apo imwe mukuw̄ikana mawoko pa yumoza na munyake kuwaro uko. "Vimanyikwiro ivi viw̄arondezugenge w̄eneawo w̄akugomezga."

17 Chiuta mutuw̄a chomene, mwa chipulikano ise tikumuwona Yesu, ise tikugomezga kuti Iyo wali muno. Iyo wakupwererera Mazgu Ghake. Ndipo Iyo wakati, "Palipose apo w̄aw̄iri panji w̄anandi w̄awungana mu Zina Lane, Ine ndiri pakati pawo." Sono, W̄adada W̄akuchanya, zomerezgani nkhangono ya Chiuta Mwenenkhongono yiw̄akhwaske w̄anthu āwa, Fumu, apo iwo w̄akorana mawoko yumoza na munyake, w̄aw̄ikana pa yumoza na munyake. Kutuma kwaumaliro Imwe mukayowoya ku Mpingo, "Vimanyikwiro ivi viw̄arondezugenge w̄eneawo w̄akugomezga. Usange iwo w̄aw̄ika mawoko ghawo pa w̄arwari, iwo w̄ati w̄aw̄enge. . . iwo w̄achirenge." Imwe mukalayizga ichi, ndipo ise tikugomezga ichi. Nthaura sono ichi chachitika, ndipo ise tikumurumbani Imwe pa ichi, mu Zina la Yesu Khristu. Amen.

18 Ndipo mu Zina la Yesu Khristu nkhuromba nkhangono ya Chiuta yiphakazge mathaulo agha kuruta ku w̄arwari na w̄akusōw̄erwa. Ndipo apo igho ghakutumika na kuw̄ikika pa w̄arwari, nkhuromba ichi chikakwaniriskike kuti iwo w̄akachizgike. Ise tikuw̄azga mu Baibolo kuti iwo w̄akatora kufuma kwa Paulos Mutuw̄a, mathaulo, malaya; mizimu yiheni yikaw̄areka w̄anthu, ndipo matenda ghakachizgika. Ndipo, W̄adada, ise tikumanya kuti nthanda ndise Paulos Mutuw̄a, kwene ise tikumanya kuti Imwe muchali ndithu Yesu. Ndipo ise tikuromba kuti Imwe muperekenge pempho ili ku uchindami Winu. Amen.

19 Ine nkhumanya yayi kwali kuli. . . matepi ghachali ghakujura, panji yayi. Kasi igho ngakujura? Usange yayi, ine nkhubenge kuti iwo w̄aghajure pa nyengo iyi. Ine nkugomezga swichi yiri muchanya. Sono, ine nkugomezga kuti ndimuvuskeninge yayi usiku uwu. Ine ndayamba mwaluw̄iro na maminiti pafupifupi hafu wa ora panji maminiti sate-fayivi. Ndipo ine. . . Ichi ndi chisambizgo cha Sande sukulu, ndipo ine naghanaghana kuti panyake munthowa yinyake kuti ichi chinganichitira makora usange ichi changujamburika icho chiri pa mtima wane. Ndipo ise tikunozgekera kuti tirute mu a—malo ghaphya, kachisi muphya, chose chiphya.

²⁰ Ndipo sono ine nkhukhumba kuti ndiŵazge Malemba ghanyake. Usange mwaŵanthu imwe mungakhumba kuti muŵazge pamoza na ine, ine nkhukhumba kuti ndiŵazge kufuma mu 1 Samuel, chipatulo 8, ndipo ise tikukhumba kuti tiyambire na vesi 4 kufika 10; ndipo pamanyuma, kuti tisunge nyengo, 19 kufika 20. Ndipo ine ndiri na mapeji ghanandi gha Malemba na mabuku ndalemba apa, kuti usange mwaŵanthu imwe muli na bolopoyinti na phesulo, panji chinthu chinyake, pepala, kuti imwe mukukhumba kuti muzakalaŵiskepo pa ivi panji kusunga ivi, imwe mungamanya kuŵa navyo ivi, panji, Mr. Maguire waŵenge na a—a—tepi.

²¹ Ndipo ine nkhukhumba kuti tepi iyi yirute ku ŵapharazgi, ŵabale ŵane, ŵapharazgi awo ŵandanipulikiske ine, chomenechomene ŵabale ŵa mipingo ya chibungwe. Ndipo pafupifupi wose ndi ŵa mabungwe.

²² Ndipo chisambizgo chane usiku uwu ndi: *Chifukwa Icho Ine Nkhususkira Chisopo Cha Bungwe*. Ndipo ine ndiŵazgenge sono kuŵa pakwambira, panji kuŵazgika kwa Malemba, kupanga ichi kuŵa nkhanira cha m'Malemba, ine nkhukhumba kuti ndiŵazge kufuma mu 1 Samuel 8:4-10, pamanyuma 19-20. Ku gulu lane liri muno, ine nkugomezga kuti para imwe mwaruta kunyumba kuti imwe mulembenge Malemba agha na kughawazga igho mwatcheru. Ndipo ku ŵabale awo ŵategherezgenge ku tepi, ine nkugomezga kuti imwe namweso muyimiskenge waka yayi tepi para chinyake chayowoyeka panyake kuti imwe muzomerezganenge nacho yayi, kweni mupenjengemo Chiuta mu ichi, muwone usange ichi chiri m'Malemba. Ine nkughanaghana kuti ise tikwenera kuchita nthaura ku taŵene na ku Uthenga wa nyengo iyi.

²³ Ine nkugomezga kuti mipingo yose yiri na Ŵakhristu mwa iyo, ndipo nadi ine nthā nkhuoyoya kususka Ŵakhristu. Kweni chifukwa icho ine ndachitira icho ine ndachita, na kuyowoya icho ine ndayowoya, ndi chifukwa cha ukhuŵirizgi wa Mzimu Mutuŵa pa Mazgu.

²⁴ Sono tiyeni tiŵazge mu 1 Samuel, chipatulo 8, kwambira na vesi 4, na kuŵazganga vesi 10, mwakusazgirapo, chakudankha.

Ntheura ŵalara wose ŵa Israel ŵakawungana iwoŵene pamoza, ndipo ŵakiza kwa Samuel ku Rama,

Ndipo ŵakati kwa iyo, Wonani, imwe mwachekura, ndipo ŵana ŵinu nthā ŵakwenda. . . nthā ŵakwenda mu nthowa yinu: sono mutimikire fumu kuti yitiyeruzgenge ise ngati ndiumo yiliri mitundu yose.

Kweni chinthu ichi chikamukwenyerezga Samuel, para iwo ŵakati, Mutipe fumu ise kuti yitiyeruzgenge ise. Ndipo Samuel wakaromba kwa YEHOVA.

Ndipo YEHOVA wakati kwa Samuel, Pulikira lizgu la ŵanthu mu vyose ivyo iwo ŵakuyowoya kwa iwe: pakuti

iwo wákana iwe yayi, kweni iwo wandikana ine, kuti ine ndiúawusenge iwo.

Kwakulingana na milimo yose iyo iwo wachita kufuma pa dazi apo ine nkhaúwafumiskira mu Egipto nanga nkufika ku dazi ili, mu cheneicho iwo wandikana ine, ndipo watumikira wachiuta wanyake, ntheura ndimo iwo wakuchitiraso kwa iwe.

Sono ipo pulikira lizgu lawo: ndipouli kweni uwadandaulire chomene iwo, ndipo uwawoneske iwo kawiro ka fumu iyo yiti yiwalumulirenge iwo.

Ndipo Samuel wakayowoya mazgu ghose agha gha YEHOVA ku wanthu awo wakamufumba iyo kuti waúamikire fumu.

25 Sono vesi 19 na 20 kuti timalizge.

Ndipouli wanthu wakakana kupulikira lizgu la Samuel; ndipo iwo wakati, Yayi; kweni ise tikukhumba kuti tiúe na fumu yitilumulirenge;

Mwakuti ise naseso tiúenge ngati mitundu yose; ndipo kuti fumu yithu yingamanya kutiyeruzga ise, na kuruta . . . panthazi pithu, na kutirwera nkondo zithu.

26 Fumu yisazgireko thumbiko Lake ku kuwazgika kwa Mazgu Ghake. Sono, ngati kalasi la Sande sukulu, ine nkukhumba kuyowoya kuti ise tikukhumba kuti tiúe waka—watcheru umo ise tingamanya kuwira ku Mazgu.

27 Ndipo ise tikumanya kuti—kuti nyengo zinyake vinthu vikuyowoyeka, (ndipo mipingo yinyake), ivyo vikukhuwazga munyake uyo wali kusambizgika mwakupambana na icho iwo wali . . . wakupulika. Mwa kuyezgerera, munthu wakandiphalira ine dazi linyake, uyo ndi mubwezi wane wali muno sono, iyo wakati, “Para iwe ukayowoya, M’bale Branham, za chipulikano icho ine nkhaúwacho mwa iwe, na kugomezga, para iwe ukati kukaúavaye ‘gehena la Muyirayira,’” ukati, “Ine nkhaúwa ngati ndiwenge kufuma pa mpando wane. Ndipo ine nkhati, ‘Nadi munthu ndi mutesi.’” Ndipo pamanyuma wakati, “Iwe ukutipanga ise kuyimirira pa kanyengo kataliko. Ndipo pamanyuma iwe ukati, ‘Kuli mtundu umoza pera wa Umoyo Wamuyirayira, ndipo uwo ukufuma kwa Chiuta.’” Ndipo icho ndicho ise tose tikupenja, wonani.

28 Ndipo kulije Lemba ilo likuyowoya kuti kuli gehena Lamuyirayira. Chifukwa, Muyirayira wakachita kuyamba yayi, nesi uwu uzamkumara. Ntheura Baibolo likati “gehena likalengekera devulu na wangelo wake,” ntheura ili nda Muyirayira yayi. Yikaúwako nyengo apo ili likaúwako yayi, ndipo yizamkuúwako nyengo apo ili lizamkuúwako yayi, kamozaso. Kweni iwo panyake wazamkulangika mwenemula, kwizira mu moto na sulufure, na mabuwu gha moto, kwa nyengo

yitali, kweni paumaliro ili lizamkumara chifukwa gehena nda Muyirayira yayi. Ndipo usange kukaŵa gehena la Muyirayira, imwe ndikokuti muŵenge na Umoyo Wamuyirayira kuti mukakhale mu gehena la Muyirayira. Ndipo usange ili likaŵa la Muyirayira, ili nyengo zose likaŵako, ndipo imwe nyengo zose mukaŵa mu gehena ndipo nyengo zose muzamkuŵa mu gehena. Wonani, ntheura kulije chinthu chantheura icho.

²⁹ Ntheura, imwe wonani, *Muyirayira* ndi “wakaŵavye chiyambi panji umaliro.” Ndipo kuli mtundu umoza pera wa Umoyo Wamuyirayira, ndipo uwo uli mwa Chiuta, likufuma ku lizgu la Chigiriki *Zoe*, ilo likung’anamura “Umoyo wa Chiuta Yekha.” Ndipo para ise tababikaso na Mzimu wa Chiuta, ise tikuzgoka Wamuyirayira na Chiuta, chifukwa ise tiri na gawo la Umoyo Wake, cheneicho chikutipanga ise ŵana ŵanarumi na ŵana ŵanakazi ŵa Chiuta, ntheura ise tiri na Umoyo Wamuyirayira. Ndipo Umoyo uwo uli mwa ise, Chiuta wazamkuwuska thupi pamoza na Umoyo pa dazi laumaliro, kweni ndi Mzimu wa Chiuta uwo uli mwa ise uwo ukutiwuska, chifukwa ndi Mzimu wa Khristu uwo ukaŵa mwa Khristu, uwo ukusisipuska mathupi ghithu na kutiwuska ise naseso, pamoza na Iyo, kukakhala mu—mu—mu Uchindami na kuwusa pamoza na Iyo.

³⁰ Sono ku chisambizgo, sono, ine nakhala nkhumaphamo virimika ivi, ndipo kachisi uyu wali kuyima. Nangauli, ine nkhozgekera mu mpingo wa Mishonare Baptist, na Dokotala Roy E. Davis, pafupifupi virimika sate-firii vyajumpha, muno mu Jeffersonville. Sono ine, kufumira nyengo yira, ine nkhaŵa mu bungwe nyengo yichoko waka, myezi yichoko, mpaka chinyake chikayambika icho chikaŵa cha m’malemba yayi chikachitika na mpingo, ndipo ine nkhamuphalira iyo kuti ine ningachita yayi icho. Ndipo ntheura ine, nkhumanya, nkhafumbika kuti “ndichite ichi panji chinyake,” ndipo ine nkachita chinyake chira. Ntheura chira chikaŵa chinthu chimoza icho ine nkhumomezga, kuti agha ndi Mazgu gha Chiuta. Ndipo ine nkhuwoyoya kwa munthu uyo wakaŵa a—musambizgi mulara, “Usange iwe undiwoneskenge icho mu Mazgu gha Chiuta!”

“Kweni icho chikaŵako,” iyo wakati, “icho ndi chisambizgo chithu.”

Ine nkhati, “Kweni ine nkhumumba ichi kufuma mu Mazgu, wona, Mazgu gha Chiuta.”

³¹ Ndipo nthā chifukwa chakuti ine nthā ndiri mu bungwe kuti ine nakhala nkhususka bungwe, chifukwa ine ndiri wakuwonga ku ŵabale ŵane, ku ŵeneawo ine nkhuwoyoya muhanyauno, awo ŵandichema ine kuti ndifike, ine nkhusachizga, pafupifupi bungwe lililose, chomenechomene mu magulu gha Full Gospel, ndipo nanga ndi mu mipingo yinyake yinandi. Ine ndiri

kufumbika kuti ninjire mu wenenawene wawo na kujoyinana nawo iwo, kweni ine ndiri kuyima pandekha. Chifukwa, chikoka icho ine ndiri nacho, ine nkhukhumba yayi kuti ndichiwike ichi pa gulu limoza la wanthu. Ine nkhukhumba kuti ndikhazikiske icho Chiuta wali kundipa ine, kurombera warwari, kuti ndiwe phindu ku wana wose wa Chiuta mu bungwe lililose. Iyo wali kundifumbapo ine kuti nthu ningapemphereranga, panji yumoza *uyu* chifukwa iwo wali mu *Wakuti-na-wakuti*, Chiuta wakweruzga mtima wa munthu.

³² Ndipo sono, kwamba na kwamba, chifukwa icho ine ndiri kuwiramo yayi mu agha ndipo ndiri kuyowoya kususka ichi, ntchakuti, chakudankha, ndi chifukwa chakuti ine nkhugomezga yayi kuti bungwe la Chikhristu liri m'Malemba. Ine nkhugomezga ichi chiri m'malemba yayi. Ndipo ndicho ine niyезgenge, usiku uwu, kuyezeska mwa uchizi wa Chiuta, kuti ndisimikizgire kwa imwe kuti ichi chiri m'malemba yayi, ntchambura kuzomerezgeka ku bungwe lililose.

³³ Sono, malo ghakudankha, ise tikuchema ichi "chisopo." Lizgu lakuti *chisopo* ndi "chidiko," likung'anamura kubenekerera chinthu chinyake. Sono, Adam wakaŵa nacho chisopo, kweni iyo nadi wakachita kupanga ichi iyoyekha, kufuma mu mahamba gha chikuyu, ndipo ichi chikagwira ntchito yayi. Iyo wakapanga fundo yake yekha ndipo wakayezga kupanga nthowa yakuphokwera, kuti wasange chiponosko mu chinthu chinyake icho iyo wakachita iyomwene, ndipo Chiuta wakachikana ichi, kufuma kwa Adam kufika ku dongosolo la bungwe laumaliro. Chikaŵako yayi, ndipo mwa uchizi wa Chiuta ise tisimikizgirenge ichi muhanyauno kwizira mu Baibolo. Chisopo chikaŵa chidiko. Adam wakajipangira iyomwene chidiko cha mahamba gha chikuyu, wakapanga ichi, iyomwene, kuyezga kuti wajichitire chinyake iyomwene.

³⁴ Kweni Chiuta wakakhumbanga nyifwa, mphepisko. Sono, pali mphambano yikuru chomene pakatikati pa chisopo na chiponosko, wonani, chiponosko. Chisopo ndi chidiko. Mukuwona? Chiponosko ndi Kubabika, chawanangwa cha Chiuta. Chiponosko ndi Kubabika, chawanangwa cha Chiuta, ndipo ichi chingapangika na munthu munyake yayi panji gulu linyake la wanthu. Ndi munthu payekha uyo Chiuta wakumupa chawanangwa ichi. Ndipo vyawanangwa ivi vya Umoyo Wamuyirayira vikakhozgeka na Chiuta kwa waliyose payekha pambere ise tindaŵe nanga ndi charu, kwakulingana na Malemba. Baibolo likayowoya, mu Chivumbuzi, kuti chikanakhristu uyo wakenera kuti wafike pa charu chapasi, wazamkupuruska wose awo wakukhala pa charu chapasi, awo mazina ghawo ghakalembeka yayi mu Buku la Mwanamberere Wamoyo pambere malufura gha charu ghandaŵeko. Mukuwona? Chiuta, mwa kumanyirathu Kwake, wakamuwona uyo wazamkwiza na uyo wazamkwiza yayi, Khristu wakiza

kuti waŵapangire nthowa iwo ŵeneawo ŵizenge. Wonani, kuŵamanyanga ŵanyake.

³⁵ Usange Iyo ndi Chiuta, munthowa yiriyose, Iyo wakwenera kuŵa wambura mphaka. Ndipo usange Iyo ngwambura mphaka, Iyo wangaŵa yayi wambura mphaka kwambura kuŵa wankhongono zose. Iyo wangaŵa yayi wankhongono zose kwambura kuŵa wakusangika palipose. Iyo wangaŵa yayi wakusangika palipose kwambura kuŵa wakumanya vyose. Ntheura, imwe wonani, vyose ivyo vikumupanga Iyo Chiuta.

³⁶ Ntheura, Iyo wakamanya umaliro wali ku chiyambi. Iyo wakamumanya uyo ŵazamkwiza na uyo ŵazamkwiza yayi, ndipo Iyo wakamanya kukaŵa ŵanandi mwakuti awo ŵazamkwiza, ntheura Iyo wakatuma Khristu kuti waŵapangire mphepisko iwo ŵeneawo ŵati ŵizenge. Sono, palije icho ise tikuchita chingamanya kuŵa na chinyake chakuchita na ichi. Yesu wakati, “Wose awo Ŵadada ŵali kundipa Ine,” ŵali, nyengo yakale, “ŵazamkwiza kwa Ine. Ndipo kulije munthu wangiza pekhapekha Ŵadada Ŵane ŵamuchema iyo.” Mukuwona? Sono, wonani, vyose viri mu kumanya kwa Chiuta.

³⁷ Imwe mukuti, “M’bale Branham, kasi ine ndiri mkati?” Ine nkhumanya yayi. Ine nkhugomezga ine ndiri. Ise tikufukafukira chiponosko chithu taŵene na wofi na kunjenjema. Sono, Mpingo uli kusankhikirathu kuti ukakumane na Chiuta kwambura banga panji khwinya. Sono, usange ise tiri mu Mpingo ula, ise ndise ŵakusankhikirathu pamoza na Mpingo ula. Sono jisandeni mwaŵene mwa Mazgu, ntheura imwe mungamanya kufufuza apo ise tiri.

³⁸ Sono, sono, Chikhristu cha bungwe chingapereka yayi chisimikizgo icho. Yayi. Ŵanji ŵa iwo ŵakati, “Imwe fikani pakweru ndipo zomerezgani kuti Yesu ndi Khristu ndipo mubapatizikire mu mpingo.” Devulu wakuchita chinthu chenechira. Iyo wakugomezga, iyomwene, kuti Yesu ndi Khristu, ndipo wakanjenjema. Wonani, uwo mbunenesko.

³⁹ Chiuta nthu wakalangura, nthu palipose mu Malemba, kuti kuzamkuŵa bungwe lirilose. Muliye malo mu Baibolo gha icho. Adam wakayamba limoza ndipo ili likatondeka.

⁴⁰ Ndipo pamanyuma Nimrod wakayezga kuti wapange bungwe. Usange iwe ndiwe wamudauko, ndipo iwe ukumanya mudauko wa Babulone, ŵazga la Hislop Ŵababulone Ŵaŵiri, iwe usangenge kungweruskika kukuru chomene. Kutu, Nimrod, munthu uyu wa kwananga, wakatora Babulone na mipingo yake yose yichokoyichoko, panji malo ghakamuzingilira, cheneicho chikaŵa chithuzithuzi cha—cha Chikhristu cha kunyoza cha nyengo yaumaliro, ndipo wakapanga malo ghamoza ghakuru chomene ndipo ghanyake ghose ghakaseŵera...ghakapereka viwongo ku agha. Ndipo mkati mula iyo wakazenga chigongwe

ndipo wakayezga kuti waŵawunganiske ŵanthu pamoza, kweni ichi chikatondeka. Ichi chikatondeka. Chira chikatondeka.

⁴¹ Kora, mu Maŵazgo 16:1, usange imwe mukukhumba kuti muŵazge, Kora wakayezga chinthu chenechira. Iyo wakawunganiska pamoza ŵa Levi wose, ndipo iyo wakatora a...ŵanyake ŵakumanyikwa, munthu wapachanya, munthu mukuru, munthu mutuŵa, ndipo iyo na Dathan ŵakiza pamoza ndipo ŵakati, “Ntchakwenerera yayi, munthu yumoza kuyezganga kutilamulira ise tose.” Ndipo ntheura iwo ŵakayezga kuti ŵayambiske bungwe pamoza, ndipo iwo ŵakiza panthazi pa Moses na Aaron, uyo Chiuta wakasankha pa ntchito iyi, ndipo ŵakaŵaphalira iwo kuti iwo ŵakajiŵikamo chomene iwoŵene, kuti gulu lose likaŵa lituŵa, ndipo iwo ŵakaŵa na wanangwa ku...“Mu unandi wa ulangizi muli chivikiriro,” nkhumanya, iwo ŵakuti. Icho nthā chikukhwaska ku Chikhristu. Icho chiri mu nkondo. Wonani, mphambano yikuru chomene.

⁴² Imwe mungamanya kutora Lemba, na kuti, “Yudas wakaruta ndipo wakajikakakirira iyomwene,” ndipo “imwe mukuruta mukuchita ntheuraso,” usange imwe mukukhumba kuchita, kweni icho nthā chikupanga ichi kuŵa chakwenerera.

⁴³ Chiuta wakasankha Moses ndipo Chiuta wakasankha Aaron, ndipo ukaŵa uthenga wa nyengo yawo. Ndipo palije kanthu kwali chigaŵa chinyake chikaŵa makora uli, ichi chikaŵa chakususkana na kughanaghana kwa Chiuta. Ndipo ise tikwenera kuti tizomerezge kughanaghana kwa Chiuta kuŵe kughanaghana kwithu. “Zomerezgani malingaliro agho ghakaŵa mwa Khristu ghaŵe mwa imwe.” Ndipo Baibolo ili likuvumbura malingaliro gha Khristu. Ndipo Buku lose la Chivumbuzi, lakuchemeka Uvumbuzi wa vyakunthazi, ndi Uvumbuzi wa Yesu Khristu. Ndipo ise tikumanya kuwona umo Iyo wakuchisuskira chinthu, umo Iyo wakuchirutiskira ichi ku chigaŵa chimoza, ndipo ise tifikengeko ku ichi kanyengo kanyake pachoko. Viri makora.

⁴⁴ Kora, ine nkugomezga iyo wakaŵa muneneska mu kuchita kwake. Ine nkugomezga munthu nthā—nthā wakang’anamura kuchita chiheni. Ine nkugomezga ukaŵa umbuli wa munthu uyo nthā wakawona woko la Chiuta likwenda na kumanya Malemba, ndipo ndicho chifukwa iyo wakachifiska waka ichi ku kughanaghanira.

⁴⁵ Ndipo icho ndi pafupifupi nayinte pa handiredi ya suzgo muhanyauno, kuti ise tikuyezga kunjizgamo mu ndondomeko ya Chiuta, kughanaghana kwithu. Ndipo ise nthā tikwenera kuti tighanaghanenge, munthowa yiriyose. Iyo wakutighanaghanira. Ise tikwenera kuti tipereke kughanaghana kwithu ku khumbo Lake. Imwe mukupulikiska sono?

⁴⁶ Kora, na kukhumba kuweme, wakendendeka na chisambizgo chautesi, kuwaphaliranga wabale aŵa, na kuwawoneskanga iwo mwa kughanaghanira, kuti Chiuta wakatumbika Moses pera yayi, muprofeti, thenga, ndipo wakatumbika iyo pera, kweni, “Gulu lose likaŵa lituŵa,” iyo wakayowoya, “ndipo sono gulu lose liri na wanangwa kuchita *ichi*, ndipo gulu lose liri na wanangwa kuchita *icho*.” Ndipo ntheura iwo wakatora munthu muweme, ŵa Levi. Sono, uko ndi kusankha kwa Chiuta, weneawo wakuchemeka muhanyauno, “wapharazgi,” Levi wakaŵa mupharazgi pa tempile. Kasi Moses wakaŵachenya yayi iwo pakuchita ichi? Ndipo, apa, iyo nthawakaruta ku ichi kwambu- . . .mwamtafu. Iyo wakaŵaphalira iwo kuti watore majonjo, ndipo ŵawikemo moto utuŵa mu agha, ndipo ŵawikepo vyakununkhira pachanya pa agha, ndipo kuti wazungunye chakununkhira chituŵa ichi, leneilo likaŵa languro la Chiuta. Ndipo iwo wakazomerezgana kuti wapange gulu la wanthu kuti lila mulirenge mpingo, uko Chiuta wakalangura munthu yumoza kuti wachite ntheura.

⁴⁷ Ndipo, para iwo wakati wachita chira, Moses wakawa pasi kavunama pakuti iyo wakamanya kuti Chiuta wakamutuma iyo ku ntchito yira. Ndipo Chiuta wakati, “Uwaphalire iwo kuti wize na majonjo ghara kunena kuno panthazi pa kachisi.” Ndipo ntheura para iwo wakati wayamba kuzungunya majonjo ghawo ghakuzura na moto, ndipo vyakununkhira vikasunkhanga, Chiuta wakati kwa Moses na Aaron, “Jipaturani mwaŵene kwa iwo! Fumanipo pakati pawo!” Pakuti, pamanyuma Iyo wakaŵachema iwo “wakwananga, wambura kugomezga.”

⁴⁸ Ndipo kwananga ndi kuwura kugomezga mu Mazgu gha Chiuta. Imwe mukwiba chifukwa chakuti imwe mukugomezga yayi. Imwe mukuteta chifukwa chakuti imwe mukugomezga yayi. Imwe mukuchita chigololo chifukwa chakuti imwe mukugomezga yayi. Usange imwe mukaŵenge wakugomezga, imwe mungachita yayi vyantheura. Kuli minjilira yiŵiri pera, iyo ndi chipulikano panji kuwura kugomezga, imwe mukulamulirika na chimoza panji chinyake.

⁴⁹ Sono, Chiuta, mu mtendeko, wakaŵa Mazgu, ndipo Iyo wakazgoka thupi ndipo wakakhala pakati pithu. Iyo wakaŵa Mazgu, Iyo ndi Mazgu! Ndipo para Chiuta wakukhala mwa imwe, ndi Mazgu gha Chiuta kukhalanga mwa imwe, uko imwe mungazomerezga chirichose Iyo wakuyowoya na “Amen.” Uyo ndi Chiuta kukhalanga mwa imwe.

⁵⁰ Sono usange imwe mungawona, wanthu aŵa wambura kafukwa ŵali na majonjo mu woko lawo, moto utuŵa mu woko lawo, Chiuta wakajura charu chapasi ndipo wakaŵamirimitizga iwo, ndipo wakaŵapatulanya iwo kwa Moses chifukwa Moses wakajipaturako iyomwene kwa iwo. Ndipo Moses wakalichenjezga gulu, “Ntha mungatayanga nyengo na gulu la mtundu ula. Fumaniko kwa iwo!” Sono, imwe mukughamanya

Malemba, wazgani cha 16, 17, 18, mwakufwasa, chipatulo, ndipo imwe muchisangenge ichi. “Jipaturani mwawene ku wakwananga awa, wakwananga wambura kugomezga. Fumanipo pakati pawo, pakuti iwo warazga ku kuparanyika, na chirichose iwo wali nacho.” Ndipo para iwo . . . charu chapasi chikajurika ndipo chikatitimira pamoza na wanthu awa wali na moto utuwa uwu. Wanthu wambura kwananga kupurusika na munthu.

⁵¹ Chimozimozi muhanyauno! Kuli wanthu wanandi wambura chifukwa wakuwa mu msampha wa mwambo, wakorera Mazgu Ghatuwa mu woko lake, ndipo wakughanaghanirika kuti wakupharazganga kufumira mu Ichi. Ine nanguwona mawonekero pa chisko cha mupharazgi nkhanira mwasonosono, mupharazgi wa Methodist, waka wa mupharazgi wa Methodist kufika pa Sabata yamara usiku. Ndipo para iyo wakati wala wiska, ine nkughanaghana kuti ichi chikung’anamura chikuru chomene kwa iwe, m’bale, kuti ukafumako.

⁵² Sono, wonani, wakolera majonjo, moto ukutoroska fungo liweme lakununkhira panthazi pa Chiuta, ndipo mawoko ghara ghakolera icho, kweni wakaparanyika wali na jonjo mu woko lawo, chifukwa iwo wakayezganga kuchita chinyake na mtima wose, kweni, kwimikana na Mazgu gha Chiuta, kuyezganga kuti wapange bungwe. Wakati, “Iwe ukujiwikamo chomene wamwene. Kasi ndiwe njani iwe kuyowoya kuti iwe uli na Mazgu ghose gha Chiuta?”

⁵³ Iwo wakatondeka kuwona kuti Moses waka wa a—thenga la nyengo yira. Wonani, iyo waka wa na NTHEURA WAKUTI YEHOVA. Paka wavye munyake pa charu chapasi wakuyana na iyo. Iyo waka wa na Uthenga, ndipo wanthu wakatondeka kuchiwona Ichi. Ndipo Moses waka wa ndendende na NTHEURA WAKUTI YEHOVA. Nadi. Viri makora.

⁵⁴ Sono ise tikusanga chinthu chenechira muhanyauno, wanthu waweme, wanthu wakuru wakuru, wanthu wakuzirwa kuyezganga kupharazga Mazgu gha Chiuta (mu woko lawo) kwizira mu mwambo unyake wakupangika na munthu. Kudumurangako kudera *uku*, na kudumuranga kusi *uku*, na kupanganga ichi *mwatheura*, ndipo “zaninge mujoyine mpingo ndipo sinthani umembara winu,” ndipo ku uzimu wakufwa wali na Mazgu ghara mu woko lawo! Mukuwona?

⁵⁵ Iwo wakaligomezga yayi thenga la Chiuta panji Uthenga Wake wa nyengo yira. Iwo wakupulikiska yayi chifukwa icho Chiuta mukuru wakagwira ntchito yayi na gulu lose la wanthu, ndipo waka wika waka ichi pa munthu yumoza.

⁵⁶ Kasi ndayowoyeskana na walinga wa iwo muhanyauno, “Kasi tichite vichi ise, M’bale Branham? Ise tikumanya iwe ukuneneska, kweni kasi ise tichite vichi? Bungwe litisezgenge ise, ise tiwengeveve malo ghanyake ghakuti tiruteko.” Ine

nkhuwâlengera chitima iwo; kweni ghaliko Malo. Imwe mukuti, “Enya, ise mbwenu tifwenge na njara.”

⁵⁷ David wakati, “Kale ine nkhaŵa mwanichi, ndipo sono ndine mulara, ndipo nindamuwonopo munthu murunji wakusidika, nesi wana wâke kupempheska chakurya.”

⁵⁸ Yira ndi ndendende fundo yenyira iwo wâkamukanira Yesu. Iwo wâkavungika chomene mu bungwe lawo, na wâsofi wâtuwâ na nyumba zituwâ, na mipingo yituwâ na matempile ghatuwâ, iwo wâkatondeka kumuwona Chiuta mu tempile Lake la thupi la munthu. “Iwe, pakuwâ munthu, ukujipanga wamwene Chiuta.” Wonani, iwo wâkavungika chomene mu ichi! Wânthu aŵa wâkavungika chomene mwakuti Dathan na iwo wâkaŵa wâneneska. Nimrod wakavungika chomene mwakuti iyo wakamanya kupanga chinthu chinyake icho chikamanya kuwâkwezga wânthu pachanya pa ukali wa Chiuta. Adam wakaŵa na chisimikizgo chakuti usange iyo wakabenekerera unkhuli wake mbwenu Chiuta wawuwonenge yayi uwu. Imwe mungabenekerera yayi uwu, Chiuta ndiyo wakwenera kuti wabenekerere uwu. Mukuwona? Mukuwona? Ndongomeko ya Chiuta yikubenekerera uwu, yinu yayi. Nyengo zose chiri kuwâ ntheura, iwo wâkutondeka kumuwona Yesu mu tempile Lake, Chiuta kuwonekera mu thupi.

⁵⁹ Muhanyauno ichi chikundipangiska ine kupulika uheni para ine nkhuwona kuti Mazgu gha Baibolo ghali kudumulika chomene na myambo. Ndipo wânthu wamtima wakugomezgeka awo wâkwimirira kula na kupulika Mazgu ghara, ndipo wâkumanya kuti Uwu ndi Unenesko, kweni iwo wâkutondeka kuchitapo kanthu, chifukwa mwambo wawo ukuwâsambizga iwo mwakulekana. Chapaninge mapoto na mbale, ntheura, wâbale, rutirirani. Kweni kwa ise, na kwa ine na nyumba yane, ise tikutora Khristu, Mazgu. Mukuwona?

⁶⁰ Tiyeni titore Yohane 3 pa kanyengo waka, Nikodemo, musambizi na mulumuliri wa bungwe likuru lakuchemeka Sanhedrin. Iwo wâkawungana iwoŵene pamoza, ndipo iwo wâkapanga myambo yawo. M—limoza la wâFarisi ndipo limoza la wâSaduki, ndipo iwo wâkaŵa na bungwe lawo pamanyuma, kupambana kwawo, ndipo ntheura iwo. . . Munthu uyu wakaŵa musambizgi, mulumuliri wa Sanhedrin yikuru iyi, munthu wakuziziswa mu kusambizga. Iyo wakaghamanya Malemba, iyo wakaghanaghana. Iyo wakamanya ichi kwizira mu mwambo wawo. Kasi Yesu wakayowoya yayi, “Imwe mwachita, kwizira mu mwambo winu, mwapanga Marango gha Chiuta kuwâ ghambura nkhangono”?

⁶¹ Wonani, chifukwa cha myambo yawo! Kasi ntchichi icho? Kuwîkangapo kutanthauzira kwawo pa Mazgu, m'malo mwakughaleka Igho ghekha, icho Igho ghakuyowoya. Iwo wâkuti Ichi chikung'anamura *ichi* yayi. Kasi imwe

mwanguwona, ilo ndi lizgu lenelira ilo devulu wakagwiriska ntchito kwa Eva, kuti wayambiske bungwe lakudankha, wonani. “Nadi ichi chikwenera kuwa *ntheura*. Chiuta wangachita yayi icho, imwe mukumanya.” Wonani, ndi chinthu chenechira. Ndi chinthu chenechira muhanyauno.

⁶² Sono ise tikuwona, mulamuliri uyu wakiza kwa Yesu. Chinthu chakudankha, sono, iyo wakiza kupenja Umoyo Wamuyirayira, iyo wakiza kupenja chiponosko. Kweni, munthu wa kayimiro kake, musambizgi mu Israel, kweni musambizgi mu Israel wakiza kwa Munthu uyo ise tirije mbiri yakuti wakaŵapo pa sukulu dazi limoza. Munthu mulara mchekuru, msofi mulara, wamahara, wakwiza kwa Munthu mwanichi. Iwo ŵakaŵa ŵakuchindikika, munthu musambazi wakwiza kwa Wakupempha uyo wakaŵavaye malo ghakuti wangaŵikapo mutu Wake, kuti wamufumbe Iyo nthowa yakuya ku chiponosko na ku Umoyo. Malo ghakudankha, iwo ŵa ku Sanhedrin yira, *ntheura* wakazomerezga Nikodemo, iwo ŵakawona chinyake mwa Yesu icho ŵanthu ŵanyake ŵa bungwe lawo ŵakaŵavaye. Iwo ŵakawona kuti mukaŵa chinyake mwa Iyo, chifukwa iyo wakati, “Rabbi, ise tikumanya Imwe...” “Ise,” enya, iwo nthena ŵakazomerezga yayi ichi, chifukwa iwo mbwenu ŵasezgekenge. Mukuwona? “Ise tikumanya Imwe ndimwe Musambizgi wakufuma kwa Chiuta, pakuti kulije munthu wangachita vinthu ivi ivyo Imwe mukuchita pekhapekha Chiuta waŵe na iyo. Ise tikumanya icho!” O, mwe! Bungwe!

⁶³ Sono, ise tikuwona kuti Yesu wakaŵa kuwonekera kwa Chiuta. Sono, “Kulije munthu wangachita vinthu ivi pekhapekha Chiuta waŵe na iyo.” Iwo ŵakamanya kuti mukaŵa chinyake chapadera mwa Munthu yura. Iyo wakaŵa Kuŵara kwa nyengo yira. Iyo wakaŵa Kaboni wa Chiuta.

⁶⁴ *Ntheura* Kora wakawona chinthu chenechira mwa Moses. Iwo ŵakaŵavaye munthu nyengo yira wakuyana na Moses. Iyo wakaŵa kaboni Wauzimu wa Chiuta, wa nyengo yira, ku nkhangono ya Chiuta. Kora na gulu lake ŵakaichwona ichi mwa Moses. Iwo ŵakapulikiska kuti ichi wangaŵa Moses yayi; Moses nthena wakajura yayi Nyanja Yiswesi, Moses nthena wakatuma yayi vilengo pa charu chapasi. Wakaŵa Chiuta mwa Moses, ndipo, pakuti Chiuta uyo wakajiwoneskera Iyomwene mwa kaboni panji kuŵara kwa nyengo yira, iwo ŵakatondeka kuchiwona Ichi. Kora wakakhumbanga kuti wapange gulu lose la ŵanthu, ŵanjizgemo chirichose.

⁶⁵ Icho ndicho bungwe likumanya kuchita, kunjizgamo chawaka-waka chirichose icho chiriko, na kuchema ichi “Chikhristu.” Ŵakumutuma mnyamata ku sukulu uyo ntha wakumanya chirichose za Chiuta kuruska umo wa Hottentot wangamanyira za msirikali wa Egipto, ŵakumutuma iyo kudera kula ndipo ŵakumupasa masambiro iyo ndipo ŵakumusambizga iyo kumanya malingaliro, ndipo ŵakumupa

iyo Ph.D., na digrii ya udokotala panji bachelor of art, panji chinyake panji chinyake ngati icho. Ndipo wakumutuma iyo kula kuti wakapharazge Ivangeli, uyo wandaponoskekepo, uyo wakanenge kubabika na mwali na chiwuka, wakanenge machirisko Ghauzimu, wakanenge Nkhongono ya Chiuta, wakanenge fundo zenezira izo Yesu wakafwira, wakanenge Marko 16 kuti ngwakukhuwirizgika, wakanenge “vimanyikwiro ivi viwarondezgenge weneawo wakugomezga” penepapo Yesu wakayowoya Mazgu Iyomwene, wakanenge Milimo 2:38, wakanenge Malemba ghanyake ghose agho ngakukhuwirizgika. Ndipo wakuyezga kutora mwambo wa wanthu awo wakumanya chirichose yayi, ndipo rutaruta kuyowoyanga ichi. Ndipo para iwe ukuwaphalira iwo Unenesko na kuwawoneska iwo Unenesko, iwo wakuchita soni kusuntha, chifukwa cha bungwe lawo.

⁶⁶ Kora wakachita chinthu chenechira. Iyo wakawona Chiuta mwa Moses. Iyo wakawona kuti yikaŵa Nthumi ya Chiuta kutewetanga kwizira mwa iyo. Ndipo Nikodemo wakawona Chiuta mwa Khristu, “Kuliye munthu wangachita vinthu ivi pekhapekha Chiuta waŵe na iyo.” Nikodemo wakaŵa mu bungwe kale, kuyezganga kuti wafumemo. Kora wakaŵa kuwaro, kuyezganga kuti wapange limoza kuti wanjiremo. Yira ndiyo yikaŵa mphambano. Nikodemo wakayezganga kuti wasange chiponosko, kuti wafumemo mu chinthu; iyo wakaŵa mu ili kufuma ku unyamata, iyo wakavuka nalo ili. Iyo wakakhumbanga kuti waponoskeke. Kweni Kora wakayezganga kuti wajipangire iyo a—malo uko iyo wangamanya kuŵa munthu wakuzirwa.

⁶⁷ Umo ndimo kuliri na wanthu muhanyauno. Ilo ndilo suzgo na Chikhristu, ise tiri na wakukopera wanandi chomene watesi. Ndipo wanthu withu wa Chipentekosite, mundigowokere pa kayowoyero, mbakuzura na ichi, kulinganizga kwa kuthupi! Rekani Chiuta wawuske munthu ndipo wamupe iyo chinthu chinyake, ndipo waliyose mu charu wayezgenge kukopera munthu yura. Kasi iwe ukumanya yayi kuti ukukoma timu yako wamwene? Para imwe mukusewera bola. . . “Ndipo uchizi,” umo Paulos wakayowoyera ichi, “tiyeni tichimbire chipharizgano ichi na chizizipizgo.” Munthu uyo wali na bola, kumupoka yayi iyo mu mawoko ghake, yezgani kumuvikirira iyo. Kweni m’ malo mwa icho, chifukwa chakuti iyo wali mu bungwe linu yayi, imwe mukuyezga kuti mumupoke iyo. Munthu munyake uyo wakwenda mwa penthyapenthya, iyo wangachita yayi, iyo mbwenu wakhuwarenge ku maluŵa mu chakupondapo, ndipo pamanyuma wakuyezga kukupoka Ili kwa iwe. Uwo mbunenesko. Sono, kuyowoya kwauzimu, ine nkhung’anamura. Mundigowokere ine, ine. . . Enya, iyo wakhuwarenge pa chinthu chichoko ngati Milimo 2:38, iyo wawenge nadi. Usange iyo wakhuwarenge pa Marko 16, kasi iyo wakwaniskenge uli ichi?

Mukuwona? Huh. Visambizgo vikuru chomene vya Khristu. Ndipo chinthu chenechira icho wakadumbirana pa Mphara ya Nicaea, iwo wachali kukhuwara pa ichi pati pajumpha virimika vyose ivi.

⁶⁸ Kuyezganga, Kora wakayezganga kuti wapange bungwe, kuti wanjiremo mu ili. Ndipo Nikodemo wakaŵa mu ili, kuyezganga kuti wafumemo mu ili. Nikodemo wakapokerereka, ndipo wakafumamo. Kora wakaparanyikira mu ili, mu kutokatoka kwake, iyo wakaparanyikira mu kutokatoka kwake. O, mwe!

⁶⁹ Bungwe ilo Nikodemo wakaŵamo, likamanya kuti Khristu wakatumika na Chiuta, wikayowoya nthura. Nikodemo, mu chipatulo 3 umu, wakuzomerezga ichi, “Rabbi, ise tikumanya kuti Imwe ndimwe Musambizgi wakutumika kufuma kwa Chiuta, pakuti kulije munthu wangamanya kuchita minthondwe iyi yeneiyo Imwe mukuchita pekhapekha Chiuta waŵe na iyo.” Ndipo gulu lenelira, chifukwa cha bungwe lawo, likamuchema Iyo “Berezebure,” chifukwa cha nkhangono Yake ya kufumiska viwanda, ndipo wakati, “Iyo wakupuruska wanthu witu na Chisambizgo Chake.” Ndi chinthu chenechira muhanyauno. Kupuruskanga vichi?

⁷⁰ Yesu wakati, “Ine nkuchita chekha pera icho chikukondwereska Wadada, Ine nkhusunga waka Mazgu gha Chiuta,” chifukwa Iyo wakaŵa Mazgu. Iyo wakachitanga chinyake yayi kweni Mazgu.

⁷¹ Kweni, chifukwa cha bungwe lawo, chifukwa cha nthowa yawo, iwo wakaŵa kuti waŵakakilira wanthu. Mu mitima yawo iwo wakamanya ichi, kweni bungwe lawo likaŵazomerezga yayi iwo kusunga ichi. Pamanyuma, kuti wapange nthowa ya kuphokwera, kuŵapanga wanthu kuti wareke kufumamo mu bungwe (“wanthu wose wakumurondezga Iyo”), kuti wapangiske wanthu wareke kufumamo mu bungwe na kurondezanga Unesko wa Chiuta (cheneicho Iyo wakaŵa Unesko “Ine ndine Unesko, Kuwara”), kuŵapanga iwo kuti wareke kurondezanga Icho, iwo wakayowoya kuti Iyo wakapuruskanga wanthu. Ghanaghanani za ichi! Munthu, uyo mu mtima wake wakamanya kuti Iyo wakaŵa Chiuta, kuti Chiuta wakaŵa mwa Iyo (“kulije munthu wangayowoya vinthu ivi, panji kuchita vinthu ivi, pekhapekha Chiuta waŵe na iyo”), kumanyanga icho na kuyowoyanga icho na kuzomerezganga icho, ndipo pamanyuma kung’anamuka na kumuchema Iyo “Berezebure, na mupuruski wa wanthu,” wanthu wawo, “mwa Chisambizgo Chake.” O, mwe!

⁷² Nikodemo wakamanya kuti Iyo wakaŵa Muprofeti. Sono, yura wakaŵa yumoza mu bungwe uyo wakamutemwa chomene Chiuta ndipo wakamuwopa chomene Chiuta, ndipo wakamanya mwa Chipangano Chakale kuti Munthu uyu wakaŵa na

vyakumuyenerezga ndipo wakasimikizgika na kukhozgeka, Muprofeti wakatumika kufuma kwa Chiuta. Munthu, ine ndimuchindikenge iyo usange iyo wakiza mu usiku, iyo wakafika kula. Iyo wali makora chomeniko kuruska wásambizgi wíthu wánandi muhanyauno, iwo nthá wízenge munthowa yiriyose. Nikodemo paumaliro wakafika. Ntheura, kumususka yayi iyo, usange imwe muchali mundafike. Nikodemo wakamanya kuti Iyo wakaŵa Muprofeti, ntheura iyo wakamuwopa Chiuta. Iyo wakazomerezga yayi Munthu yura wakhale kutali na iyo, Kuŵara kwa nyengo yira. Kwali Ili likaŵa lakususkana chomene uli, kwali bungwe lake likayowoya chomene uli kuti Ili likaŵa lakususkana, iyo wakawona Chiuta wakumukhozgera Munthu yura ndipo iyo wakamanya kuti Iyo wakaŵa Muprofeti. Ndipo usange Iyo wakaŵa Muprofeti, Mazgu gha Yehova ghakwiza kwa muprofeti, ndipo Iyo wakamanya icho Iyo wakayowoyanga. Mukuwona? Ntheura iyo wakaruta kwa Yesu, iyo wakakhumbanga kuti wamanye umo iyo wangasangira chiponosko. Usange Munthu uyu wakaŵa Muprofeti, Mazgu gha Chiuta ghakaŵa na Iyo, ndipo Iyo wati wayimanyenge nthowa ya chiponosko.

⁷³ Kweni icho Nikodemo wakayenera kuti wasambire ndi cheneicho wánthu wánandi muhanyauno, wá mabungwe gha nyengo iyi, wákwenera kuti wásambire. Icho Nikodemo wakayenera kuti wamanye, ndicho wánthu muhanyauno wákwenera kuti wamanye, wá mabungwe agha. Iyo wakaŵa mukuru kuruska Muprofeti. Iyo wakiza kwa Iyo kuti wafumbe, wakumuphalira Iyo kuti wamuphalire nthowa ya ku Umoyo, ndipo Yesu Iyomwene wakaŵa Umoyo. Iyo mweneuyo wali na Mwana wali na Umoyo. Ntheura iyo wakatondeka, nthá wakayenera kwiza kuzakayezga kusambira chisambizgo, iyo wakwenera kuti wafike kuzakamuzomera Munthu. Icho ndicho chiriko usiku uwu! Libwe Likuru lapangodya likukanikaso. Kasi Libwe Likuru lapangodya ndi vichi? Ndi Mazgu, nkhumanya. Khristu, Iyo ndi Mazgu.

⁷⁴ Iyo wakayenera kuti wasambire chinyake. Iyo wakaghanaghana, “Enya, sono, Munthu uyu ndi Muprofeti, Iyo ndi Muprofeti waka.”

⁷⁵ Ntheura, kasi imwe mwanguwona, Yesu wakazgora yayi fumbo lake, Iyo wakamuchenyá waka iyo chifukwa cha uchiburumutira wake. Mukuru kuruska Muprofeti, Iyo wakaŵa Mazgu ndipo Kuŵara mbee kwa Mazgu! Iyo wakaŵa Chiuta kuŵaranga kwizira mu chiteŵetero, kusimikizgiranga kuti wakaŵa Chiuta mwa Munthu. Iyo wakaŵa Mazgu. 1 Yohane, chipatulo 1 . . . Yohane Mutuŵa, chipatulo 1, mphanyiko, wakuti, “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi, ndipo wakakhala pamoza nase.” Ndipo apa pakaŵa Mazgu gha Chiuta kuŵaranga kwizira mu thupi lichoko ili

lakufoka la Munthu, ndipo Ichi chikaburumutizga bungwe. Kweni Iyo wakwiza kuzakatora munthu payekhapayekha. Mukuru kuruska Muprofeti, Iyo wakaŵa Mazgu! Iyo ndi Umoyo. Ntha... Iyo ntha wakayenera kuti wamusambizgeni imwe za Umoyo unyake kuti wizenge, Iyo wakaŵa Umoyo ula Iyomwene! Iyo wakaŵa Umoyo. Iyo wakaŵa Kuŵara. Iyo wakaŵa Umoyo. Iyo wakaŵa Umoyo Wamuyirayira, ukaŵa mwa Iyo, ndipo Iyo pera ndiyo Mupi wa Umoyo Wamuyirayira. “Iyo mweneuyo wali na Mwana wali na Umoyo.” Ntheura imwe muli... imwe ntha mungaŵa waka na kusambizga kwa Mazgu za Iyo, imwe mukwenera kuti muŵe na Iyo.

⁷⁶ Imwe mukuti, “O, ŵanthu ŵakukhala pasi ndipo ŵakusambira Baibolo lira na mazgu ghose gha Chigiriki, na icho ving’anamuro viri, na mapankichuweshoni, na vinyake ntheura.” Ndipo ntha ŵakumanya kalikose za Chiuta kuruska chirichose! Mukuwona? Yayi! Iyo mweneuyo wali—iyo mweneuyo wali na a—a—kawonekero, iyo mweneuyo wali na pulani? Ndi iyo mweneuyo wali na Mwana, uyo wali na Iyo, Munthu. Iyo ndi Mweneuyo wali na Umoyo.

⁷⁷ Nikodemo wakamanya kuti Iyo wakamanya za Umoyo, kweni iyo wakamanya yayi kuti Iyo wakaŵa Umoyo Wamuyirayira. Yura ndiyo, Munthu uyo iyo wakayowoyanga nayo, Thenga, Kuŵara kwa nyengo yira, Kuŵara kwa charu. “Ungweru kuŵaranga mu mdima, ndipo mdima ukapulikiska yayi Ichi. Iyo wakatumika ku Ŵake Yekha ndipo Ŵake Yekha ŵakamupokerera yayi Iyo.” Chifukwa? Chifukwa? Chifukwa iwo ŵakaŵa chomene mu bungwe, ŵakakhazikika na kuchapanga mapoto na mbale, na myambo, kuti iwo ŵakatondeka kuwona Mazgu ghakazgoka thupi.

⁷⁸ Ichi chawerezgeka. Ichi chawerezgekaso. Mudauko ukujiwerezga iwowekeha pafupipafupi. Enya, iyo wakamanya kuti Iyo wakaŵa—Iyo wakamanya za Umoyo, kweni Nikodemo wakamanya yayi kuti Iyo wakaŵa Umoyo. Icho ndicho chiriko muhanyauno. Ŵanthu ŵanandi chomene ŵakuyezga kumupanga Yesu, o, Musambizgi mukuru, iwo ŵakuyezga nanga nkhuoyoya kuti Iyo wakaŵa Muprofeti. Kweni para imwe mukuyezga kuyowoya kuti Iyo wakaŵa Chiuta, icho ndi kujumphizga kukuru. Mukuwona? Kweni Iyo wakaŵa Chiuta, ndipo Iyo ndi Chiuta, ndipo Iyo nyengo zose waŵenge Chiuta. Mbweni kwamara. Uwo mbunenesko.

⁷⁹ Wonani, Iyo ntha wakamuphalira Nikodemo, sono, para iyo wakati wafika kwa Iyo, Iyo ntha wakati, “Sono, Nikodemo, Ine nkhekuchindika chomene iwe, kuti iwe ndiwe a—a—musambizgi mu Israel. Ine ndikuphalirenge chakuti uchite, iwe ukupenja Umoyo Wamuyirayira, panyake iwe ukwenera kuti upolishe masambiro ghako. Iwe ukuyowoya makora yayi mazgu ghako.” Kupusa. Panji, “Panyake iwe ukwenera kuti upenje udindo ukuru mu bungwe lako, kuti uŵe na Umoyo Wamuyirayira.”

80 Icho ndicho wanthu wanandi chomene wali kuyezga kuchita muhanyauno, u-huh, udindo wapachanya, iwo wakukhumba kuti wazgoke kufuma pa a—mliska kufika ku mulara wa chigaŵa, panji—panji kufika ku bishopu munyake panji chinyake ngati icho. Icho chilije chakuchita na Chiuta kuruska kalikose.

81 Wonani icho Iyo wakachita panthazi pa munthu wantheura. Iyo wakamuchenya iyo chifukwa cha kureka kumanya ora lake ilo iyo wakakhalangamo, “Iwe ukung’anamura kundiphalira Ine kuti iwe ndiwe musambizgi mu Israel ndipo ukutondeka kupulikiska vintu ivi, para,” Iyo wakati, “munthu wakwenera kuti wababikeso?”

82 “Chifukwa,” iyo wakati, “ine munthu mulara, nkhanjire mu nthumbo ya wamama?”

83 Iyo wakati, “Ndipo iwe ndiwe bishopu, kadinolo, mulara wa chigaŵa mu mpingo wa Chipentekosite,” panji munthu munyakeso, “munthu munyake wakuzirwa mu bungwe, ndipo iwe ukughamanya yayi Malemba?”

“O, ise tiri na Moses.”

84 “Usange imwe mukamumanyenge Moses, imwe nthena mwandimanya Ine, chifukwa iyo wakaŵa mweneuyo wakayowoya za Ine.” Mukuwona? Kweni nthu kwakulingana na myambo yawo, lawo—bungwe lawo, chira chikaŵa chakulekana. Kweni Moses wakayowoya za Iyo, ndipo Iyo wakaŵa Mweneuyo Moses wakayowoyanga, ndipo kweni iwo wakamanya yayi ichi. Chifukwa? Iwo wakajikakirira chomene iwoŵene na myambo, iwo wakamanya yayi ichi.

85 Ndipo wabale wane imwe mukuwazga, imwe mukutora tepi iyi, kuzimwa yayi iyi sono. Miniti pera, tiyeni tichiwone chinthu ichi nkhanira mu maso. Ine nkhumutemwani imwe, imwe ndimwe waliska. Ndipo ine nthu nkhuvezga kuŵa wakumanya vyose. Usange ine nkhuwanga fundo iyo, nthura imwe muyimiske tepi ndipo mundirombere ine. Ine nkhuvezga waka kupereka kwa imwe chinyake icho ndi Unenesko. Kuzomerezga yayi ichi chimujumpheni imwe.

86 Sono, ine nkhuwindika dongosolo la munthu, na vinyake nthura, kweni para imwe mukupanga mabungwe agha... Wawoneni Wafarisi, wakaŵavye chakuchita na Wasaduki, chifukwa Wasaduki nthu wakagomezga mwa—mwa mungelo nesi panji—panji mzimu, panji chiwuka, panji chirichose, ndipo Wafarisi wakaŵa na vyose, ndipo iwo wakaŵa pa nkondo yumoza na munyake. Sono wa Oneness wakugomezga chinthu chimoza, wa Utatu wakugomezga chinyake, ndipo wa Methodist chinyake, ndipo wa Prezibetere chinyake, ndipo imwe mukupanga mphaka zichokozichoko. Ndipo kasi imwe muli na vichi? Kupatukana kwa ubale. Apo tikurutirira, ise tighasengenge malo agho mu Baibolo mu kanyengo kachoko

waka, kasi ichi ntchichi, na icho Chiuta wakuyowoya kasi ichi ntchichi.

⁸⁷ Sono, yayi, Iyo nthā wakamuphalira iyo kuti wajipolishe. Iyo wakamuchenyanaga waka iyo chifukwa cha kureka kumanya chinthu cheneko. “Kasi iwe ndiwe musambizgi mu Israel, ndipo ukumanya yayi vinthu ivi? Usange ine ndakuphalira iwe vinthu vya pacharu chapasi, ndipo iwe ukutondeka kupulikiska ichi. . .” Ghanaghanani! “Musambizgi, dongosolo lapachanya mu mpingo wa Orthodox, bishopu, kadinolo, ndipo iwe ukutondeka nanga nkhupulikiska mawonekero gha ubonda wa vinthu vya kuthupi ivyo Ine nkhukuphalira iwe, kasi iwe upulikiskenge uli vinthu vyauzimu vyakufuma Kuchanya?”

⁸⁸ Kweni mulovi mulara uyo wakatondekanga nanga nkholemba zina lake yekha, wakapulikiska Ichi, wonani, ndipo wakaŵa murongozgi wa mpingo ku Yerusalemu, Petros. Mukuwona? O, “Wose awo Ŵadada ŵali kundipa Ine, iyo wizenge.” Mukuwona? Iwo ŵakuchiwona Ichi. Iwo ŵakugomezga Ichi. Iwo ŵakuchita Ichi, kumanyanga kuti kulije chirichose chiŵatondeskenge iwo.

⁸⁹ Kuyana waka na mlimi. Ntchiweme yayi kuŵikapo nthabwara, kweni kupanga chiyezgerero. Iwo ŵakati mlimi wakaŵeta nkhuu, ndipo iwo ŵakaŵavye masumbi ghakukwanira, iyo wakaŵikapo sumbi la baka pasi pa iyi. Para kabaka kachoko kakati kakonkhomoreka, iko kakaŵa kanthu kamawonekero ghachilendo chomene ake nkhuu zira zikawonapo. Iko kakaŵa na chisko chitali chakusekeska, ndipo iko kakayendanga nato kakulira kuti kwakikwaki m’ malo mwa piyopiyo, ndipo—ndipo nkhuu zose zikaryanga na kusora mu balaza. Ndipo chira chikaŵa chakurya chake yayi, ndendende. Ntheura dazi limoza nkhuu yilara yikakarongozgera iko kuwaro kuseri kwa chitupa, kuti yikakoreko viwala vinyake, ndipo kuseri kwa phiri kukaŵa a—nyanja. Ndipo mbwenu kukachitika kuti mphepo yikiza kufuma ku nyanja, ndipo iko kakapulika fungo la maji. Ndi kaŵiro waka kake. Nkhuu yilara yikati, “Gu, gu, gu, gu, werako!”

⁹⁰ Iko kakati, “Kwaki, kwaki, kwaki,” ulendo ku maji. Chifukwa? Iko kakaŵa kabaka, kwamba na kwamba. Paliye kanthu kwali nkhuu yikaguska chomene uli, iko kakaŵa ndithu kabaka.

⁹¹ Ndipo umo ndimo kuliri na munthu uyo wali kusankhikirathu ku Umoyo Wamuyirayira. Para iyo wakuwona Kuŵara kwa Chiuta, mulije mabungwe ghakukwanira mu charu ghakuti ghamuwezgere kumanyuma kunjira mu ili. Yayi. Chifukwa? Ndi kaŵiro kake. Iyo panyake wakhala wakurya nawo nyengo yitali, na kuryanga vyawakawaka vyawo na masangurusko, kweni iyo wakufika ku malo uko iyo wakusanga chinthu chinyake chakulekana, ntheura iyo wakuchimanya ichi.

“Mberere Zane zikulimanya Lizgu Lane,” wakayowoya Yesu, “mlendo zimurondezgenge yayi.” Iwo panyake wangaŵa kuti wâkurondezga chinyake chachilendo, kweni mkati mwa iwo muli chinyake chakulekana. Rekani iwo wâpulike Unenesko nyengo yimoza, ndipo muŵawone iwo. “Wose awo Wadada wâli kundipa Ine wizenge.”

⁹² Enya, Iyo wakamuchenya iyo chifukwa cha kureka kumanya. “Iwe ndiwe musambizgi mu Israel, ndipo ukuvimanya yayi vinthu ivi? Iwe ukwenera kuti ubabikeso!” Sono, munthu wakuthupi, ine nkhuKhumba kuti...imwe muwone chinyake apa, “Iwe ukwenera kuti ubabikeso.”

⁹³ Sono, umoyo wakuthupi, usange ise tiri na umoyo wakuthupi, kuti ise tiŵe wâkutokatoka mu umoyo uyu wakuthupi, mu vinthu vya kuthupi, ise tikwenera kuti tibabike ku kuthupi. Iwo nthu wâkuchita kumuphajani kufuma ku khuni kumalo kunyake, wonani, kumujinthani imwe kuwaro munthowa yinyake. Iwo wâkayezga ichi, kweni ichi chikagwira ntchito yayi. Kukwenera kuŵa kubabika kweneko, kubabika kwa kuthupi, kumupangani imwe kuŵa wâkutokatoka mwakuti imwe mungamanya kuŵa na masensezi ghankhonde, kwenda, kuyowoya, kuwona, kulaŵa, kukhwaska, kununkhiska, kupulika, kuyendayendanga, vinyake nthura, chifukwa imwe ndimwe munthu, ndipo imwe ndimwe—imwe mukuŵa navyo vinthu vyose ivi chifukwa ivi vikunjira mu umoyo wakuthupi.

⁹⁴ Ndipo, mu kubabika kwantheura, nyengo zinyake ise tikuŵa wâvinjeru chomene mu vinjeru vya charu panji vyakuchitika vya m’charu, kuŵa mapurezidenti na—na wâkusambira chomene, na wâmakaniki wâkaswiri na wâsayansi, na vinyake nthura. Ndipo imwe nyengo zose mukumanya, kufuma pa chiyambi chenechira, wâkaŵa wâna wâ Kayini awo wâkaŵa na vinjeru vya mtundu ula; nthu wâ Seti, iwo wâkaŵa wânthu wâkujikhizga wâkuweta mberere. Kweni wâna wâ Seti wâkaŵa wânthu wâuchiuta. Kweni wâna wâ Kayini nyengo zose wâkaŵa wâmahara, wâpachanya, wâsayansi, madokotala na wânthu wâkuzirwa. Uwo mbunenesko. Baibolo likayowoya nthura, imwe mukumanya, Ilo likusambizga icho. Ndipo wâsopisopi chomene, kweni wâkaparanyika pa umaliro. Ise tikuŵa wâvinjeru pa kuchita kuruta ku sukulu, kutoranga masambiro, na vinyake nthura, ise tikuŵa wâvinjeru chomene, wâmahara, ndipo tikumanya kuchita vinthu na kuyowoya vinthu, ndipo nyengo zinyake kuyowoya kuruska munthu uyo ngwakuzuzgika na Mzimu. Kasi Yesu wakayowoya yayi, “Wâna wâ charu ichi mbavinjeru kuruska wâna wâ Ufumu”? Nadi, chifukwa iwo, kwizira mu zero zawo izo iwo wângamanya—wângamanya kuyowoya na kuŵa wâmahara kwakuruska na kuyowoya kwakuruska, na kutora Malemba na kunyongolora Ili kupanga Ili kuyowoya vinthu ivyo Ili likuchita yayi.

95 “O, Ili nthā likung’anamura ndendende icho.” Para munthu wakyowoya icho, fumaniko kwa iyo. Chiuta wakupwererera Mazgu Ghake, imwe mukumanya, Baibolo likayowoya. Ili liri kulembeka umo Ili likwenera kuwira. Mukuwona? Sono, Ili liri kuwikika mu nthowa yakuti lipuruske, panji kupanga wavinjeru kuti wakhuware pa Ili. Ili ndipusu chomene, ndicho chifukwa iwo wakukhuwara pa Ili. Mukuwona? Viri makora.

96 Vinjeru vyose ivi na vinthu ivyo iwo wangamanya kusakata, ndipouli, kweni ichi chikufuma. . . kubabika kula kukufumira kusi, ku charu ichi. Ivi vikufuma ku charu chapasi, ndipo ivi vikusukana na Mzimu wa Chiuta. Kubabika kwakudankha, kukutipanga ise wakutokatoka pano, kukutipanga ise munthu wachivundi, chifukwa cha kuchita kwananga mu munda, kukamupanga munthu wafike mu charu kwizira mwa mwanakazi. Ndipo munthu uyo ngwakubabika na mwanakazi ngwa mazuwa ghachoko, kweni munthu uyo ngwakubabika na Khristu ndi Wamuyirayira. Job wakati, “Munthu uyo ngwakubabika na mwanakazi ngwa mazuwa ghachoko ndipo ngakuzura na suzgo.” Wonani, kweni munthu uyo ngwakubabika na Khristu, wakwenera kuti wababike kufuma Kuchanya. Sono, kweni munthu uyo ngwakubabikira pa charu chapasi, wakuzgoka wavinjeru ndipo pafupifupi wangamanya kuruska mahara.

97 Wonani kuchenjera umo devulu wakuwira, iyo wakapusiska msofi waliyose uyo wakiza pa charu chapasi. Iyo nadi wakachita. Iyo wakapusiska, iyo wachali kuchita ichi. Enya, nadi wakachita. Iyo wakuwira wamahara, kweni iyo wakakumana na wakumuska wake, dazi limoza, Uyo wakamuthereska iyo. Ndipo chinthu chimoza pera icho ise tikwenera kuchita ndi kuyegamira waka kwa Iyo, Iyo wali kumuthereska kale iyo. Mukuwona?

98 Kweni vikufumira kusi, ndipo ivi, vinjeru ivi ivyo munthu wakusakata kuti wasimikizgire na kuwoneska vinthu vyose ivi chifukwa icho munthu wakuchitira *ichi* ndipo munthu wachite *icho*, ndi chakususkana ndipo chirwani (malingaliro gha kuthupi) kwa Chiuta. Lemba likayowoya nthaura. Mbunenesko. Paliye kanthu kwali waŵe wamahara uli, iwo wangamanya kunyongolora ichi. Ine nkukhumba munyake kuti wandiwoneske ine uko Chiuta wakuwira na bungwe panji wakalangura limoza, kweni kuti wakusuka ichi mu Baibolo umu. Kwali iwo wangayezga kuwa wamahara uli, ichi ntchakususkika! Umo vinjeru vingayimira na kumuthereskani imwe, na kumupangani imwe kujipulika pachoko *ntheura* pakuchita kumuphalirani imwe za ichi, kweni ichi ntchakususkana na Malemba.

99 Munyake wakayowoya kwa ine, “M’bale Branham, pali chinthu chimoza icho ine nkukususkika iwe.” Wakati, “Iwe ndiwe wa Yesu Pera.”

Ine nkhati, “Ine ndine yayi. Ine ndiri mu bungwe lirilose yayi.”

¹⁰⁰ Mulara wa chigaŵa chinyake wakatumika, dazi linyake, ndipo wakati, “Munyake wakandiphalira ine kuti iwe ukaŵa wa Yesu Pera, M’bale Branham.”

Ine nkhati, “Icho ntchautesi. Uwo mbutesi.”

¹⁰¹ Wakati, “Iwo ŵakandiphalira ine kuti iwe ukugomezga mu chitemwa chaulere, kuti ŵanarumi ŵarekenge ŵawoli ŵawo na kukapenja. . .” Sono, wonani, agho ndi mautesi waka gha devulu. Iwe ukumanya icho.

¹⁰² Ine nkhati, “Ine mwakufikapo nkhususka vyantheura vyambura kusangika m’malemba! Ine nkhubomezga mu utuŵa na utozgi. Ine nkhubomezga kuti mwanarumi ngwakukakika kwa muwoli wake malinga iwo mbamoyo.” Iwe ungamutoranga yayi iyo kwambura kupemphera dankha.

¹⁰³ Ndipo la Yesu Pera, gulu la Yesu Pera, ndiriye chakuŵasuska iwo, iwo mbaweme waka umo liriri gulu lirilose, kwa ine. Kweni iwo ŵakubapatiza mwaujira, iwo ŵakubapatizika kuti wasinthike. Ine nkhubomezga kuti ise tikusinthika na Mzimu Mutuŵa, nthu na maji. Ine nkhubwiriska ntchito Zina la Yesu Khristu mu ubapatizo, ndipo mulije Lemba linyake mu Baibolo kuti likhozgere. . .kuti lipange ichi mwakususka. Mukaŵavye munyake mu Baibolo wakabapatizika mu zina la “Dada, Mwana, Mzimu Mutuŵa.” Ine nkhubumba munyake kuti wafike wandiwoneske ine malo ghamoza uko munthu yumoza wakabapatizika ngati nthu. Ntheura, usange ichi chiri m’malemba yayi, rekani kuchita ichi!

Imwe mukuti, “Ichi chikupanga mphambano yiriyose yayi.”

¹⁰⁴ Ichi chikachita kwa Paulos. Iyo wakaŵalangura iwo kuti ŵabapatizikeso, mu Zina la Yesu Khristu, ndipo pamanyuma ŵapokerenge Mzimu Mutuŵa. Ndipo Paulos wakati, “Usange mungelo kufuma Kuchanya,” Ŵagalatiya 1:8, “wangiza, wakasambizga ivangeli linyake,” kuruska ilo iyo wakasambizga, “rekani iyo watembeke.”

¹⁰⁵ Wonani, ndi mwambo. Ine nkhubowoyeskana na munthu wakuzirwa kale chomene yayi. Wakati, “M’bale Branham, ine ningachita yayi. Ine nkhumanya Uwo mbunenesko,” iyo wakati, “kweni kasi ine ningachita vichi za Ichi?”

Ine nkhati, “Pulikira Ichi!”

Iyo wakati, “Chifukwa, ine—ine nkhubindikika pakati pa ŵanthu ŵakwithu.”

¹⁰⁶ Ine nkhati, “Kweni ine nkhubumba kuchindikika na Chiuta, nthu pulikira Mazgu Ghake. Iwe ukwenera kuti upange chisankho chako, kasi iwe utumikirenge Chiuta panji munthu?”

¹⁰⁷ Kweni iwo wákutora bungwe lawo, wákukhazikiska marango agha mwa igho, nkhanira kugharondezganga. Nyengo yakudankha apo ukagwiriskika ntchito mukaŵa mu mpingo wa Roma Katolika. Uwo mbunenesko. Ine nkikhumba munyake uyo wandiwoneskenge ine chinyake chakulekana. Ine nkhuwazga mudauko, naneso, imwe mukumanya. Ntheura kumbukirani, uwo ndi ubapatizo wa Chikatolika, ndipo waliyose uyo wali kubapatizika mu nthowa yira wali kubapatizikira mu wenenawene wa Chikatolika. Ine ndisimikizgirenge ichi pambere usiku undamare, usange Fumu yizomerezgenge. Uwo mbunenesko. Ndicho chifukwa imwe mukwenera kuti muwereko.

¹⁰⁸ Ntha wa Yesu Pera. Sono, muli wánthu wánandi waweme mu mpingo wa Yesu Pera. Wánthu wánandi waweme mu Assemblies of God, Mpingo wa Chiuta, Methodist, Baptist, Prezibetere, na Katolika. Kweni paliye wa iyo ndi Mpingo, paliye umoza wa iyo. Muli wánthu payekhapayekha mula wáli mu Mpingo. Kweni ntha ndi bungwe ilo iwo wáli nalo leneilo likuwápanga iwo kuŵa Mpingo, umo wánthu wakuyezga kupanga ichi mwantheura umo. Ndi kwananga. Miniti pera ise tiyambenge kumupani imwe Malemba ghanyake mu nyengo zichoko.

¹⁰⁹ Enya, kuti muŵe wákutokatoka pa charu chapasi, imwe mukwenera kuti mubabike kuthupi kuti muŵe wákutokatoka, ndipo kubabika kwantheura kukutipanga ise wávinjeru umo ine ndayowoyera. Mukuwona? Ndipo ise tikuŵa wámahara, wázeru, zeru zithu zikutipa ise icho. Kweni kumbukirani kuti kubabika kula, chiyambi cheneko cha uku, ndi chakususkika. Uku nkhwá pacharu chapasi ndipo kwakususkana na Mazgu gha Chiuta, nkhwakupusa kwa Chiuta na ku pulani Yake, kwambura kumanyikwa ku pulani ya Chiuta. Usange kukaŵa nthura yayi, Nikodemo nthena wakamanya vinandi kuruska umo Yesu wakamanyira za Ichi. Mukuwona? “Kasi ndiwe musambizgi mu Israel?” Mukuwona? Mukuwona uko mabungwe ghinu ghakuruta, uko wánthu wínu wakuzirwa wamahara awo wákukumana pamoza na kupanga mapulani ghawo, na kughakhazikiska?

¹¹⁰ Rekani ine ndimuphalireni ichi. Nyengo yiriyose para Chiuta watuma Kuwára pa charu chapasi, pa chinthu chinyake pa Lemba, iwo wákuchimbilira nkhanira kutali na ichi. Ndipo para munthu yura waruta waka, iwo wákupanga bungwe kufuma ku ichi. Ndipo para iwo wápanga waka bungwe ichi, ine nkikhumba kuti ndifumbe wamudauko waliyose (uyo wali muno sono, panji wali pa matepi) kuti wize wazakandiwoneske ine. Pa nyengo yiriyose kuti munthu wakapanga mpingo, uwo ukafwira nkhanira penepapo ndipo ukawukaso yayi. Ichi ndi chakususkana na Chiuta. Ichi ndi chakususkana na Malemba. Ipo ine nkhususkana nacho ichi. Chirichose icho Chiuta wakusuka, usange Chiuta wali mwa ine, nthura ine nkhususka

icho Chiuta wakususka. Murwani wake ndi murwani wane. Mpingo Wake ndi Mpingo wane. Umoyo Wake ndi Umoyo wane. Iyo wakapereka Umoyo Wake, Iyo wakazgoka ine mwakuti ine kwizira mu uchizi Wake ningamanya kuwa ngati Iyo. Mukuwona? Ise tikasinthana malo. Iyo wakazgoka wakwananga ngati ine ndipo wakandifwira ine, mu malo ghane, mwakuti ine ningamanya kuwa mwana wa Chiuta ngati ndiumo Iyo wakaŵira.

¹¹¹ Sono imwe mukuwona uko mabungwe ghinu ghafika kale? (Ise tindayambeko.) Wavinjeru mu vinjeru vya charu kweni wakufwa ku pulani ya Chiuta! Sono tiyeni tiwone kumanyuma, tiyime apa kanyengo waka.

¹¹² Adam wakaŵa wakususkana na pulani ya Chiuta, chifukwa iyo wakachita mtafu ku Mazgu. Wakayezga kujipangira iyomwene chidiko, chisopo. Ichi chikatondeka, ndipo nyengo zose chiri kutondeka, icho munthu wakuyezga kuchita. Nimrod wakananga. Kora wakaparanyika. Kasi iwo wakayezganga kuchita vichi? Kupanga bungwe.

¹¹³ Ndipo pamanyuma pa icho, para iwo paumaliro wakati wapanga bungwe iwoŵekha, Yesu wakaŵasanga iwo, wakufwa! Wakati, “Imwe muli na maso ndipo mukuwona yayi. Imwe muli na makutu ndipo mukupulika yayi.” Mukuwona? Wakati, “Imwe ndimwe wachiburumutira, mukurongozga wachiburumutira. Usange wachiburumutira wakurongozga wachiburumutira, kasi wose waŵiri wakuwa mu buwu yayi?” Iyo wakati, “Iwe ndiwe musambizgi mu Israel, ndipo ukutondeka nanga nkhupulikiska kasi kubabika kuphya ndi vichi? Penepapo, usange iwe ukakhalenge kutali na myambo yira, na kungangamika ku Mazgu, iwe nthena wangumanya kuti Ine nkhiza kuzakapereka kubabika kuphya ku wanthu. Iwe nthena wangulimanya dazi Lane. Usange iwe ukamumanyenge Moses, iwe nthena wangundimanya Ine. Moses wakayowoya za Ine ndipo iyo wakati Ine ndizamkwiza, ndipo Ine ndiri pano! Ndipo usange Ine ntha nkhuchita vinthu ivyo Moses na waprofeti wakayowoya kuti Ine ndizamuchita, ipo kundigomezga yayi Ine. Usange Ine ntha nkhuchita milimo ya Chiuta, ipo kundigomezga yayi Ine. Kweni usange imwe mungandigomezga yayi Ine, pakuwa Munthu, ndipo usange imwe mungandigomezga yayi Ine chifukwa chakuti Ine ndine Munthu ndipo nkhuchita milimo ya Chiuta, gomezgani milimo pakuti iyi yikuchitira ukaboni za chinthu icho Ine nkhuchita.” Mukuwona?

¹¹⁴ Kweni nthaura, ngati muhanyauno, usange Iyo wakaŵenge pa charu chapasi muhanyauno, wa Assemblies of God nthena ŵali nayo yumoza, ŵa Oneness nthena ŵali nayo yumoza, ndipo waliyose nthena wali nayo Yesu. Nadi, bungwe lawo likwenera kuti litore bora. Mukuwona? Usange ichi chikuchitika yayi, mbwenu iwo ndiwoyo yayi. Vikupatulanya ubale.

115 Ine nkhekumbukira mnyamata muchoko wakuthyika “David muchoko.” Iyo ndi mwanarumi, wali kutora sono, ine nkhusachizga wali na banja. Ine nkhekumbuka para iyo wakati wayamba pakudankha. Ine nkharuta ku St. Louis. Ine ndiri kupulikapo za wapharazgi wachokoŵachoko wachinyamata, kuti iyo wakamanyanga kuruta kula na kuti, “Yesu, mnyamata muchoko, wakababikira mu chakuryeramo viweto. Mama, kasi vinyake vyose vikaŵa vichi?” Kweni ntha mnyamata muchoko yura. Iyo wakavura chikhoti chake, wakatora makani ndipo wakapharazga. Kweni kasi iyo wakaŵa njani? Kukachitika kuti iyo wakaŵa wa Yesu Pera. Dada wake, Mr. Walker, wakaŵa wa Yesu Pera. Chifukwa, ŵa Assemblies nthena wakarizipizga yayi icho. Iwo wakenera kuti wamutore David muchoko. Chifukwa, wanyake wose wakenera kuti wamutore David muchoko. Ndipo nyengo yimoza para mnyamata muchoko wakaŵa na unguano kusika mu Florida, iyo wakandichema ine kuti ndiruteko ndipo nkhamovwire iyo. Ndipo M’bale Moore na ine tikaŵazga mapeji ghaŵiri gha chigaŵa cha panthazi cha nyuzi, yikaŵa na chinyake yayi kweni ŵaDavid wachokoŵachoko, mpingo uliwose ukaŵa na David muchoko. O, chitima! Chifukwa, usange gulu la walarawalara ŵa Chiuta wakachimanyenge chawanangwa mwa mnyamata muchoko yura, iyo nthena wakaguzira masauzandi gha mauzima kunjira mu Ufumu, wonani; kumuphalira iyo waruweko za mwambo wake wa munthu na ichi ngati nthaura. Chiuta wakaŵa na chawanangwa mu umoyo wake, chigwiriseni ntchito ichi!

116 Para machirisko Ghauzimu ghakati ghaperekeka pakudankha, waliyose wakaŵa na kunyereneska mu mawoko ghawo ndipo wakamanyanga kununkhiska matenda. Ndipo, o, mwe! Chifukwa? Iwo wakenera kuchita ichi, bungwe lawo likaŵa kumanyuma mu chipharizgano. Wonani, imwe muli na mabungwe ghinu kunthazi kwa pulani ya Chiuta, imwe mukughanaghana kuti ichi ndicho. Kweni Chiuta wali na Mpingo Wake kurutiriranga mwakuyana waka, Thupi lamchindindi. Imwe mukuchita kujoyinako yayi ku Lira, imwe mukubabikira mu Ili.

117 Wamahara mu vinjeru vya charu, kweni wakufwa mu mapulani gha Chiuta. Ndiphalireni ine, pamanyuma. Ndiphalireni ine, pamanyuma. Iwe ungamanya kuwaphalira iwo na kusimikizgira kwa iwo kuti iwo mbakunangiska, mwa Mazgu gha Chiuta na phangano, ndipo kweni iwo ntha wachiwonenge ichi. Ine ningamanya kukhala pasi na kutora Mazgu na kumuwoneskani imwe kuti bungwe ndakunangiska. Ine ningamanya kumuwoneskani kuti vigomezgo ivyo imwe muli navyo muhanyauno ndi vyakunangika, wonani, vigomezgo ivi vya mpingo. Kumuwoneskani kuti ivi nvyakunangika, ndipo iwo wayowoyenge, “Enya, ise tiri kusambizgika kugomezga *ichi*.” Imwe wonani, ku kulingalira kwane, uwu ndi—uwu ndi wonga,

usange imwe mukumanya icho ine nkhuoyoya, wonga wa futi. Enya, uwo mbunenesko. Iwo wakuwona yayi. Yesu wakati, “Imwe, imwe—imwe mukuwona yayi, mwakuti imwe panyake mungiza kwa Ine na kuwa na Umoyo.”

¹¹⁸ Kukaŵa Nikodemo, munthu wakuchindikika, munthu wakuzirwa, bishopu mu mpingo wake, munthu wakumanyikwa, wakatemweka na waliyose, ndipo wakiza kwa Yesu ndipo ntha wakamanya chirichose za Umoyo kuruska—kuruska chirichose wakamanya. Iyo wakamanya chirichose yayi za Uwu para Yesu wakati wamuchenya iyo pa ichi, kweni iyo wakaŵa wakugomezgeka mwakufikapo kuti wakafika. Wanyake wose ŵa iwo wakiza yayi. Iwo wakayima patali pamoza na ŵasofi wapachanya na Bishopu *Wakuti-na-wakuti* na *Wakuti-na-wakuti*. Mukuwona? Iwo wakayima patali pamoza na iwo, wakasankha kutora myambo yawo ya walara wawo kuruska kupulika Mazgu gha Chiuta.

¹¹⁹ Sono, iwe ungamanya kuwaphalira iwo, iwo ntha wapulikirenge ichi. Iwe ungachita waka ndendende... Kasi imwe mungalingalira... Ine nkukhumba kuti ndimufumbeni chinyake imwe. Ine ntha nkhung'anamura ichi mwakunyoza. Sono, wabale mukutegherezga ku tepi, ine ntha nkhung'anamura ichi mwakunyoza. Kasi imwe mungalingalira ine kurutanga kuwaro uku, ndipo—ndipo findo pa khuni lingamanya kundifumba ine, “Kasi vikuchitika uli mu charu kuti iwe ukwenda uku na uko ngati umo ukuchitira? Ine ndiri na umoyo, ine ndine findo pa khuni ili”? Ili lingamanya kusimikizgira kuti liri na umoyo, kweni ndi mtundu uheni. Usange ilo likukhumba kuti liyendeyendenge, nthowa yimoza pera ili lingamanya kwenda uku na uko, kuwona, kulaŵa, kukhwaska, kununkhiska na kupulika, usange ili lingamanya kudumba na kuyowoya kwa ine na kunifumba icho, nthowa yimoza pera, ili likwenera kuti libabikeso munthowa yenyira umo ine ndiri kubabikira. Amen. Ili ntha lizamkupulikiska ichi munthowa yinyake yiriyose. Kweni usange ili lababika munthowa yenyira umo ine ndiri kubabikira, nthaura ili limanyenge vinthu ivyo ine nkhumanya. Amen. O, mwe! Enya, bwana. Imwe mungaliphalira yayi findo pa khuni umo ise tikwendera uku na uko na kuwa wakutokatoka, ili likwenera kuti lipokere mtundu withu wa umoyo kuti lipulikiske ichi. Chimozi na Mzimu! Chinthu chenechira chiri na Mzimu, panji imwe mupulikiske yayi Ichi. Paliye chifukwa cha kuyezga kulingalira chose Ichi, zanginge waka kwa Iyo chakudankha. Pakuti, “Pekhapekha munthu wababikeso, iyo ntha wangawuwona nanga ndi Ufumu,” Iyo wakati, ndiko kuti, “kupulikiska Ichi.” Iwe ukwenera kuti ubabikeso mwakuti iwe uchimanye Ichi.

¹²⁰ “Enya,” iwe ukuti, “Ine ndine wakubabikaso.” Ndipo ukukana Mazgu? Kasi iwe ungaŵa uli? Umoyo wako wamwene

ukukhozgera ichi, gulu lako wamwene ilo iwe ukwenda nalo, viyuni vya mapapindo ghakukozgana. Mukuwona? Lindizgani mpaka ise tifique ku vinthu ivyo mu maminiti ghachoko, wonani.

¹²¹ Vikwiza mwa Mzimu. Kasi iwe ungaŵaphalira uli ŵanthu vinthu vya Mzimu awo nthā ŵali kubabika na Mzimu? Imwe mukwenera kuti mubabike na Mzimu kuti mupulikiske vinthu vya Mzimu. M... Yesu wakati, “Mphepo yikuputira uko yikukhumba, imwe mungaphara yayi uko iyi yikufumira panji uko yikuruta.” Mukuwona? Ntheura ndi waliyose uyo ngwakubabika na Mzimu, iwo ŵangamuphalirani yayi imwe. Munthu uyo ngwakubabika na Mzimu nthā wakwenjerwa, iyo wakuzomerezga Chiuta wachite kughanaghana.

¹²² Kasi imwe mukughanaghana kuti ine ningayimirira pa gome pano, kughanaghana na kumuphalira munthu kumanyuma kula, “Zina lake ndi *John Doe* ndipo iyo wakufuma ku malo *ghakuti-na-ghakuti*, iyo wakachita *ichi*. Ndipo iyo wakatora mwanakazi munyake kumanyuma kula, virimika twente vyajumphā, ndipo iyo wakaŵa na ŵana mwa mwanakazi uyu. Iyo wakwenera kuti wakawezge chinthu *ichi*, na kuchita *icho*,” kasi imwe mukughanaghana, kuchita kughanaghana, ine ningachita icho? Kulije vinjeru vyantheura mu kubabika uku kwa pa charu chapasi kungachita icho. Ichi chajumphā apo. Ichi chikwenera kuti chifumire Kuchanya. Ntheura para imwe mwababika na Mzimu, Kuchanya, Umoyo uwo ukaŵa mwa Iyo Uyo wakachita vinthu ivyo, wakati, “Milimo iyo Ine nkchuchita, muzamkuchita namweso.”

¹²³ Kubabika kwinu kukwenera kuti kusinthe. Imwe muli kupuruskika. Imwe panyake mukayowoyapo malilime, imwe panyake mukadukapo uku na uko, imwe panyake mukachemerezgapo, imwe panyake mukachitapo chose *ichi*, *icho*, *chinyake*, imwe panyake mukaŵapo a—membara wakugomezgeka. Ntheura wakaŵa Nikodemo, wonani, kweni iyo wakasoŵerwa kubabika. Ndipo para imwe mukukana Mazgu, kuyezga kughawika Igho kumalo kunyake na kuchita chinyake ku Agha, na kughaparanya Agha ngati ntheura, pamanyuma... Yesu wakati, “Vimanyikwiwo ivi viŵarondezge ŵeneawo ŵakugomezga. Imwe rutani mu charu chose ndipo mukapharazge Ivangeli ku chilengiwa chirichose.” Malinga Ivangeli likupharazgika, vimanyikwiwo ivi vizamkurondezga. Mundiŵalire ine malo uko Iyo wakafumiskamo ichi mu mpingo. Mundiwoneske Lemba ine apo Iyo wakayowoya, apo wakati, “Kufika waka nyengo yitali mwakuti.” Iyo wakati, “Ku charu chose na ku chilengiwa chirichose!”

¹²⁴ Enya, imwe mukwenera kuti mupokere Umoyo uwo Iyo wakaŵa nawo, mwakuti mukhale Umoyo Wake. Ndipo para imwe mukuwona Umoyo Wake, ntheura imwe mughamanyenge Mazgu Ghake. Uwo mbunenesko. “Para Iyo,” lizgu lakuyimira

munthu yumoza, ntha ghanoghano, ntha lingaliro, ntha kunyerenyeska, kweni “para Iyo, Mzimu Mutuwa, wafika, Iyo wazamkutora vinthu ivi ivyo Ine ndamuphalirani, na kuvumbura ivi kwa imwe, ndipo wazamkumuwoneskani vinthu ivyo viti vizenge.” Uko ndi kubabika. Uko ndiko kukhozgera kuti Agha ndi Mazgu. Ndipo para munthu wakuti iyo wali na Mzimu Mutuwa, ndipo wakukana Mazgu gha Chiuta ndipo wakughawika Ighe pamalo ghanyake, kasi Mzimu Mutuwa wangaghakana uli Mazgu Ghake Yekha? Sono ndiwoneskeni bungwe mu Mazgu. Apo imwe muli. Mukuwona? Viri makora.

¹²⁵ Kasi imwe mungaghanaghana za munthu wabizinesi... Sono apa ndi umo mpingo withu uliri kumanyuma. Kasi imwe mungaghanaghana za munthu wa bizinesi uyo wakayamba bizinesi kusika uku, iyi ndi a...ndi bizinesi nadi yakuchita makora, ndipo iyo wakwenera kuti wapokere wowwiri unyake mwaluwiro chomene, ndipo mbwenu iyo wakuruta ku gulu la wanthu wakufwa, vitanda, ndipo wakuti, “Uli imwe mwize muzakanditewetere ine?” Kuwenge phindu yayi kwa iyo.

¹²⁶ Ndicho chifukwa bungwe likuwukaso yayi. Mukuwona? Gulu la wakuwura kugomezga kuwungananga pamoza iwo wene ngati Nimrod, ngati Kora, ngati ulendo wose mu muwiro. Vingachitika uli...Iyo ntha wakagwiriskapo ntchito ili, ntha wakagwiriskapo ntchito bungwe. Iyo wangachita yayi ichi. Ili liri kale kuwaro kwa khumbo la Chiuta, ili liri kujumpha apo. Ili mungalifika yayi, ili mungalisanga yayi.

¹²⁷ Kasi imwe murutenge uli kwa munthu uyo wakwenda yayi, mutu wakuchita zazi, woko na rundi, kumuphalira iyo kuti imwe mukukhumba kuti iyo wamuchitireni chipharizgano cha kuchimbira, wachimbire chipharizgano ichi na chizizipizgo, wasezgere kumphepete...Mukuwona? Kasi iyo wachitenge uli ichi penepapo munthu uyu wangasuntha yayi, iyo wali na viwaro vyakufwa? Imwe mukwenera kuti mufumiskeko kufwa viwaro kwa iyo, chakudankha, pamanjuma iyo wangamanya kuchimbira.

¹²⁸ Icho ndicho bungwe likukhumbikwa, ndi machirisko Ghauzimu. O, mwe! Ine nkugomezga kuti ine ntha nkhusanga...nkhupulikikwa wakususka. Wonani, ine nkhususka yayi, kweni usange muzumali undanjiriske uwu ukukhulika mwakuphweka. Mukuwona? Ndicho chifukwa Mzimu Mutuwa ntha wangagwiriska ntchito bungwe. Malinga ili...

¹²⁹ Kumbukirani, ine nkugomezga kuti Martin Lutera waka wa nawo Mzimu Mutuwa. Nadi. Panyake ntha mu mlingo Uwu uli muhanyauno, chifukwa Uwu uka wa undaperekeke. Ise tiri kujumphamo ichi, mwa wanthu imwe wa pa kachisi, muno pa bolodi. Kweni iyo wakagomezga kwa Chiuta, “ndipo iyo mweneuyo wakugomezga wali na Umoyo wamuyirayira.” Ine

nkhaghanaghanapo yayi kuti wakaŵako munthu wakagomezga icho ngati ine, kufika mlenji uwu, ine nangumupulika Charles Fuller apo ine nakhiranga kusika. Iyo wakugomezga, nayoso, kuti kubabika kuphya ndi ubapatizo wa Mzimu Mutuŵa yayi. Kubabika kuphya ndi kubabikaso. Mzimu Mutuŵa ndiwo ubapatizo. Mukuwona? Viri makora.

¹³⁰ Sono ise tikusanga kuti munthu uyu wakwenera kuti wababikeso mwakuti waŵe wakutokatoka. Viri makora, kuti mubabike ku thupi, ntheura imwe mukuŵa na vinjeru vya charu. Ndipo vinjeru vya charu vikupulikira musambizgi wake wa kuthupi. Mbunenesko. Ndicho chifukwa munthu uyo wandababikeso, ndipo mukumuphalira iyo Mazgu gha Chiuta, iwo ŵapulikirenge bishopu wawo, mulara wawo wa chigaŵa panji bungwe lawo, m'malo mwa Mazgu gha Umoyo. Chifukwa? Ili likumanya kalikose yayi kweni icho. "Chifukwa, imwe mukumanya, dazi linyake ine panyake ningazakaŵa mulara." Chifukwa, Nikodemo wakaŵa musambizgi. Yura wakajumpha mulara, yura wakajumpha a—a—mliska, yura wakajumpha, yura wakaŵa musambizgi mu Israel. Mukuwona? Enya, ndipo iyo wakaŵa munthu wakuzirwa, iyo wakaŵa wa gulu ili ndipo wakamanya chirichose yayi vya Chiuta kuruska kalikose. Mukuwona? Ivyo iyo wakamanya vikaŵa mudauko unyake.

¹³¹ Kasi uweme ngwakuti uli wa Chiuta wakale usange Iyo ndi mweneyura yayi muhanyauno? Kasi uweme ngwakuti uli wa Chiuta wa Moses usange Iyo ndi Chiuta mweneyura yayi muhanyauno? Kasi uweme ngwakuti uli wa Chiuta uyo wakamanya kuponoska munthu pa mphinjika uyo wangatondeka kuponoska yumoza mu kaŵiro kenekala muhanyauno? Umo ine nakhala nkhuoyowoya nyengo zose, "Kasi chikumuchitirani uweme uli kupereka njere ziweme na mavitamin ku kayuni kinu kakuŵeta, kukapanga iko kuti kaŵe na mapapindo ghaweme ghankhongono na mahungwa ghaweme, na kukaŵika iko mu chitupa?" Ine nkhopulikiska yayi ichi. Kuyezga kukaphalira iko za Chiuta wa nkhangono na vinthu, na kukaŵika iko mu bungwe ilo ntha likugomezga nanga ndi mu chinthu chantheura. Mukuwona? Vyose ivyo nkhuwaro. Ndicho chifukwa ili likutondeka, ilo ndakufwa. Imwe mungaligwiriska ntchito yayi ili. Chiuta wakagwiriskapo ntchito yayi ili.

¹³² Ghanaghanani waka, Mzimu Mutuŵa ukachita yayi, pa nyengo yiriyose, kugwiriskapo ntchito bungwe, palije palipose mu Malemba panji palije palipose mu mudauko. Usange munyake pa tepi iyi, panji wali muno, wangandiwoneska ine uko Mzimu Mutuŵa ukatora bungwe ndipo ukapanga kusuntha mu charu chapasi, wize wandiphalire ine. Ine nkikhumba kuti imwe mundiphalire buku la mudauko uko ichi chikafumira. Imwe mukumanya kuti ichi mulije mu Malemba, ntheura ine nkikhumba kuti imwe mundiwoneske mudauko

uko ichi chikafumira. Chiuta ntha wakagwiriskapo ntchito chinyake ngati icho. Iyo wakugwiriska ntchito munthu payekha, nyengo zose.

¹³³ Viri makora, kubabika na Mzimu. Sono, kubabika na thupi, na kuwa na vinjeru vya charu, vinjeru vipulikirenge musambizgi wake wa thupi. Kubabika na Mzimu ndi kugomezga na kupulikira chisambizgo cha Baibolo, mwa Mzimu Mutuwa. Ndipo munthu uyo ngwakubabika na Mzimu wapulikirenge Mazgu gha Chiuta kwambura kupwerera icho mwambo uliwose ukumuphalira iyo. Ndicho ichi. Imwe mukubabikaso, ndicho chifukwa imwe mukuwona. Kuwa mu bungwe, kuwika vigomezgo vyinu vyose mu ilo. . .

¹³⁴ Sono, ine ntha nkhuwoyoya kuti wanthu mu bungwe mbakubabikaso yayi. Sono, ine ndifikengeko ku icho mu maminiti ghachoko, para Fumu yazomezga. Nadi, iwo mbakubabikaso, kweni iwo ndi munthu payekhapayekha. Ndi bungwe yayi ilo ndakubabikaso; wanthu payekhapayekha mwenemula ndiwo mbakubabikaso. Kweni bungwe likumupatuskira iyo kutali na Chiuta, ndicho chekha ili likuchita: kumupatuska. Viri makora. Kwambura kupwerera vya thupi, bungwe likusambizga vya thupi, ili nyengo zose likususkana na khumbo la Chiuta.

¹³⁵ Kuwa *wakubabikaso* chikung'anamura "kubabikira Kuchanya." *Kamozaso* chikung'anamura "kufuma Kuchanya." Ine nkhusachizga kuti imwe mukumanya icho, wonani. Kuwa *wakubabikaso* chikung'anamura "kubabikira Kuchanya." Sono, imwe muwonenge, imwe mungamanya kuwazga ichi usange imwe mukukhumba kuchita, la lexicon. Wonani, chikung'anamura "kubabika uko nkhuwa Kuchanya." Chifukwa, imwe muli kubabika *pano*, sono kuti mubabikeso imwe mukwenera kuti mubabikireso kuchanya *Uku*, kuti mubabikeso. Ntheura Ufumu ula uli kuchanya chomene kuruska ufumu uwu, ukuru chomene kuruska ufumu uwu, mpaka ufumu uwu ngwauchindere ku Ula, ndipo Ula ngwauchindere ku uwu.

¹³⁶ Umo ine nyengo zinandi nakhala nkhuwoyoya, ine na muwoli wane kuno ntha kale chomene tikaruta kuti tikagure magurosare, myezi yichoko yajumpha, ndipo ise tikawona mwanakazi uyo wakavwara siketi. Ndipo chikawa chinthu chachilendo chomene icho ise tikachiwona kale chomene.

¹³⁷ Enya, mlenji uwu, ine ntha nkhuwoyoya ichi mwakunyoza, ine nangulipulika limoza la mabungwe ghakutchuka chomene. Ndipo mwana wane mwanakazi na ine tategherezanga ku rediyo apo ise tarutanga kukapempherera tchalitchi. Ndipo sumu iyo iwo wanguyimba, mtundu unyake wa yinyake kwimbika na *Wakuti-na-wakuti*, kwimba kunyake kwaluso kula uko kukupulikikwa kwa ine ngati wanakazi wakuwukora mvuchi wawo mpaka iwo wakuzgoka bluu ku maso, ndipo

ntheura wâkughanaghana kuti kula ndiko kwimba. Kula ndi kusokosera. Ine nkhutemwa kwimba kuweme kwa Chipentekosite, kufuma nkhanira mu mtima winu. Imwe mungayimba makora yayi mu chithini cha makala, kweni ndipouli imwe mukwimba, kupanga chiwawa cha chimwemwe kwa Fumu. Ine nkughanaghana kuti iyo njauzimu. Ine nkhuitemwa iyi. Kweni kuwukora mvuchi winu kula mpaka imwe mukuwâ bluu ku maso, na kudamika ndipo pamanyuma kurutirizgaso, uyo. . .Iwe ukujimanya yayi nanga ndi wamwene icho ukwimba. Kasi iwe ukukhazga kuti munyake wamanyenge uli? Ndicho ichi. Yesu wakati, “Ise tikuyowoya vinthu ivyo ise tikumanya.” Uwo mbunenesko. Uwo mbunenesko. Icho ise tikwenera kuchita ndi kwimba icho ise tikumanya mu mtima withu, icho chikutikhwaska.

¹³⁸ Ndipo para iwo wânguti wâmalizga, mwana wane msungwana wakusambira kwimba, ndipo iyo wanguti, “M’bale,” iyo wanguti, “kula nadi kwanguwâ kwimba kwaluso.”

¹³⁹ Ine nanguti, “Enya, kweni kasi mbalinga kufuma mu kwayara yira ya pafupifupi wanthu fifite awo iwe ukughanaghana kuti wanguwâ na ndudu pa mvuchi wawo? Kasi mbalinga wâ kwayara yira awo iwe ukughanaghana, usiku wamara pakuwâ pa Chisulo usiku, wakamwapo yayi chakumwa chakurowezga? Kasi ndi wanakazi walinga mkati mula wanguwâ na sisi lakuyepura? Kasi mbalinga wangujiphaka penti, para mliska wa mpingo wakayowoya mazuwâ ghachoko ghajumphu, ‘Chiuta wakalenga charu chiweme chomene para Iyo wakati wapanga penti?’” Penepapo, ise tikumanya kuti kukawâ mwanakazi yumoza mu Baibolo wakapenta chisko chake, ndipo Chiuta wakamuryeska iyo ku ntchewê. Ndipo ise, waliyose uyo wakumanya chirichose za mpingo na za wambura kugomezga, wakumanya kuti kujipenta ndi nkharo ya wambura kugomezga, nyengo zose kuli kuwâ ntheura. Ndipo, kweni, wanakazi wakuchita ichi. Ndipo mwanarumi wakukhwewâ, kumwa, kuchitanga-uheni. Ndipo wayimirira apo na kwimba, mazgu ngati ntheura. Ise tifikengeko ku ichi mu maminiti ghachoko nkhanira uku. Viri makora. Wali na kaghanaghaniro ka bungwe, penepapo, kuzamkuwâ kukhuwâzngika pa Cheruzgo, mu kughanaghana kwane.

¹⁴⁰ Kubabika na Mzimu, ndi kugomezga na kujikora wamwene mu Mzimu, ndi kupulikiska na kugomezga na mtima wako kuti Yesu ndi Khristu ndipo Agha ndi Mazgu Ghake, kuti kulije mazgu ghanyake ghangamanya kusazngikako ku Ili panji kufumiskikako ku Ili kwambura kuti zina linu lafumiskikamo mu Buku la Umoyo. Icho changuwâ chankhongono. Usange imwe mukusazngako kanthu kamoza ku Ili, mu mwambo winu, panji kufumyako chinthu chimoza ku Ili, enya, Khristu wakayowoya, Iyomwene, “Zina lako lizamkusisitika mu Buku la Umoyo.” Sono, sangani bungwe, bungwe mu Baibolo. Imwe

muchimbirenge ku ichi! Viri makora. Kwambura kupwerera vya thupi, chisambizgo cha bungwe ndi chakususkana na Baibolo. Enya. *Kubabikaso* chikung'anamura "Kubabika kuphya kufuma Kuchanya; kubabikira Kuchanya." Ntheura ise tikuwa wakutokatoka mu vinthu vya kufuma Kuchanya. O, mwe! Pakuti Ichi ndi Iyomwene kuchitanga mu Mazgu Ghake kwizira mwa imwe, munthavi Wake, ku Mpheska.

¹⁴¹ Ndicho chifukwa Yesu wakati, "Usange Ine ntha nkuchita milimo ya Wadada Wane, kundigomezga yayi Ine." O, nadi! Iyo wakati, "Kulije munthu wali kukwera Kuchanya kweni Iyo mweneuyo wakakhira kufuma Kuchanya." Muwoneni Iyo wakumusambizga Nikodemo apa, apo Nikodemo... Imwe mukumanya, iwo wakaghanaghana, Iyo pakuwa Munthu, Iyo wanga wa Chiuta yayi. Ndipo Iyo wakayowoya, ndipo kula Iyo wakati, "Kulije munthu wali kukwera Kuchanya kweni Iyo mweneuyo wakakhira kufuma Kuchanya, nanga ndi Mwana wa munthu uyo sono wali Kuchanya." Chira chikawa chikuru chomene kwa iyo. Kasi wangachita uli Iyo, Mwana wa munthu, wakhire pasi kufuma Kuchanya, wakhire *pasi* kufuma Kuchanya, waka wa mweneyura uyo *wakakwera* Kuchanya, ndipo Yumozza mweneyura uyo wayimirira apa pachanya pa nyumba iyi, wakuyowoya kwa Nikodemo, waka wa mweneuyo sono *wali* Kuchanya? Enya, iyo wakayenera kuti nthena wakawona kuti waka wa Chiuta. Iyo wakusangika palipose, kulikose! Mukuwona? Kweni iyo, mu myambo yake, wakachimanya yayi icho. Iyo wakaghanaghananga mwauzimu yayi. Malingaliro gha kuthupi, ndipo wakachikora yayi ichi.

Iyo wakuti, "Kasi wanthu wakuti Ine Mwana wa munthu ndine njani?"

"Wanyake wakuti, enya, 'Iyo ndi Mwana wa David.'"

¹⁴² Iyo wakati, "Ntheura ntchifukwa uli David mu Mzimu wakamuchema Iyo 'Yehova,' kuti, 'Yehova wakayowoya kwa Fumu yane, "Iwe khala ku woko Lane lamaryero, mpaka Ine ndipange warwani wako chakupondapo marundi'?" Umo kuti Iyo ndi vyose Msisi na Mhapu ya David; Iyo waka wa pambere David wanda weko, Iyo waka wa David, na pamanyuma pa David. Mukuwona? "Iyo ndi Msisi na Mhapu ya David," Baibolo likayowoya ntheura, vyose Msisi na Mhapu ya David. Kasi Iyo waka wa uli Mwana Wake pamanyuma? Kasi Iyo waka wa uli Yehova Wake? Baibolo likati, "Kufuma apa na kunthazi iwo wakamufumba chirichose yayi Iyo." Ine nkhusachizga ichi chikawa chinthu chiweme, nachoso. Enya, bwana. Viri makora.

¹⁴³ Kubabikaso kufuma Kuchanya. Ntheura ise ndise wakutokatoka, wakutokatoka mu vinthu vya Kuchanya, ndipo, pakuti Umoyo Wake uli mwa ise, cheneicho ndi Mazgu Ghake kukhozgeranga Mazgu Ighoghene. Mzimu uwo uli mwa imwe

ndi Mazgu ghakazgoka thupi mwa imwe. Mzimu ukupwererera Mazgu, ndipo ngwakutokatoka mu kukhozgeranga Mazgu.

144 Sono, Mzimu ntha ngwakuchitachita mu bungwe lirilose. uwu ntha ngwakukondwereskeka mu kupanga bungwe, chifukwa Mzimu Iwowene ngwakususkana na bungwe. Bungwe likupenja vinthu vya charu, malingaliro gha charu, ndipo iwo wakupanga matchalitchi ghakuru na vinthu vyapachanya, na mabungwe ghakuru ghapachanya, wapharazgi wapachanya, na vinyake ngati ntheura, na gulu liweme chomene mu msumba. Uko, Mzimu ukuyezga kuti usange mitima yineneska uko Mzimu ukukhumbisika kuti uwoneske na kusimikizgira kuti Lizgu lirilose la Chiuta ndineneska. Kasi imwe mungachita uli, kasi Mzimu ungagwira uli ntchito mu bungwe apo ili likukana, likutora vigomezgo m'malo mwa Mazgu? Ungachita yayi ichi. Ntheura, imwe wonani, ili ndakufwa. Chiuta ntha wakuruta ku malo gha mtunda ula kuti wakasange Lake, a—gulu la wanthu kuti limutewetere Iyo, chifukwa iwo mbakufwa kale. Iwo mbambura kugomezga Mazgu, panji nthena wanga wamo yayi mula. Mukuwona? Sono, ise ndise wakutokatoka mu vinthu vya kufuma Kuchanya. Sono, Mzimu ukupwererera Mazgu. Sono, uwo mbunenesko, chifukwa Mzimu ukupereka Umoyo ku Mazgu. Mukuwona? “Lemba likukoma; Mzimu ukupereka Umoyo.”

145 Sono, ine nizanga muhanyauno, kula wiskanga pa makuni ghakuru ghakutowa kuwaro ku thengere, mapiri ghakuru, ghaswesi, yelo, mathoto ghakubiriwira mwa igho. Ine nanguti, “Imwe mukumanya kasi icho ntchichi?” Ine nanguti, “Ise tanguwa waka na nyifwa, ndipo Chiuta wawikapo luwa Lake, kughajinthika igho pachanya pa mapiri. Ndi maluwa gha nyifwa. Umoyo wawerera mu dongo. Chiuta wawundira waka njere Zake zose kufuma ku maluwa na vinthu, waziwundira izi, ndipo Iyo wawoneska waka pakweru maluwa Ghake. Iyo wakula wiska pa charu chapasi chifukwa ndi maluwa gha nyifwa. Kweni para zuwa lafumaso, njere yira yizamkutora umoyo kamosaso.” Amen. Viri makora.

146 Mzimu ngwakukondwereskeka mu kukhozgeranga Mazgu. Ndipo usange imwe mukazomera mwambo m'malo mwa Mazgu. . . Sono, imwe mukuti, “Enya, ise tikugomezga chose Ichi, kweni, M'bale Branham, ine nkhumanya ise tikugomezga yayi *Ichi*.” Ntheura nkhanira penepapo ndipo imwe mukuyima.

147 Mliska wakandiphalira ine nyengo yimoza kuti iyo. . . kuti a—kapitawo wakayowoya, panji ine nkugomezga waka wala mulara, wakati, “Mliska, rutani kudera kula, kuli kapitawo wakufwa. Iyo walasika na futi.”

148 Iyo wakaruta kudera kula, ndipo kapitawo wakaphuphanga. Iwo wakamuguzira mu hema la Red Cross, ndipo iyo wakati, “Kapitawo.”

149 Iyo wakalaŵiska kuchanya kwizira mu migorozi ya ndopa, ndipo iyo wakati, “Enya, bwana.” Ndipo iyo wakati, “Iwe ndiwe mliska.”

“Enya.” Iyo wakati, “Iwe ukufwa, kapitawo.”

Iyo wakati, “Ine nkhumanya ichi.”

Iyo wakati, “Kasi ndiwe Mukhristu?”

Iyo wakati, “Ine kale nkhaŵa.”

150 Wakati, “Kasi iwe ukamureka nkhu Iyo, kapitawo?” Iyo wakati, “Iwe wamkumusanga Iyo nkhanira penepapo iwe ukamureka Iyo.” Mbunenesko.

Kapitawo wakati, “Ine ningakumbuka yayi.”

151 Mliska wakati, “Iwe ntchiweme, iwe ulije kweni maminiti ghanandi pachoko, umo iwe ukuphupira.” Mlomo pwankhu, ndopa kusuluranga kufuma mu mlomo wake na m’makutu, ndipo vipolopolo vya futi pa iyo. Wakati, “Iwe ntchiweme ufulumire, maphapu ghako ghakuzura.”

152 Ndipo kapitawo wakayamba kuzizwa, chigonere kula apo iyo wakaphuphanga. Chimwemwe chikiza pa maso pake, wakati, “Ine namanya sono.”

Wakati, “Kasi iwe ukamureka nkhu Iyo? Ukayambire nkhanira penepara.”

153 Iyo wakati, “‘Sono undigoneke pasi kuti ndipumurepo.’” Kula ndiko iyo wakamureka Iyo, kula ndiko iyo wakumusanga Iyo.

154 Para bungwe linu likusambizga chinyake chakususkana na Mazgu, imwe mukumureka Iyo nkhanira penepapo. Weraniko, chifukwa Iyo ngwakuchitachita mu kukhozgeranga na kupanga Mazgu ghara kuŵa ghaneneska. Icho ndicho Yesu wakaŵa, nyengo zose kuchitanga khumbo la Ŵadada. Mukuwona? Viri makora.

155 Ntheura, wonani, kapulikiskiro ka bungwe la Nikodemo kakang’anamura kanthu yayi kwa Chiuta. Sono, palije kanthu usange iyo wakaŵa wakuzirwa, umo ise tikuchemera ichi, mu bungwe, musambizgi mu Israel, kusambira kwake kose na kapulikiskiro ntha vikang’anamura kuti [M’bale Branham wakulizga njoŵe yake—Munozgi] para iyo wakayimilira panthazi pa Khristu, ntchenyo pera kwa iyo. Sono, ine nkhulingalira ŵanthu wose ŵakuti, “Dada mutuŵa, Nikodemo. Dada mutuŵa, Nikodemo. Ise tikugwadira kwa imwe, bwana.” Kweni para Yesu, iyo wakati wayimirira panthazi pa Chiuta, Iyo wakamuchenyanya iyo chifukwa cha umbuli wake. Ntheura, imwe wonani uko vyose ivyo vikuruta, ruwaniko ichi! Zanninge, tiyeni tirute kwa Chiuta. Uwo mbunenesko. Viri makora.

156 Nesi kapulikiskiro kakuru ka Kora kakang’anamura kalikose, panji ka Adam, waliyose kukananga Uthenga

wakukhozgeka wa Chiuta. Sono tiyeni titegherezge mwatcheru sono, ise tinjirenge mu maji ghanyake ghakuzama miniti pera. Wonani, waliyose wa iwo, chifukwa icho iwo wakanjilira mu suzgo, Nikodemo, Kora, Nimrod, na wanyake nthaura, ntchifukwa chakuti iwo wakachindika yayi thenga la Chiuta na Mazgu ghakukhozgeka gha nyengo yira. Sono, waliyose wakumanya icho. Sono, ise tingamanya kukhala pa icho nyengo yitali. Kweni Chiuta wakurosquera na kuyowoya kuti chinthu chinyake chizamkuchitika, munthu wakupanga mabungwe, wakumupanga munthu kukhazikika waka ndendende. Iwo wakagomezga kuti kwizenge Mesiya. O, Wayuda wارا, o, mwe, nadi! Kweni para Yesu wakati wafika umo Iyo wakachitira, iwo wakati, “Yura wangaŵa Iyo yayi.” Iwo wakutondeka kughapulikiska Mazgu. Sono, Yesu nthu wakiza mwakususkana na Mazgu (wakachita Iyo?), kweni Iyo wakiza mwakususkana na kutanthauziro ka bungwe ka Mazgu. Moses nthu wakiza mwakususkana na Mazgu, iyo wakiza ndendende na Mazgu; kweni Kora wakatondeka kuchiwona ichi. Ndipo ulendo wose ichi chiri kuŵa nthaura.

¹⁵⁷ Sono wonani. Uthenga uwu wa nyengo iyi nthu ungaŵa waka unyake kuyowoyanga kuti “ise tiri na Unenesko ndipo ise tiri na *ichi, icho*,” ichi chikwenera kuti chiyowoyekerethu mu Mazgu Ghake! Ndipo nthaura para Mazgu gpharazgika, ichi chikwenera kukhozgeka makora na Mazgu.

¹⁵⁸ Yesu wakaŵa wakukhozgeka makora na Chiuta, mwa Mazgu. Iyo wakati, “Usange imwe mukamumanyenge Moses, imwe nthena mukamanya za nyengo Yane.” Enya kasi waprofeti wakayowoya za Iyo, enya waprofeti wose wakayowoya icho Iyo wakaŵa. Ndipo kweni ichi chikaŵaburumutizga iwo, iwo wakapulikiska yayi ichi. Mukuwona? Kweni Yesu wakaŵa . . . Ndipo ine nthu . . .

¹⁵⁹ Ine nkukhumba kuti ndiyowoye ichi ku ŵa pa tepi, na kwa imwe, namweso. Wonani, thenga na Uthenga wa nyengo!

¹⁶⁰ Sono, usange imwe mukuruta, ŵa Seventh-day Adventist wakuti, “Ise tiri nawo uwu, sungani waka Mupumulo!” Imwe mudiwoneske icho mu Malemba. Mrs. Eddy Baker wakati iyo wakaŵa nalo ili. Ndiwoneske ine. Wamboni za Yehova wakati iwo wakaŵa nalo ili. Ndiwoneskeni ine. Mukuwona? Ŵa Methodist wakuti ŵali nalo ili. Ndiwoneskeni ine. Ŵa Baptist wakuti ŵali nalo ili. Ndiwoneskeni ine. Ndiwoneskeni mabungwe ghalighose. Ine nkhusimikizgira kwa imwe kuti igho ndi, lililose, liri kuwaro kwa khumbo la Chiuta. Lililose la igho ndakususkika, likusambizganga myambo ya munthu m'malo mwa Mazgu gha Chiuta. Ine nkhumanyapo limoza yayi la igho ilo lingazomerezga vinthu ivyo nadi viri kulembeka mu Baibolo umo Ili liliri. Uwo mbunenesko. Kweni para munyake wafika ndipo wakati, “Ine ndiri na Uthenga wa nyengo iyi,”

iyo chakudankha wakwenera kuti wamuwone makora ndipo kuyowoyekerethu kuti wazamkwiza.

161 Para Yohane Mubapatizi wakati wafika kula, iwo wakati, “Kasi ndiwe Khristu?”

Iyo wakati, “Ine ndine yayi.”

Wakati, “Kasi—kasi—kasi ndiwe Eliya?”

Iyo wakati, “Ine ndine yayi.”

Iyo wakati, “Kasi ndiwe njani?”

162 Iyo wakajimanya iyomwene, iyo wakaŵa na Uthenga wa nyengo yira. Iyo wakati, “Ine ndine lizgu la uyo wakoromokanga mu mapopa, umo wakayowoyera muprofeti Yesaya. Sono, usange kubabika kwane na umoyo vikalingana yayi na icho, rekani—rekani kundipokerera ine.”

163 Para Yesu wakati wafika, chikaŵa chinthu chenechira, chinthu chenechira. Thenga na Uthenga, vikwenera kuŵa Uthenga wakuyowoyekerathu na Chiuta. Ndipo nthaura Chiuta, kuyowoyanga kwizira mu thenga ili, wakukhozgera kuti uyu ndi Unesko. Kasi imwe mukupulika ichi? Kasi imwe mukupulikiska ichi? Pulikiskani ichi! Chakudankha chikwenera kuŵa NTHEURA WAKUTI YEHOVA, kuyowoyekerathu. Ndipo pamanyuma thenga na Uthenga, vikwenera kuŵa ndendende icho Chiuta wakayowoya kuti chizamkuchitika pa nyengo yira.

164 Umo ndimo Moses wakaŵira. Ndicho chifukwa iyo wakawa pasi kavunama panthazi pa Chiuta, ndipo wakati, “Chiuta, Imwe mukandituma ine.”

Iyo wakati, “Jipatureko wamwene ku gulu ilo.”

165 Mukuwona icho ine nkhung’anamura? Nyengo zose chiri kuŵa chinthu icho chikatimbanizga malingaliro gha munthu, chikaŵafumiskapo iwo pa khumbo la Chiuta. Sono kumbukirani, kuyowoyekerathu na Mazgu Ghake na kukhozgeka makoraghe na Mazgu Ghake. Sono, Yesu wakati, “Usange Ine nkhuchita yayi milimo iyo...ya Chiuta, ipo kundigomezga yayi Ine. Wonani, usange ine nkhuphonya... Nkhuti, ndinjani wa imwe wangandisuska Ine za kwananga? Ndinjani wa imwe wangandiwoneska Ine kuti Ine ndine wambura kugomezga?”

166 Nikodemo wakati, “Ise tikumanya Imwe ndimwe... Rabbi, Imwe mukafuma kwa Chiuta, chifukwa kulije munyake wangachita vinthu ivyo pekhapekha Chiuta waŵe na iyo.” Mukuwona? Nthaura ichi chikawoneska kuti Iyo wakaŵa wakugomezga.

167 Sono, ise taŵeneise tikumanya mudauko wa mpingo. Sono vwarani vipewa vinu vya kughanaghana. Nyengo yichali yindarute, wonani, nthaura tegherezani waka mwacheru chomene sono ndipo ine ndiyezgenge kuŵa waka wakufulumira

umo ine ningachitira. Ine—ine nkikhumba... Tegherezani mwatcheru ku tepi. Sono, waliyose uyo wali kuwazgapo mudauko wa mpingo, wakumanya kuti nyengo yakudankha apo Chikristu chikapangika bungwe, ukaŵa mpingo wa Roma Katolika. Sono, usange ziriko nyengo zinyake kumanyuma kwa iyo, ine nkikhumba munyake wafike na mudauko ndipo wandiwoneske ine. Ine ndine mubwezi wa pamtima wa Paul Boyd, ŵamidauko ŵanandi ŵakuruŵakuru. Ine ndiri nagho mu chipinda chane chakuŵazgira mula, *The Post Nicene Council, The Nicene Council, The Nicene Fathers*, vyakulemba vyakupatulika vyose vya mpingo, ivyo ine nkhumanya. Virimika sate-firii ine ndiri kuŵazga ivi, nkhalawiskamo mwatcheru. Ntha likaŵako bungwe. Mpingo wa Katolika ndi nyinawo wa bungwe. Ise tikumanya kuti uwo ndi unenesko. Ntha ukaŵako mpingo ukapangika bungwe, ukaŵa na bungwe, mpaka pakufika kwa mpingo wa Katolika. Ndipo lizgu lakuti *katolika* likung'anamura "wa charu chose." Ndipo iwo ŵali kupanga chisopo cha mpingo na boma, ndipo ŵapanga ichi kulamulira Rome yose, ndipo ichi chikaŵa pafupifupi na a—chigaŵa chikuru chomene cha charu icho chikathereska pa nyengo yira. Ukaŵa mpingo wa boma, ndipo iwo ŵeneawo ŵakareka kupulikira ichi ŵakakomeka. Mphara ya Nicaea, mazuŵa fifitini gha nkondo ya kuthiska ndopa, apo ŵaprofeti ŵeneko ŵa Chiuta, para iwo ŵakayimirira kula pa vira . . .

¹⁶⁸ Mpingo wa Katolika, chifukwa icho uwu ukayambira pakudankha, chifukwa, ise tose tikumanya ichi, ine ndiri kusambizga ichi muno. Umo, nadi, Aquila na Priscilla wakaŵa mliska, Aquila wakaŵa mliska wa—wa mpingo wa Chiroma. Para Mzimu Mutuŵa ukati wafika pa Pentekosite, Uwu ukawa pa Ŵayuda kufuma mu fuko lililose kusi kwa mtambo. Kweni mazuŵa ghachoko pamanyuma pa icho, Petros wakaŵa na mboniwoni pachanya pa nyumba, kuti warute kwa Koneliyo, wa Chiroma, munthu murunji, ndipo iyo wakaromba ndipo Mzimu Mutuŵa ukafika pa iyo. Pakati pajumpha kanyengo ŵakuchindikika ŵakayamba kuwupokera Uwu. Aquila na Priscilla ŵakanjira mu—mu Rome ndipo iwo ŵakapanga bungwe, panji, ntha ŵakapanga bungwe, kweni ŵakakhazikiska mu dongosolo mpingo wakudankha wa Chiroma. Ndipo, para iwo ŵakati ŵachita, iwo ŵakaŵa na ŵawo—ŵabale ŵawo na ŵalongosi.

¹⁶⁹ Ndipo Claudius, mu muwuso wake, wakachimbizga Ŵayuda wose mu Rome. Ndipo ndi nyengo yeneyira apo mpingo wa Roma Katolika ukayowoya kuti Petros wakaŵa mu Rome. Mundiwoneske Lemba limoza uko Petros wakaŵa mu Rome, panji mudauko uliwose uwo ukuti iyo wakaŵa. Iyo wakaŵako yayi, kwakulingana na Mazgu gha Chiuta, ndipo Icho ndicho ine nkhugomezga. Ndipo vingachitika uli kuti Petros, Muyuda, wazomerezge kusopa vikozgo na vinthu ivyo iwo ŵali navyo,

vya kusopanga vikozgo na vinthu? Kwenekuko... Mukuwona? Kasi iyo wangasuskana nacho uli chisambizgo chake yekha uku? Kupusa. Ntha ukujumpha apo kuruska umo wa Protestant uliri nawoso. Lindizgani, ise tifikengeko ku ichi para pajumpha kanyengo, pachoko na pachoko, para Fumu yazomerezga. Wonani. Wonani sono, ise tikusanga kuti nyengo yeneyira apo mpingo ukuyowoya kuti Petros wakaŵa mu Rome, mudauko ukuyowoya kuti Claudius (ndipo Baibolo likayowoya naloso) wakalangura Wayuda wose kuti ŵafumemo mu Rome.

¹⁷⁰ Ndipo Paulos wakajumpha mu Efeso ndipo wakiza ku mphaka za kumtunda kula, iyo wakusanga ŵasambiri aŵa, ndipo kula iyo wakaŵa kunena kula kuchezeranga Aquila na Priscilla. Pamanyuma pa kuruta kwawo, ntheura ŵabale ŵa Chiroma mu mpingo uwu ŵakayamba kupanga fundo zawo ŵekha, ndipo iwo ŵakasazgako kusopa vikozgo. Ndipo pamanyuma mwa Constantine, mweneuyo mama wake wakaŵa Mukhristu wakufikapo ndipo wakagomezga kuti mnyamata wake waŵenge, kweni iyo wakaŵa wa ndale. Ndipo iyo wakawona kuti pafupifupi Rome yose, panji chigaŵa chikuru cha uyu, cha gulu likavu, chikaŵa kuti chapokera kale chiponosko kwizira mwa Khristu. Ndipo ntheura iwo ŵakayamba kufika pa kutchuka chomene, chifukwa iwo ŵakakhizgiranga pasi Venus ndipo ŵakakwezganga Mariya, na kukhizgiranga pasi Jupiter na kukwezganga Petros, na vinyake ngati ntheura ndipo—ndipo ŵasambiri, ndipo chikaŵa chisopo cha kutchuka chomene. Ndipo iwo ŵakaŵa ŵachikanga. Iwo, Ŵakhristu ŵara ŵakafwanga!

¹⁷¹ Ndipo mpingo wa Katolika ukati, “Ise ndise tikayamba.” Uwo ndi unenesko ndendende, mpingo wa Katolika ukayambira pa Dazi la Pentekosite. Kweni apa pali icho chikaufumiskira kuwaro uwu: uwu ukapanga bungwe ndipo ukanjizgamo (kufuma mu Mazgu) visambizgo vya ŵanthu. Ndipo chisambizgo chasonosono chomene cha munthu, imwe mwaŵanthu mukujumpha virimika khumi vyakubabika mungamanya kukumbukira chisambizgo chasonosono chomene: kukwezgeka kwa Mariya, pafupifupi virimika khumi vyajumpha. Chisambizgo chinyake cha munthu chikasazgikako ku mpingo. M’ malo mwa Malemba, ndi chisambizgo cha munthu! Ndipo iwo ŵamupangiskeninge imwe kuti mupulikiske makora sono nthena, iwo “ŵakupwerera yayi icho Lemba likuyowoya, ndi icho mpingo ukuyowoya.”

Iwo, msofi yura wakandiphalira ine, wakati, “Chiuta wali mu mpingo Wake.”

Ine nkhati, “Chiuta wali mu Mazgu Ghake.”

¹⁷² Iyo wakati, “Enya, Baibolo ilo ndi mudauko waka wa mpingo wakudankha wa Katolika.”

173 Ine nkhati, “Ipo ine ndine wa Katolika wakwambilira.” Ine nkhati, “Icho chikundipanga ine kuwa wa Katolika chomene kuruska iwe, pakuwa msofi.” Mukuwona? Ine nkhati, “Usange ndimo ichi chiliri, ipo ine ndine icho.” Ine nkhati, “Iwe wona, ine nkhugomezga ndendende icho wapostole wakasambizga. Iwe ukugomezga icho munthu wali kunjizgamo mu ichi.” Ndipo icho ndi ndendende umo ichi chikachitikira. Nadi, ichi chikawako. Ichi chikachitika mwantheura, ndendende mwantheura umo.

174 Sono wonani, mudauko, ntheura iwo wakayamba kusazgako visambizgo vya munthu, chisambizgo cha munthu, ndipo para Paulos wakati wafika, ise tikumanya, kwakulingana na mudauko, kuti iyo ntha wakarutako ku mpingo wakudankha ula, chifukwa iyo nthena wakazizipizga yayi kusopa vikoze. Ndipo iyo wakaruta ku mpingo wachiwiri uwo iwo wakakhazikiska, mpingo wachiwiri wa Rome.

175 Ndipo para Mphara yira ya Nicaea yikati yafika, uko Constantine wakawona fundo yakuti wapange ufumu wake kuwa umozu. Chinthu chenechira Ahab wakachita na Yezebeli, kukatora kusika kula. Mukuwona? Ndipo para iyo wakati wawona mwaŵi wakugumaniska wanthu wake na kupanga mtundu ukuru wankhongono kufuma ku ichi, iyo wakaghanaghana kuti iwo watorenge chisopo chawo, ntheura iyo wakawapangira chisopo cha mpingo na boma. Ndipo para iwo wakati waŵa na Mphara yira ya Nicaea, ndipo mafumbo agha ghakafumbika kuti kwali kukaŵa Chiuta yumozu, panji watatu; kwali iwo wabapatizenge mu Zina la Yesu Khristu, panji Dada, Mwana na Mzimu Mutuwa; mafumbo ghanyake ghose agha ghakafika ku—ku kuwoneskerana mwenemula. Ndipo, para ichi chikati chachitika, waprofeti wanyake wakale wara wakiza kula na chinyake yayi kweni wakavwara vikumba vya mberere, ndipo wakaryanga mphangwe. Mbunenesko! Kweni wakuchindikika wara wakaŵa kuti wanozga kale nthowa yawo mu mpingo, wakawakhazika chete iwo na vinjeru vya charu. Kweni iwo wakaŵa na NTHEURA WAKUTI YEHOVA. Uwu ukanjira mu mdima wachikunja pafupifupi virimika sauzandi.

176 Kweni uwu ukaswanaso, kuti ukure. Uwo mbunenesko. Imwe mungakoma yayi Ichi. “Ine ndizamkuwezereska, wakuti Yehova, virimika vyose vinthu ivi vyarya.”

177 Mabungwe ghara ghakasazgako chisambizgo cha munthu. Ndipo kuti wachite ichi, kuti wasazgeko chisambizgo cha munthu, nthowa yimoza pera iyo mpingo uliwoze, nthowa yimoza pera iyo bungwe lililose lingamanya kupandukako ku Mazgu gha Chiuta, ndi kusazgako chisambizgo cha munthu m'malo mwa Malemba ghakupatulika, ndi kuyezga kupanga mwambo winu panji chisambizgo cha mpingo winu, nangauli ichi chiwenge chakususkana na Malemba. Ntheura kasi imwe muwususkenge uli mpingo wa Katolika, penepapo imwe mukuchita chinthu chenechira iwo wakachita? Kasi imwe

mukupulikiska? Viri makora. Para, sono ghanaghanani waka, Malemba ghangatondeka yayi! Visambizgo vya munthu ndi vyautesi, kufuma pakwamba. Ndipo para imwe mwazomerezga bungwe, imwe ndiko kuti mwapokera kale chisambizgo cha munthu, chifukwa ichi ndi chinyake chakusazgikako. Ichi chiri mu Malemba yayi. Ichi chiri mu Malemba yayi.

¹⁷⁸ Mulije chinthu ngati bungwe. Yesu nthu wakati, “Ine nkhumutumani imwe kuti murute mu charu chose, mukapange bungwe.” Yayi, bwana, mulije chinthu chantheura! Kuchita ichi, ndi kukana Malemba ghakupatulika. Para ichi chikati chachitika, ichi chikasintha kufuma ku “Mpingo mwa kubabika” kufika ku “mpingo mwa chisambizgo cha munthu na chigomezgo.” Ntha *mpingo*, rekani ine ndiphepiske; loji! Imwe mukubabikira mu Mpingo, kwani imwe mukujoyina loji. Ntha ndi mpingo wa Baptist, mpingo wa Methodist, mpingo wa Pentekosite. Ndi loji la Baptist, loji la Pentekosite, na loji la Methodist, imwe mukuchita kujoyina. Imwe mungajoyina yayi Mpingo. Kulije chinthu chantheura. Imwe mukubabikira mu Uwu. Nikodemo wakaphalirika icho. Ntheura imwe mukuwona apo imwe muli? O, mwe!

¹⁷⁹ Ndicho chifukwa ine nkhususkira ili. Ntha nkhususka wanthu mu ili; ndondomeko ndiyo ine nkhususka. Chifukwa iwo wangachita yayi... Yumoza wa walara wana panji chinthu chinyake, umoza wa mipingo yira upharazge chinyake icho chiri mu Baibolo icho ntchakususkana na chisambizgo chira, ndondomeko iyo iwo wali nayo mu mpingo ula, iyo wakuchimbizgika nkhanira ngati ntheura. Enya, bwana. Wanyake wa iwo waheni chomene mwakuti iwo wazomerezge yayi nanga ndi chisisimuso chifike ku mpingo unyake pekhapekha uyu wawe yumoza wa wanthu wawo. Chifukwa, iwo wali chomene...

¹⁸⁰ Muniyake nyengo yimoza wakati waperekenge kwa mupharazgi... Nkhanira muno mu charu ichi, mupharazgi mulara pachoko wayimilira kusika uku pa msewu, kuliriranga na kupemphanga ching'anamuka, na kuyowoyanga, “Zaninge, mupokereni Khristu, zuzgikani na Mzimu Mutuwa,” na vintu ngati ivyo. Ndipo muniyake kufuma mu bungwe la Pentekosite wakafika ndipo wakamupa mwanarumi yura dola mu mawoko ghake, ndipo wakaruta kuti wakarape chifukwa iyo wakachita chigoloro kwanangira mpingo wake. Kuyowoya za Katolika! Uwo mbunenesko. Ndipo imwe mukumanya icho ine nkhuwoyoya, nachoso; panji mpingo uwu ukuchita, munthowa yiriyose. Viri makora.

¹⁸¹ Kuchita ichi, kukana Malemba, para ichi chachitika, ichi chikusintha penepapo para imwe mukusazgako chisambizgo cha munthu na kujoyina bungwe, imwe mbwenu kwambura kukakamizgika mwachizomera chisambizgo chinu chakudankha cha munthu, chifukwa ichi chiri m'Malemba yayi,

ntheura ndi chinyake chakusazgikako. Ndipo chisambizgo cha munthu ndi chinyake icho chasazgikako, “chatora malo ghake,” ichi chikutora malo gha kubabika. Para imwe mwazomera bungwe, imwe mwasazgako chisambizgo cha munthu. Viri makora. Para ichi chachitika, ntheura ichi chasintha kufuma ku “Mpingo mwa kubabika” kufika ku “loji mwa chisambizgo cha munthu panji chigomezgo.” Pakuti, wonani, ndi chisambizgo cha munthu mwa ichochekha, nthu pakuwa cha m’Malemba.

¹⁸² Sono, Yesu nthu wakati, “Rutani mu charu chose ndipo mukapange mabungwe, rutani mukawunganiske wanthu pamoza.” Iyo wakati, “Rutani mukapange wasambiri.” Imwe mukugomezga ichi? [Gulu likuti “Amen.”—Munozgi] Amen. Ntheura, imwe wonani, imwe mose pamoza muli kuwaro.

¹⁸³ Tegherezani, laŵiskani kuno. Tiyeni timalizgire ichi pa chinthu chinyake apa, tikhomerere chinyake nkhanira mwakukhora pa nyengo iyi. Kasi mbalinga wali na la dikishonare la Chigiriki, *The Emphatic Diaglott* kufumira ku vyakulembeka vyakale, Chigiriki? Viri makora. Wazgani ili, torani wakusambira waliyose imwe mukukhumba. Njirani mu nyumba ya mabuku ndipo mukatore la lexicon, dikishonare la Chigiriki. Wazgani Chivumbuzi 17, ndipo para imwe mukuwazga mula, King James Version apa wakuti, ndipo ili, “Iyo wakandiyegha ine mu Mzimu; ndipo ine nkhwona mwanakazi wakhala pa chikoko chavwara salu yiswesi, yakuzura na—na mazina gha kutuka.” Sono, icho ndicho King James wakayowoya. Kweni kutanthauzira kwa pakudankha kukati:

...wakandiyegha ine mu mzimu...ndipo ine nkhwona mwanakazi...wakuzura na mazina gha vitusi,...

¹⁸⁴ Pali mphambano yikuru pakatikati pa “mazina gha kutuka” na “mazina gha vitusi.” Sono wonani. Ise tose tikupulikiska na kumanya kuti ula ukaŵa mpingo wa Chiroma wakhala pa mapiri seveni, kulamuliranga mazaza gha charu. Ndipo uwu ukachemeka “muzaghali,” ndipo uwu ukaŵa “nyinawo wa wazaghali.” Vichi? Kasi muzaghali ndinjani? Kasi wangaŵa mwanarumi? Uyu wakwenera kuŵa mwanakazi. Ntheura usange uyu ndi mwanakazi, uwu ukwenera kuŵa mpingo; iyo wakaŵa nyinawo wa wazaghali, chimozimozi umo iyo wakaŵira. Ndipo laŵiskani, wonani, “Mwa iyo!” Rekani ichi chinjire. “Mwa iyo mukaŵa mazina gha vitusi.” Kasi ntchichi ichi? Sono, wapharazgi muno na ŵa pa tepi, khalani chete. Kasi mazina gha vitusi ghara ndi vichi? Methodist, Baptist, Prezibetere, Lutheran, Pentekosite, ghanyake ntheura. Mazina gha vitusi, chifukwa ndi mabungwe, uhule kwa Chiuta, ngati ndiumo iyo wakaŵira.

¹⁸⁵ Ndipo iwo, mu magulu ghara, wanthu wakuti, “Chifukwa, iyo ngwa Methodist, ndipo wakuchita *ichi*. Iyo ngwa Pentekosite, ndipo wakuchita *ichi*. Iyo ngwa Prezibetere, ndipo wakuchita *ichi*.” Iwo wakuchita chirichose pa kalendera, imwe mukumanya icho. Ndipo kasi ntchichi ichi? Ndi mazina agho ghakwenera kuwa ngati Khristu na kuchemeka na zina la Chikhristu, ndipo ndi mazina gha vitusi! Iyo ndi mpingo yayi. Iyo mwaupusikizgi yikuchemeka “mpingo.” Iyo ndi malozi! Sono imwe mukuwona chifukwa icho ine nkhuskira bungwe? Ntha wanthu, ndondomeko ya bungwe, wonani, zina, mazina gha vitusi (wonani) gha malozi, mwaupusikizgi ghakuchemeka mpingo. Mpingo wa Methodist, mpingo wa Baptist, mpingo wa Prezibetere, mpingo wa Pentekosite, mpingo wa Lutheran, mpingo wa United Brethren, kulije chinthu chantheura. Icho ntcha m’malemba yayi.

¹⁸⁶ Kuli Mpingo umoza pera, ndipo imwe mungajoyina yayi Uwu. Imwe mukubabikira mu Uwu. Imwe mukusankhikirathu ku Uwu. Thupi lamchindindi la Yesu Khristu...Thupi lamchindindi, mpanyiko, la Yesu Khristu pano pa charu chapasi, na Mazgu ghakuwonekera. Wana wanarumi na wana wanakazi wa Chiuta, iwo ntha wali mu umoza wa iyi. “Fumanipo pakati pawo,” Iyo wakayowoya. Enya.

¹⁸⁷ Wonani, mwaluwiro sono. Ine nkikhumba yayi kuti ndimuvuskeni imwe, kweni usange imwe mungandipako waka maminiti ghachoko ghakusazgirapo sono, ine ndichitenge mwaluwiro umo ine ningamanya kuchitira, kweni ine nkikhumba kuti imwe muwoneseske kuti mwachipulikisa ichi, mwakuti imwe mureke kuchiphonya ichi. Mukuwona?

¹⁸⁸ Kumbukirani, mama Rome, wakasangika mwa uwu, wakuzura na mazina gha vitusi, nyinawo wa wazaghali. Ntheura, usange iyo njizaghali, kasi muzaghali ndinjani? Kasi hure ndinjani? Chinthu chenechira ngati muzaghali. Ndi mwanakazi uyo wakukhala umoyo waukhuruku ku lumbiro lake la nthengwa. Ndipo mpingo uliwose uwo ukuyowoya kuti ndi Mpingo wa Khristu, ndipo ukukana Mazgu gha Chiuta, uwu ngukhuruku ku lumbiro lake la nthengwa! Ntheura uwu ukuchita chigoloro pakuchita kusazgako chisambizgo cha munthu, kuchita uhure na charu na vinjeru vyake, m’malo mwakumuzomera Khristu na nkhangono ya chiwuka Chake mwa Mzimu Mutuwa. Ndipo uwu ndi nyinawo wa wazaghali uwo wachita chinthu chenechira. Poto ntha wakuzunura ketulo “wakunata,” imwe mukumanya; wonani, sikisi pa wanu, ndipo hafu dazeni wa chinyake. Wanthu wanyake awa wakurongozgana nayo kumusekanga waka Katolika, ndipo wali mu umoza wa chinthu chantheura iwoŵene. Uwu ukawa nyinawo wa ubapatizo wautesi wa mu maji. Uwu ndi nyinawo wa ukaboni wautesi wa Mzimu Mutuwa, ndipo imwe mukwenda kuwurondezganga uwu. Sono tiyeni tiwone.

189 “Kasi uwo mbunenesko, M’bale Branham?” Khalani chete pa kanyengo waka.

190 Wonani, uwu ndi nyinawo wa mazina gha vitusi, gha maloji agho wanthu wali kujoyina, ndipo wakwiziska kunyozeka, wakukhala umoyo uliwise, wakuvwara wakabunthu, wanakazi wali na sisi lakuyepura, nkhope zakupenta, wakwimba mu makwayara, wakukhweŵa hona, wakutora monesko, mitundu yose ya ukazuzi wa charu, ndipo ndi chikhuwazgo ku wambura kugomezga. Kasi Timote wakuyowoya yayi za ichi, Mzimu Mutuŵa? Laŵiskani. Wonani, iyo, Rome, ndi nyinawo wa uliwise wa iyi. Mukuwona? Imwe mukachita nkhanira ndendende mu bungwe linu ngati ndiumo iyo wakachitira, mukunjizgamo visambizgo vya munthu m’ malo mwa Mazgu, chifukwa gulu la wanthu likakhazikiska ichi pamoza, walarawalara na mabishopu na wanyake nthura wakati ichi chikenera kuŵa *ntheura*, ndipo ndicho ndendende chikachitika ku Rome. Ndipo iwe yezga kuchita, m’bale wane mliska, kuzomerezga Mazgu ghose gha Chiuta, ndipo, wona uko iwe urutenge, nkhanira kuwaro pa muryango! Sono ise tiwonenge usange Chiuta wakamuphalirani imwe kuti muchite, panji yayi, mu maminiti ghachoko. Mukuwona? Viri makora.

191 Wonani, uwu ndi nyinawo wa lirilose, chifukwa uwu ukaŵa wakudankha kufumiskako vyakulembeka vya Malemba na kusazgako chisambizgo cha munthu, chifukwa uwu ukakana waprofeti wakuphakazgika awo wakaŵa na umoyo wakukhozgeka, na Mazgu. Pakuti zeru zawo, munthu wamahara, Mafumu gha Chiroma, na wanyake nthura, awo wakazomera Chikhristu, kweni wakukhumba... wakuzomera ichi mu nthowa yawo na yawo. Mukuwona? Uwo mbunenesko. Iwo wakukhumba ichi mu nthowa yawo na yawo.

192 Namani wakakhumbanga kuti wamazge vyoni vyake mu maji gha mu charu chake yekha, iyo wakaghatemwa yayi maji ghamatope gha Jordan. Kweni usange iyo wakakhumbene kumazga vyoni vyake, iyo wakenera kuti wakayende mula mu matope ghara nkhanira ndendende umo muprofeti wakamuphalirira iyo. Wonani, Chiuta walije ntchindi na munthu.

193 Wonani, iyo wakaŵa bungwe lakudankha. Wonani wana wake wanakazi, wakachita chinthu chenechira, wakasazgako vigomezgo na visambizgo vya wanthu m’ malo mwa Mazgu. Ntha munganiphiliranga ine; ndiwoneskeni chimoza icho chiri kufuma ku Uwu yayi. Ndiwoneskeni mliska yumoza uyo wazomerege Unenesko, kuti iwo wakuchimbizgenge yayi iwe pa ichi, pekhapekha iwe ndiwe wakutchuka chomene kuti, imwe mukumanya, iwo wakwenera kuti wazizipizge nawe chifukwa cha kuchuka kwako panji chinyake. Ichi chiri makora.

¹⁹⁴ Sono laŵiskani pa Chivumbuzi 18, pa maminiti ghachoko waka, vesi lakurondezgako paseri, chipatulo chakurondezgako, pamanyuma pakuti Chivumbuzi 17 wakati wafufuza ndipo—ndipo wakawoneska chamchindindi cha Miss Babulone uyu. Chipatulo 17 cha Chivumbuzi chikurongosora kuti uwu ndi mpingo uwo wakhala pa mapiri seveni, Msumba wa Vatican, uwo ukulamulira mafumu ghose gha charu chapasi (icho ndi unenesko ndendende), na Mapurezidenti naghoso, na wanyake ntheura. Uh-huh. Ntheura, kweni uwu uli apo, ukusunga chuma cha iyo mu woko lake. Icho ndi ndendende. “Ndinjani wali na nkhangono kurwa nkondo na iyo?” Uwo mbunenesko. Ise tose tikumanya icho. Kweni ntchifukwa uli imwe muwenge mu chinyake icho ntchakubatikana na iyo? Sono wonani mu chipatulo 18, chipatulo chakurondezgako pamanyuma pakuti chamchindindi chake charongosoreka. “Wakukhala mu tempile la Chiuta.” Sono, apa, dazi linyake. . .

¹⁹⁵ Zella Braitman, kasi ulipo usiku uwu, Zella? Iyo wakiza, iyi yiri mu chipinda mkati mula sono, *Our Sunday Visitor*, nyuzi ya Katolika. Ndipo nyuzi ya Katolika yikamuzgoranga mupharazgi. Yikati, “Kasi iwe ukayowoya, mliska, uyo wakachita a. . . Mu nambala ya Chiroma pachanya mu Vatican, panji pachanya pa chizumbe cha Papa, pali kulembeka, ‘Vicarivs Filii Dei,’ cheneicho chikung’anamura, kuti ichi,” mu dayosizi ya Katolika mula, “kuti iyi ndi a—nambala ya chikoko cha Pharaniko?”

¹⁹⁶ “Chifukwa,” iyo wakati, “nadi, ndicho ichi. Iyi ndi ndendende, ndi sikisi handiredi na sikisite-sikisi. Iyi ndi ndendende.” Ndipo dayosizi ya Chiroma yikazomerezga ichi, kuti iyi yikuchita. Kweni apa pali zgoro lawo, mahara, wakuzura na vinjeru, wakati, “Kweni, iwe ukumanya, zina lako mu chiyowoyero chinyake panyake lingapanga chinthu chenechira.”

¹⁹⁷ Munthu uyu wakati, “Lane, pafupifupi chinthu chenechira mu chiyowoyero chinyake.” Iyo wakaliyowoya ili. Wakati, “Wona, ine pafupifupi ndiri sikisi handiredi na sikisite-sikisi, naneso.” Wakati, “Ghali kuŵapo mahandiredi gha igho.” Wakati, “Nyengo yiriyose para chinyake chayambika, munyake wali na sikisi handiredi na sikisite-sikisi.” Ndipo wakati, “Mliska, kasi iwe ukumanya kuti mu chiyowoyero chimoza zina lako wamwene panyake lingapanga chikanakhristu?” Nkhati, “Ntchifukwa uli iwe ukulaŵiska pa vinthu vyantheura?” Laŵiska pa chinjeru.

¹⁹⁸ Kweni Mzimu Mutuŵa wakumanya makora. Wona. Icho panyake chingaŵa ntheura, zina lane panyake lingapanga sikisi handiredi na sikisite-sikisi, kweni ine ntha ndiri navyo vyakundiyanerezga vinyake vyose. Ine ntha nkukhala pa phiri. Ine ntha nkhuwoyoya vinthu *ivi*. Ine ndine mulamuliri yayi, iwe wona. Uwo mbunenesko. Uyo ndi mweneuyo Iyo wakuwoyoya. Ntheura vinjeru vyako vya charu vikuchita kanthu yayi, bwana,

uwo mbunenesko, mu Kuŵapo kwa Mzimu Mutuŵa. Ine ndirije vinyake vyose vya ichi, kweni iyo wali navyo. “Wakukhala mu tempile la Chiuta, kujiwoneskanga iyomwene kuti iyo ndi Chiuta, ndipo wakukhala pa mapiri seveni.” Ine nthā nkukhala pa mapiri seveni, usange ili likupanga sikisi handiredi na sikisite-sikisi. Ine ndirije vinyake vyose vya ichi, kweni iyo wali navyo. Wonani, apo imwe muli. Mukuwona? Ntheura gomezgani waka pa Mzimu Mutuŵa, “Rekani kwenjerwa na icho imwe muyowoyenge, chifukwa ndimwe yayi uyo wakuyowoya; ndi Dada.”

¹⁹⁹ Ntheura kasi vinjeru vyinu na Kubabika kwinu kuphya kwa Kuchanya vingalinganzigika uli na vinthu ivi pano pa charu chapasi, aŵa—ŵamayere ŵankhongono aŵa mu ichi? Chifukwa, iwo ŵakumanya ukhuruku uliwose uchoko na kona. Kasi Moses wakazizipizga uli para iyo wakarondezga Marango gha Chiuta, kuti waponye ndodo yake pasi ndipo iyi yikazgoka njoka, ndipo apa ŵakwiza ŵamayere ndipo ŵakachita chinthu chenechira? Kweni Moses wakayima nganganga, kumanyanga kuti iyo wakarondezga Mazgu gha Chiuta, ndipo njoka yake yikarya zinyake zose. Mukuwona? Ntheura para imwe mwapulikira ndipo mwatora. . . Kasi iyo nthena wakachita vichi para iyo wakaŵarongozgera ku charu cha phangano, ndipo kula kukaŵa Nyanja Yiswesi kuŵanjizganga mkati iwo, kweni nthowa ya Chiuta yikajumphā nkhanira mu iyi. Amen. Wakati, “Yimirira penepapo, ndipo uwone Uchindami wa Chiuta!”

²⁰⁰ Para ichi chiri mu nthowa ya ntchito, ya kurondezanga Mazgu, yimirirani penepapo ndipo wonani ichi chikujurika. Amen. Ine ndiri na virimika fifite-firii vyakubabika, nakhala nkhumutumikira Iyo pafupifupi virimika sate-firii, nakhumbanga nthena nanguŵa na virimika teni miliyoni kuti ndimutumikire Iyo. Ine nindamuwonepo Iyo wakatondeka, para Mazgu Ghake ghasungika. Uwo mbunenesko.

²⁰¹ Sono wonani, para iyo wakati wananga waka, visisi vyake vikamanyikwa. Ise tikaŵa nacho icho kale chomene kumanyuma, ise tikumanya ichi.

²⁰² Sono chipatulo chakurondezgako, laŵiskani pa Chivumbuzi 18. Uli ine ndijure waka ku ichi miniti pera. Ichi panyake chingaŵa chinthu chiweme, ichi nthā chititorerenge ise nyengo yitali kweni maminiti waka ghachoko, ndipo panyake ichi ching’anamurenge chinyake chichoko kwa imwe. Ine nkugomezga ichi chikuchita.

²⁰³ Sono ise tikuwona apa, mu chipatulo 17, vesi 5:

*. . . pa chisko chake pakaŵa zina lakulembeka,
WAMCHINDINDI, BABULONE MUKURU, NYINAWO
WA ŴAZAGHALI, UKAZUZI WA CHARU CHAPASI.*

Ndipo wonani.

Ndipo ine nkhawona mwanakazi (mpingo) walowera na ndopa za watuwa, ndipo na ndopa za wakufwira upanikizgi wa Yesu: . . . para ine nkhati ndamuwona iyo, ine nkhezizwa na kukopeka kukuru.

²⁰⁴ Wonani, kumuwonanga iyo, iyo wakaŵa chinthu chikuru chakutowa. Ndipo iyo wakaŵa nyinawo wa ŵazaghali, chisopo chizaghali, mabungwe, ndendende icho iyo wakachita, wonani, chifukwa iwo ŵakaŵikamo visambizgo vya ŵanthu ngati ndiumo iyo wakachitira. Sono wonani, laŵiskani pa Chivumbuzi sono, icho ndi chipatulo 17, chikumalira na vesi 18. Sono wonani.

. . . pamanyuma pa vinthu iyi (pamanyuma pakuti chamchindindi chake chikati chavumbukwa), pamanyuma pa vinthu iyi ine nkhawona mungelo munyake wakwikha kufuma kuchanya, wali na mazaza ghakuru; . . .

²⁰⁵ Sono, apa pakwiza thenga linyake likukhira, chipatulo chakurondezgako, chamchindindi chake chikavumbukwa. Sono, uku sono ndi kuvumbukwa kwa chamchindindi chake na chamchindindi cha ŵana ŵake. Wonani, ise tapulikiska makora sono icho chikamupanga iyo kuŵa muzaghali: chifukwa iyo wakachita chigoloro kunangira Mazgu gha Chiuta. Ndipo icho ndicho chikamupanga iyo kuŵa bungwe. Iyo wakatondeka kukhala mpingo wa Baibolo na kuzomerezga icho. Ndipo nesi lingachita bungwe lililose ilo ntha likutora Lizgu lililose la Ili (umo Ili liri kulembekera) lingamanya kuŵa mpingo wa Baibolo. Ndipo palije limoza la igho munthowa iyo, ilo ine nkhumanya chirichose, palije limoza. Ntheura kula, wonani, para uwu ukati wapanga waka bungwe, chinthu icho uwu ukuchita, (vyose mwa Malemba na mwa ukaboni) uwu ukufwira nkhanira penepapo, uwu ukuzomera chisambizgo cha munthu. Sono wonani, sono icho ndicho chikachitika.

²⁰⁶ Chiuta wakatuma, mu chipatulo 18 ichi, mungelo mukuru, pamanyuma pakuti chamchindindi chira chikati chavumbukwa, mungelo mukuru, panji, thenga. Laŵiskani apa.

. . . pamanyuma pa vinthu iyi ine nkhawona mungelo munyake wakwikha kufuma kuchanya, wali na mazaza ghakuru; ndipo charu chikangweruskika na uchindami wake.

Ndipo iyo wakachemerezga . . . na lizgu likuru, . . . Babulone (nthimbanizgo) mukuru wakuwa, . . . ndipo wazgoka malo ghakukhalamo viwanda, . . . chikhazi cha mzimu uliwose uheni, na mphanji ya ukazuzi uliwose na thinkho . . . ukazuzi na kayuni kakutinkha.

Ndipo mitundu yose yamwa vinyo wa ukali wa uzaghali wake, ndipo mafumu gha charu chapasi . . . ghakachita mauzaghali na iyo, ndipo ŵanthu

ŵamalonda ŵa charu chapasi ŵali kusambazga kwizira mu unandi wa luzokozoko lwake.

207 Wonani, para chamchindindi chake chikati chavumbukwa waka, cheneicho iyo wakaŵa, icho iyo wakaŵa, awo ŵakaŵa ŵana ŵake ŵanakazi, chamchindindi chiri kuvumbukwa, nthaura Chiuta wakatuma mungelo, thenga kuti (vichi?) liŵacheme ŵafumeko, “Fumaniko!” Uthenga wa ora!

...Fumaniko kwa iyo, ŵanthu ŵane, mwakuti mureke kuŵa ŵakusangana na vilengo vyake...

Iyo wamutembenge iyo. Wonani.

208 Fumaniko kwa iyo! Chiuta wakatuma mungelo mukuru, panji, thenga. Ndipo Ungweru wake nthu ukaŵa pa kona, Uwu ukafalikira pa charu chapasi. Fumaniko kwa iyo! Vichi? Iyo, na ŵanung’una ŵake, nawoso. Kutu lipereke ungweru ku charu chapasi, na kuchema ŵanthu Ŵake ŵafumeko kwa iyo. Sono, imwe mukumanya uwo ndi Unenesko. Thenga likatumika kufuma Kuchanya, kuti licheme ŵanthu ŵa Chiuta ŵafumemo mu Babulone. Ndipo Ungweru Wake ukaŵara pa charu chapasi, Mzimu Mutuŵa mukuru.

209 Wonani, Baibolo likati, “Iyo ndi mphanji, ndipo wali kukora twakutinkha, tuyuni tukazuzi.” Ntho nombo, sono, yayi, yayi, yayi, yayi. Ŵachabaŵi, “tukazuzi, tuyuni twakutikha,” ivyo ndivyo viri mu mphanji vyamuzingirizga iyo. Iyo ndi mphanji ya kuzura na ivyo, mphanji yose njakuzura. Na vichi? “Mazina gha vitusi,” chakususkana na Malemba. 2 Timote 3 wakati, Mzimu Mutuŵa wakuyowoya, “Mu mazuŵa ghaumaliro iwo ŵazamkufumako ku Chipulikano na kutegherezga ku mizimu yakunyenga.” Ili likayowoyaso, Mzimu Mutuŵa kuyowoyanga: “Kuti mu mazuŵa ghaumaliro iwo ŵazamkuŵa ŵakujitunthumuska, ŵamalinaliro ghakujikwezga.” Ŵakutinkha: “Watumbikike Chiuta, iwe ndiwe withu, panji para zina lako mulije mu buku lithu, iwe ndiwe wakutayika.” Hmm. Kutinkha! Ukazuzi! Hmm. Ine nkhuomezga kuti nkhumupwetekani yayi, ine nkhuomezga kuti nkhuuchita chiweme. Twakutinkha, tuyuni tukazuzi, iyo wakatumajira mu mphanji.

210 Kumbukirani, Chiuta ndi Nombo. Iyo wakajichema Iyomwene Nombo. Ndipo Iyo wakamuchema Jacob nombo. Ndipo ise ndise ŵana ŵa nombo Ŵake. Amen. Iyo wakachema ŵapofeti Ŵake “nombo.” Ndipo mungelo uyu wakiza kuzakavumbura na kuŵachema kuti ŵafumeko!

211 Ngati uthenga wane uchoko pa *Nombo Yikupasura Chivwimbo Chake*. Nombo yichoko yakale yira yakhala yikurondezga nkhuuku yira kuzingiliranga mu baraza nyengo yose, kuguskanga, kweni iyo yikaryanga yayi vinthu vira ivyo iyo yikaŵa navyo, vyamagulu, na ŵanakazi ŵakupenta kumaso, sisi lakudumura, na ŵakabunthu. Iyo yikachitanga yayi icho.

Kweni iyi yikamanya chinyake yayi kweni kuguska kwa nkuku yilara yira. Kweni dazi limoza nombo mama wakamusanga iyo. Iyo wakachemerezga, kumuchemanga iyo wafumepo, wakati, “Wamwana, iwe ndiwe yumoza wa iwo yayi. Fumako kwa iyo!”

Wakati, “Amama, kasi ine nichite vichi?”

²¹² Wakati, “Khupura mapapindo ghako ndipo unyamuke.” Kuduka kwakudankha, uyu wakafika pa mzati, nkhanira mkatikati mwa bungwe. Wakati, “Wamwana, iwe ukwenera kuti ukwerere pachanya kuruska apo panji ine nikukorenge yayi iwe. Ukwenera kuti ufumiskepo marundi ghako pasi.” Iyo warutenge nayo pa denge. Iyo wakawona kuti iyo wakamanya kuwuruka. Iyo wakiza kuzakamuchema iyo wafumepo. Uwo mbunenesko.

²¹³ Kweni Mama Babulone uyu wakajikorera iyomwene gulu la nkuku, tunkuku twakuchenjera, twakujipenta, sisi lakudumura, kujichema iwoŵene “Wakristu.” Iyo wali na mphanji yakuzura iwo. Imwe wapharazgi imwe mukuyimirira pa gome ndipo mukuzomerezga wanakazi wara kurutiriranga na icho, soni kwa imwe, kuti mupange bungwe linu liwe na wanandi. Chiuta wazamkumufumbani icho pa woko linu. Fumanimo mu ili! “Mberere Zane zikupulika Lizgu Lane.” Mphanji ya wakutinkha, wakujitunthumuska, wamalingaliro ghakujikwezga, wakutemwa vyakusekereska kuruska kutemwa Chiuta, wakukhumba kuwa ngati wa charu kuruska kuwa ngati Khristu. Para imwe mukuwona mwanakazi wali na vinandi vyakujiphodaphoda, ichi chikuwoneska kuti mulije kalikose mkati mwake. Iyo ndi mutesi mkati. Uwo mbunenesko nadi. Usange mwanakazi. . . Ine nkhwona yumoza dazi linyake, na sisi lagirini, uwo mbunenesko, na vinthu vyose vya girini vira mu maso ghawo.

²¹⁴ Sono, usange imwe—usange—usange imwe mukaŵavye sisi lirilose, ndipo—ndipo imwe mukakhumbanga kuti muvware sisi linyake, ichi mbwenu chiwenge makora, kweni, vwaraniko ilo likuwoneka ngati munthu. Ndipo usange imwe mukaŵavye vikhadabu vya njoŵe, ndipo—ndipo imwe mukakhumbanga kuti musange vikhadabu vinyake vya njoŵe, ntha mungatoranga vira ngati makantha gha ntchunga, torani—torani vikhadabu vyeneko vya njoŵe. Usange imwe mulije chirichose cha vinthu ivi, ichi chiri makora. Usange imwe mulije mino, jisangireni ghanyake usange iwo wangamupangirani ghanyake imwe, torani igho. Kweni ntha mungakhuranga mino ghinu ghakuperekeka na Chiuta chifukwa chakuti igho ngakubendera pachoko, ndipo igho ndi mino ghaweme, kuti mutore ghanyake. Kudaya yayi sisi linu, panji chinyake, na kuwoneka ngati chinyake icho chapangika kufumira ku dongo kumalo kunyake. Ntha. . . Usange iwe ulije mtundu, ndipo iwe ukukhumba kuti ujipange wamwene kuwoneka ngati kuti uli nawo mtundu, ichi chiri makora, ine nkhwalingalira. Kweni ntha ukajipanganga

wamwene kuwoneka ngati Yezebeli, ngati balani kumalo kunyake ilo wakulipenta.

²¹⁵ Ndipo imwe wabale wa Pentekosite, mukuzomerezga wanakazi wara kudumuranga sisi lawo, penepapo Baibolo likati uwo ndi uchindami wake! Ndipo ntchakwenerera yayi kwa iyo kuti wapemphere na sisi lake ngati ntheura. Ndipo kweni mukumuzomerezga iyo wafike pa gome na kupharazga Ivangeli, kwimba mu kwayara, kusambizga Sande sukulu. Soni kwa iwe! Iwe ukwenera kuchita soni wamwene. Ntchifukwa uli ine nkhususka bungwe? Imwe mukughanaghana kuti ine ningasekerera ku chinyake ngati icho? Ine nkhumanya chifukwa icho iwe ukuchitira ichi, m'bale. Iwe ukumanya makora, kweni usange iwe ungasambizga kususka icho, iwe wakusinthenge urute ku hedikota, ndipo iwo wakusezgenge iwe. Watumbikike Chiuta chifukwa cha chikanga chako usange iwe uchitenge ichi. Uwo mbunenesko. Chiuta wakuchindikenge iwe.

²¹⁶ Kasi mungelo uyu wakayowoya vichi? “Fumaniko kwa iyo!” Enya, bwana. Mungelo uyu wakiza ku charu chapasi, ndipo iyo wakiza kuzakapereka Kungweruka, ndipo iyo wakaponya Kungweruka charu zingirizge. Iyo wakawa mungelo mukuru. Ndipo iyo wakiza kuzakapharazga Uthenga wakuti “Fumanimo mu Babulone! Rekani kukhwaska vinthu vyake vyaukazuzi!”

²¹⁷ Wali na mphanji yose yakuzura na ivi. Wakati, “Iyo ndi mphanji ya kayuni kalikose kakutinkha.” Enya, iyo wali na mphanji yakuzura na iyi sono, Mphara ya Mipingo ya Charu, panji malozi. Iyo wali na gulu lose lakujalirika mu mphanji sono, iwo wose wakwiza pamoza. Iyo wazgoka mphanji, viri makora, yakuzura na tuyuni twakutinkha. Uwo mbunenesko. Uzakayezge kuyowoya kwa yumoza wa iwo nyengo yimoza, yezga waka ichi, mnyamata, wamahara mu vinjeru vya charu, kweni ntha wakumanya kalikose za Chiuta kuruska umo kalulu wakumanyira za skapato zakwendera mu chiwuvi. Uwo mbunenesko. Mbwenu, ndicho waka ichi, wonani, chekha iwo wakumanya ndi vinjeru vinyake iwo wangamanya kuwikapo *ichi* na kuchita *icho* mwenemula. Kweni para ichi chafika pa kumumanya Iyo? Huh! Enya, wali kukorekera mu mphanji yake na chisambizgo chake cha munthu. Mipingo ya protestant yikayamba chimozimozi, yazgoka wana wake wanakazi, chikapangiska ichi ndi pakuchita kukana Mazgu gha Chiuta. Uwu ukuchita icho. Uwu ukughakana Mazgu. Ndipo para imwe mwazomera chinthu chinyake m'malo mwa Mazgu, imwe mwachikana Ichi mwaŵene. Ndipo para imwe mwajoyina umoza wa iyi, imwe ndikokuti mwakana Mazgu. Chiuta ntha wakukhumba kuti imwe muŵenge mwantheura umo, mulije malo gha ichi mu Malemba.

²¹⁸ Wonani, uyu ndi mungelo wa Kuwara, kumbukirani, mungelo waumaliro, ndi mungelo mu muwiro wa mpingo ku Laodikeya. Ndi thenga la ku Laodikeya, uyo, ndi waumaliro,

chifukwa chipatulo chakurondezgako ndi chipatulo 19, cheneicho ndi Mkwatibwi uyo wakwiza. Ndipo uyu ndi, mu Malemba, mungelo waumaliro uyo wakiza kuzakapereka Kuwara pambere wandafike Mkwatibwi kuruta kukakumana na Khristu. Ukaŵa Muwiro wa Mpingo wa Laodikeya, nyengo yira. Kasi thenga la Muwiro wa Mpingo wa Laodikeya wakaŵa njani? Kuwachemanga iwo wafumemo mu Babulone! Lawiskani! Mipingo yakoreka mu mphanji yake pamoza na iyo, na visambizgo vyake vya munthu, kughakana Mazgu na kuzomeranga visambizgo vya wanthu. Uyu ndi mungelo wa Kuwara ku mpingo wa Laodikeya uwo ukakana Khristu na Mazgu Ghake, chifukwa cha chisambizgo cha munthu, ndipo ukamuwika Iyo kuwaro. Ndipo Iyo wakayimirira pa muryango, kukhung'uskanga, kuyezganga kuti wanjire. [M'bale Branham wakutimba pa gome—Munozgi] Mukuwona? Muwiro wa mpingo ukamukana Khristu, ndipo Khristu ndi Mazgu, ndipo ukaghakana Agha, ndipo Iyo wakaŵa kuwaro. Muwiro wa mpingo umozza pera kuti ise tiri na Khristu kuwaro, kukhung'uskanga, kuyezganga kuti wanjire. [M'bale Branham wakutimba pa gome.] Ndipo Uthenga wa mungelo uyu, thenga likufuma kwa Chiuta, wakapharazganga Uthenga wake pa charu chapasi, kuti “Fumanimo mu Babulone! Fumanimo mu mabungwe!” Mzimu Mutuwa muhanyauno, kuwonekera kwa Mzimu Mutuwa ndi mungelo yura kuyezganga kuwatorera wanthu ku Mazgu, chifukwa Mzimu Mutuwa wakhozgerenge Mazgu pera. Uwu ungakhozgera visambizgo vya wanthu yayi, mulije umoyo mu ivi. Iyo ndi Umoyo. Wonani, Muwiro wa Mpingo wa Laodikeya ukamukana Iyo, ukamukana Iyo, ndipo iwo wakamuwika Iyo kuwaro.

²¹⁹ Wonani, mungelo uyu ndi thenga laumaliro pambere kundachitike kwiza kwa Khristu mu chipatulo 19 cha Chivumbuzi. Lizgu la thenga! Usange ise tikuwona, para iyo wakati wapereka Lizgu lake pa charu chapasi, kukaŵaso Lizgu likawerezgapo Kuchanya, vesi 4, usange imwe mukukhumba kuti muwazge ichi, viri makora, vesi 4, chipatulo 19. Thenga ili pa charu chapasi likatemwereka chomene na Chiuta mpaka, para iyo wakati wayowoya ichi pa charu chapasi, Chiuta wakawerezgapo chinthu chenechira Kuchanya. Kasi kutanthauzira kwa vesi 4 kula ndi vichi? Kasi ili likung'anamura vichi? Lizgu la Chiuta kuyowoyanga ku wanthu Wake wakusankhikirathu, kuti, “Fumaniko kwa iyo!” Nkhanira ndendende icho Lizgu likaŵa! Iyo wali na wanthu kuwaro kose kula mwenemula, wose kuwaro mu Babulone. “Fumaniko kwa iyo, mwakuti imwe mureke kuwa wakusangana na zakwananga zake,” enya, bwana, kuwaro kwa chisambizgo chira cha munthu na vigomezgo, kuruta ku Mazgu ghakuzgoka Mzimu na Umoyo. Amen.

²²⁰ Wonani, chipatulo 19 ndi chakurondezgako, “Pamanyuma

pa vinthu ivi.” Kasi imwe mwanguwona umu mu chipatulo 19, “Pamanyuma pa vinthu ivi”? Tiwone vichi? Pamanyuma pa vichi? Pamanyuma pa Uthenga wa “Fumaniko kwa iyo!” “Pamanyuma pa vinthu ivi,” wonani, “ndi kuchemerezga kwa wātūwā wā Mkwatibwi, na Mwenenthengwa, wākuruta ku Ukwati wa Mwanamberere.” Kasi ise tiri kufupi uli nthaura, m’bale? Kasi ntchemo yaumaliro ndi vichi? “Fumanimo mu Babulone!”

²²¹ Sono, wābale wāne, ndicho chifukwa ine nkhususkira ichi. Ichi ntcha m’malemba yayi. Ichi ntchambura kuzomerezgeka. Ichi chiri kusimikizgika kuti ntchautesi. Chiuta ntha wali mu ichi, Iyo wakaŵamo yayi, Iyo wazamkuŵamo yayi. Sono, ine ntha nkhuoyoya kuti mulije wanthu mu mabungwe agha, kula ndiko mpingo ukapangikira. Kweni, malinga imwe mukukhala mu ndondomeko yira, imwe ndimwe gawo la ili.

²²² Usange ine nkukhala mu United States, ine ndine mwina America. Malinga ine ndine mwenekokaya panji membara wa United States uyu, ine ndine gawo la uyu. Usange ine ndaruta ku Germany ndipo naukana umembara wane uku, panji umwenekokaya wane, ine nkutora umwenekokaya mu Germany, Ine ndineso mwina America yayi, ine ndine mu German. Ndipo usange ine ndaruta ku Japan, panji kulikose, Russia, ine nkhuzyoka mwenekokaya kwenekula.

²²³ Ndipo para imwe mwajoyina mwenekokaya... ndondomeko, na kuzgoka mwenekokaya wa ndondomeko yira, imwe mukuwoneska icho imwe muli. Ndipo mu mazuwā ghaumaliro agha, Chiuta wakuchema wanthu wafumemo mu ichi. Baibolo likayowoya nthaura, “Fumaniko kwa iyo, mwakuti imwe mureke kuwā wākusangana na iyo, ndipo Ine ndimupokerereninge. Ntha mungakhwaskanga vinthu vyake vyaukazuzi, wonani, ndipo Ine ndimupokerereninge. Ndipo imwe muwenge wana wānarumi na wana wānakazi kwa Ine, ndipo Ine ndiwenge Chiuta kwa imwe.” Mukuwona?

²²⁴ Ndicho chifukwa ine ndayowoya kususka mpingo, a—loji. Ine ntha ningauchema uwu kuti mpingo. Kuli Mpingo umoza pera, uwo ndi Mpingo wa Thupi la Khristu. Kweni malozi agha agho ghakuchemeka “mpingo,” Baibolo lane likundiphalira ine kuti igho ndi mazina gha vitusi, igho ghose, mabungwe ghose. Kasi igho ghakutuka vichi? *Kutuka* ndi “kuwā wakusuka,” panji, “kuyowoya mwakusuka.” Para Chiuta wakuti, “Zaninge mubabikeso,” ndipo iwo wākuti, “Zaninge mujoyine.” Mukuwona? Para maubapatizo gha Mzimu ghatora ulamuliro mwautesi kuwā chibama mu mpingo wa Katolika, kukorako chasa mu mpingo wa Protestant, na kujijirika mu mpingo wa Pentekosite, m’malo mwa Munthu Khristu kwizanga na nyumba yose yira ya piramidi iyo ise tikaŵa nayo dazi linyake.

225 “Sazganiko ku chipulikano chinu, kazirwiro,” na vinyake ntheura, vyose ivi mu 1 Petros, 1 . . . 2 Petros, ine nkugomezga, chipatulo 1, uko vyose ivi vikusazgika ku chipulikano chinu, vinthu vyose ivi, uchiuta, na utozgi, na utuŵa, na chirichose, ndipo pamanyuma imwe mukudidimizgika na Mzimu Mutuŵa.

226 Kweni ichi chiri ngati waka munyake uyo iwo . . . ŵanthu ŵakuyowoya kuti ŵali nacho ichi penepapo iwo ŵaliye, chifukwa iwo ŵali kusambizgika mwautesi. Ŵa Methodist ŵakuŵa na kapulikiro kachilendo, kale ŵakachitanga, na chasa pachoko, panji—panji kuvina mu Mzimu. Ŵa Pentekosite ŵakuyowoya malilime, panji—panji kuchita chinyake mwakujjirika. Ine nkugomezga vinthu ivyo, nadi, kweni vinthu ivyo kwambura vinyake ivi ndi viweme yayi.

227 Umo ine nkhayoyera dazi linyake, ichi chiri ngati nkukundembwe . . . panji kayuni kafipa kuyezganga kuŵika mahungwa gha nkukundembwe mwa ikokekha, panji chabaŵi kuyezganga kugwiriska ntchito mahungwa gha nkunda. Igho ghakamera mula yayi, iyo wakajisomeka agha iyoyekha. Igho ngakuchita kupanda, igho ndi bungwe. Kweni para Chiuta waŵikamo chinyake mwenemula, ichi ntcha chilengedwe. Iwe ukujipanga wamwene kuyowoya kuti, “Ine nkahajoyina mpingo usiku wamara. Ine ningarutirira yayi, ine nimwengeso yayi, ine nichitengeso yayi *ichi*. Ine nkahajoyina mpingo.” Wonani, iwe ukuyezga kuŵika mahungwa gha nkukundembwe mu thupi lako la chabaŵi. Uwo mbunenesko. Mukuwona? Mukuwona? Iwe ukwenera kuti ubabikeso! Iwe ukwenera kuti upokere Khristu. Ndipo para iwe wapokera Khristu, iwe ungamupokerera yayi Khristu kwambura kupokerera Mazgu Ghake, chifukwa Iyo ndi Mazgu. Ndipo para iwe uli na kawonekero ka uchiuta, ndipo ukukana Icho, ntheura ine nkuzizwa. Mukuwona? Ndipo iwe ungamanya kuŵa ndithu mu mabungwe ghose agho iwe ukukhumba kuŵamo na kuŵa na mawonekero gha uchiuta, ndipo kweni nthu kuŵa nawo Uwu.

228 Sono, apo imwe muli, ŵabwezi. Apo pali chinthu chose. Chiuta wamutumbikeni imwe. Chiuta wamovwireni imwe. Ine nthu nkuyowoya ichi kuŵa wapadera. Ine nkujirongosora ndamwene. Agha pakuŵa ndi mazuŵa gha mugwirizano, ine nthu nkuzomerezga mugwirizano wa mtende na ŵapharazgi ŵinu, napachoko pose, ine nkughanaghana kuti imwe mukwenera kuti mwize muzomerezgane na ine; nthu na ine, kweni na Chiuta, Mazgu. Uwo mbunenesko. Uwo mbunenesko. Yowoyani icho Baibolo likuyowoya, yowoyani Ichi umo Ili likuyowoyera Ichi. Chifukwa Baibolo likati, “Ndinjani wafumiskengeko panji kusazgako ku lenelira.” Ndipo imwe wonani, bungwe nthu liri m’malemba, ndipo para imwe wapokera chisambizgo chakudankha cha munthu imwe panyake mungamanya kuruta waka ulendo wose kumanyuma, chifukwa chakuti imwe mwajumphu mzere nkhanira apo.

Para imwe mwafikaso ku kubabika kuphya, ntheura imwe muyendenge kunjira mu Malemba.

229 Ndipo imwe munjire mu bungwe, iwo wákuti, “Ine nkhumanya, ise ntha tikugomezga mu *Ichi*. Mabishopu ghithu mu mpingo withu ghakusambizga kuti ise ndise umoza wa mipingo yakale chomene. Ise ntha tikusambizga...” Ine nkhpwerera yayi icho iwo wákusambizga yayi. Usange Baibolo likusambizga ichi, Mzimu Mutuwa mwa imwe Uwu uryenge Mazgu. Paliye kanthu kwali munthu ngwamahara uli na umo iyo wangayezgera kuchefya kazirwiro ku Ichi, iwo wángamanya kuchefya kazirwiro. Wambura kugomezga wangamanya kutora Baibolo na kuchefya kazirwiro ka Chiuta kwa imwe.

230 Ipo, kulije munthu wali na mazaza kupharazga Ivangeli pekhapekha iyo wali kuwa, ngati Moses, kumanyuma kula pa michenga yakupatulika yira uko iyo na Chiuta yekha wakayimirira, mpaka munthu wababikeso ndipo wayimirira apo maso na maso na Chiuta, ndipo wakumanya. Kulije wambura kugomezga, kulije kumanya malingaliro, kulije kurongosora, kulije wakusambira mu charu wangamanya kufumiskapo nthowa Iyo kwa iwe. Iwe ukaŵako para ichi chikachitika! Enya, bwana. Iwe ukumanya icho chikachitika.

231 Pamanyuma iwe ukuti, “Ine nkhaŵa na chakundichitikira cha mtundu ula, ndipo ine ndiri na mzimu pa ine.” Ndipo usange uwu ukukana Mazgu munthowa yiriyose, iwe uli na mzimu uheni. Iwe ukuti, “Ine—ine ningazomerezga yayi chinthu ichi ngati Ichi. Ine nkhumanya, kweni mpingo withu...” Uh-uh, pali mzimu wakwanangika. Apo pali lusimbo lwako la kujimanyiska. Kayini, iwe wadindika. Enya, bwana.

232 Eva wakakayika waka Lizgu limoza lichoko; ntha vyose ivyo Chiuta wakayowoya, Lizgu waka limoza lichoko, ndipo ichi chikapangiska kupweteka mtima kulikose na kusweka mtima, na nyifwa, na kwananga, na mbembe, na chinyake chirichose, dindi lililose, ambulansi yiriyose iyo yikalira, chipatala chirichose chikazengekera warwari. Kukayikira kwake kumoza kuchoko pa Lizgu limoza la Chiuta, kukapangiska vyose ivi. Ndipo iyo wakachita chigoloro, penepapo ichi chikayenera kuti nthena chikachitika yayi. Kasi iwe unjirenge uli, kukayikanga Lizgu limoza la Ichi? Ukuti, “Ine nkhumanya Ili likuyowoya *Icho*, kweni Ili...” Ili likung’anamura waka *Icho*!

233 Sono wonani. Chiuta wakwenera kuti wayeruzge charu pakugwiriska ntchito chinyake. Imwe mungaŵa yayi na cheruzgo pekhapekha imwe chakudankha muŵe na dango. Pakwenera kuti chiŵeko chinyake, iwe ukwenera kuti unange chinyake mwakuti iwe uyeruzgike. Mukuwona? Ndipo ntheura chingaŵapo yayi cheruzgo, chiweme, kwambura chilango. Sono, wonani, imwe mungaŵa yayi na dango mu tawuni ilo likuti “kulipira fayivi dolazi chifukwa cha kujumpha gesi liswesi,”

ndipo dango lakurondezgako likuti “yayi, iyo wangamanya kuruta kwaulere.” Wonani, imwe mungachita yayi icho. Ntheura pangawa yayi marango ghawiri pa nyengo yimoza. Ndipo pali dango limoza, Chiuta yumoza, Buku limoza, Khristu yumoza. Mbweni kwamara. Chipulikano chimoza, chigomezgo chimoza. Mbweni kwamara. Ilo ndi Baibolo, Khristu.

²³⁴ Wonani sono, mu ichi, usange pawenge chinyake chakusazgikako ku Ili, ichi chikwenera kuti chisazgikengeko na munthu. Ichi chingawa chinyake yayi kuruska . . .

²³⁵ Ndipo usange Chiuta wazamkweruzga charu pakugwiriska ntchito mpingo, umo Katolika wakuyowoyera, ipo kasi ndi mpingo ngu wa Katolika uwo Iyo wazamkweruzgira ichi? Pali yinandi ya iyo; kuli umoza, wa Chiroma; umoza, wa Chigiriki; ndipo, o, kuli mitundu yose yakupambanapambana. Kasi ndi mpingo ngu wa Katolika uwo Iyo wazamkuyeruzgira ichi? Panji, panyake Iyo wazamkweruzga ichi pakugwiriska ntchito wa Lutera? Enya, ntheura, ndipo panyake Iyo wazamkweruzga ichi pakugwiriska ntchito wa Prezibetere? Mukuwona? Kasi Iyo wazamuchita vichi? Iyo nthu wazamkweruzga ichi pakugwiriska ntchito mpingo. Iyo wazamkweruzga ichi pakugwiriska ntchito Mazgu Ghake. Enya, ntheura, Iyo nthu . . .

²³⁶ Wonani, Iyo wanasunga yayi gulu la wanthu, umo mboniwoni ya mlongosi usiku unyake, Mzimu Mutuwa wakiza, Uwu ukanjira kuporota nkhanira kabokosi kala. Nadi, kulije chingaukanizga Uwu. Ndi munthu payekha. Uli kuperekeka kuti utozge mpingo, kweni uwu ungaukanizga yayi Uwu. Kulije bungwe lingaukanizga Uwu. Mbweni kwamara. Ili lingachita yayi ichi. Imwe muli na chirichose mwenemula, ndipo imwe mungachita yayi ichi. Bungwe lingachita yayi ichi. Kweni ndi munthu payekha uyo wali na Mzimu Mutuwa. Sono wonani.

²³⁷ Ntheura usange Chiuta wazamkweruzga charu pakugwiriska ntchito Mazgu Ghake, ipo Iyo nadi waghapwererera Agha na kughasunga Agha mu kawiro kaweme. Panji, usange Igho ghose ghakatimbanizgika, kasi Iyo waperekenge uli cheruzgo? Mukuwona? Ichi chikwenera kuti chiwe chinthu chinyake. Ndipo Iyo nthu wakati, “Uyo yose, mwa mpingo.” Iyo wakati, “Uyo yose wazamkuwuskako Lizgu limoza kufuma ku Ili, panji kusazgako lizgu limoza ku Ili, mweneyura wazamkufumiskikamo (gawo lake) kufuma mu Buku la Umoyo.” Ntheura, kwa ine, ndi Chiuta, Mazgu Ghake na cheruzgo. Sono, usange ine nkhuweruzga na kughazomera Mazgu, na kuwona kuti Khristu wakandifwira ine, ntheura ine ndirombenge Umoyo Wake kuti unjire mwa ine na kundirongozga ine. Ndipo usange Umoyo Wake ndi Mazgu, ndipo Iyo wakalemba Mazgu, kasi Umoyo Wake uwenge uli mwa ine, ndipo ine kuyowoyanga kuti ndiri na Mzimu Mutuwa, ndipo nkhusazgako chisambizgo cha munthu m'malo mwa Mazgu? Ichi chigwirenge ntchito yayi. Kasi ine nisazgengeko uli bungwe penepapo Iyo wakusuka

ichi, ndipo wasimikizgira ichi, ndipo wawoneska ichi kwizira mu mudauko, kuti nyengo yiriyose para iwo wakupanga bungwe iwo wakufwa, ku uzimu? O, iwo wakwandaniska mamembara, nadi. Icho ntchiweme. Iwo wakwandaniska mamembara. Kweni, ku uzimu, iwo wakuruta kulikose yayi. Mundiwoneske ine, mundiphaliwe ine mu mudauko uko mpingo uwo... Para uwu ukati wapanga bungwe, uwu ukafwira nkhanira penepapo, Mzimu Mutuwa ukaureka uwu. Kulijeso minthondwe na vimanyikwiro, ndipo uwu ukanjira waka mu nthimbanizgo.

238 Icho ndendende ndicho chikachitika ku mipingo yithu ya Pentekosite. Iwo wakachita ndendende icho mama wawo wakachita. Pa chiyambi, iwo wakafuma, wanthu awo wakakana mabungwe. Sono, wabale wanyake imwe mukutegherezga ku tepi iyi, wanyake wanarumi walara imwe, mukumanya kuti virimika vyajumpha, virimika fote, fifite vyajumpha, usange iwo wakamuyowoyeskani imwe za bungwe, imwe nthena mukayowoya kuti kuka wa kutuka. Kweni muhanyauno imwe muli mu chinthu icho imwe mukaghanaghana kuti kuka wa kutuka. Mwa wanakazi imwe mukudumura sisi linu na kuphoda nkhope zinu, amama wunu wakasuskanga icho, muweme yura—mutuwa muweme wakale wa chipentekosite. Kasi ntchichi chikachitika kwa imwe? Paulos wakati, “Imwe mukachimbira makora, kasi ntchivichi chikamujandani imwe?” Mukuwona? Kale imwe muka wa wanangwa ku vinthu vira, kweni imwe mukakhumbanga ku wa ngati wanyake wose wa iwo.

239 Ndendende icho Samuel wakayowoya. Israel waka wa na Fumu, ndipo yura waka wa Chiuta. Ndipo iwo wakati, “Samuel, iwe ukuchekura. Utipe fumu ise, ise tikukhumba kuti tiwe ngati wanyake wose wa charu. Ise tikukhumba kuti tiwe ngati mafuko ghanyake. Ise tikukhumba fumu kuti yirutenge nase ku nkondo, ise tikukhumba fumu iyo yingatirwera nkondo zithu.” Ndipo ichi chikamukwenyerezga Samuel.

240 Iyo wakati, “Kasi ine ndiri kutorako chirichose kwa imwe? Kasi ine ndiri kutorako ndalama zinu kwa imwe? Kasi ine ndiri kumupemphanipo nkhabako panji chinyake? Kasi ine ndiri kumupemphanipo chirichose?”

Iwo wakati, “Yayi. Iwe ukatipemphapo kalikose yayi ise.”

241 Panji wakuti, “Kasi ine ndiri kuyowoyapo chirichose kwa imwe mu Zina la Fumu kweni icho chikakwaniriskika?” Ndi unesko uwo? Iyo wakati, “Ntheura kuyipokerera yayi fumu iyo, chifukwa ichi chizamung’anamura nthimbanizgo kwa imwe.”

242 Sono ine nkukhumba kuti ndimufumbeni chinyake imwe, Branham Tabernacle. Imwe mukurazga ku ku wa wanandi mu kachisi sono. Ine panyake ndifumengepo pa kanyengo. Ine panyake ndirutenge kumalo kunyake. Ntchinonono kuyowoya uko Fumu yindichemerenge ine; panyake kufumapo pa

malo, panyake kuwerera ku malo ghauteŵeti, panyake Iyo wanichemerenge ine mu mapopa. Ine nkhumanya yayi uko Iyo wandichemerenge mpaka Yesu wafike. Ine nkhuKhumba kuti ndimufumbeni chinyake imwe. Kasi ine nkhamupemphanipo chirichose imwe? [Gulu likuti, “Yayi.”—Munozgi] Kasi ine nkhamupemphanipo ndalama imwe? [“Yayi.”] Kasi ine nkhamuphaliranipo chinyake, pa masauzandi gha vinthu ivyo ine ndiri kumuphalirani mu Zina la Fumu, kweni, kasi ichi chikakwaniriskika yayi? [“Amen.”] Ipo kujoyinanga bungwe yayi. Ichi ntchakususkana na Mazgu gha Chiuta. Fumanimo mu ili usange imwe muli mu ili, ndipo patukaniko ndipo pokerani Mazgu gha Fumu.

Tiyeni tisindamiske mitu yithu.

²⁴³ Chiuta mukuru wa ŵapofeti, Chiuta wa Abraham, Isaac, na wa Israel, sazganiko kazirwiro, Fumu, ku Uthenga uchoko uwu wakudumukadumuka weneuwo uli kuŵa pa mtima wane kwa nyengo yitali, kuti urute ku ŵabale ŵane. Ŵanandi ŵa iwo kuwaro kula, Fumu, ŵali na lingaliro lakwanangika za ine. Iwo ŵakughanaghana kuti ine nkhuKhumba kuŵa wapadera. Iwo ŵakughanaghana kuti ine nkhuyezga kuŵa wakumanya vyose. Iwo ŵali kuŵaphalira ŵanthu kuti ine nkhipuruska ŵanthu, chomenechomene pa visambizgo vyantheura ngati *ubapatizo wa maji* mu Zina la Fumu Yesu, na vya *mbewu ya serepente, muzaghali mukuru*, na mu matepi ghanandi agho ghakaruta kuwaro na kalikose yayi kweni Unenesko wambura kusakanikirana. Ndipo ine ndiri kuŵafumba iwo, “Mwaŵanji ŵa imwe mwize ndipo mudiwoneske ine uko ine nkhuNanga, panji kureka kugomezga panji kutanthauzira Mazgu mwaujira.” Ndipo paliye wali kwiza. Ine nkhumurombani Imwe, Ŵadada, zomezgani ŵanthu aŵa ŵamanye kuti iwo ŵakuphonya ora. Iwo ŵalindizgenge mpaka nyengo yimarengwe, usange iwo ŵakuwoneseska yayi. Nkhuromba iwo, waliyose . . .

²⁴⁴ Fumu, ine ndiri na chisimikizgo cha ichi, mtima wane mbwenu uswekenge usange Lemba ili nthā likaŵa leneko kwa ine, para Imwe mukati, “Wose awo Ŵadada ŵali kundipa Ine, ŵizenge. Mberere Zane zikupulika Lizgu Lane.” Ntheura, Fumu, ine nkhusachizga kuti Ufumu uli ngati ndiumo Imwe mukayowoyera, ine nkhumanya ichi chiriko, ichi chiri ngati munthu uyo wakatora chirepa ndipo wakaruta ku nyanja, wakaponya chirepa ndipo wakaguza mtundu uliwose. Mula mukaŵa, kwambura nkhuYiko, somba izo zikurya zinyake, mukaŵa ŵafulu, ŵaduŵeruŵe ŵa m’ maji, njoka, chirichose icho chirepa cha Ivangeli chikakora. Kweni paumaliro, pachoko na pachoko, nkhuYi yikawerera mu maji kamosaso, fulu wakawerera, njoka yikalira ndipo yikawerera ku khululu la matope, ngati ntcheŵe ku maukuzi ghake panji nkhuMba ku kuvivira kwake. Kweni mukaŵa somba zeneko mula, Fumu. Ndipo ine ndiri na chipembuzgo ichi, cha kumanyanga, kuti

nanga ndi pambere chirepa chikaŵa chndaponyeke pa izi, izi zikaŵa kale somba. Izi zikababika, somba zakusankhikirathu. Ndipo nthaura ndimo chiliri chirepa cha Ivangeli icho chikukora mu visisimuso. Imwe mukuŵamanya Ŵinu Mwaŵene. Chinthu chimoza pera ine ndamkuzgorapo, Ŵadada, umo ine nkhumanyira, ndi kukhala muneneska ku Mazgu agha. Imwe ndimwe Mweneuyo mukugamura kasi ichi ntchichi. Ndipo ine nkhumanya kuti vingachitika yayi kuti fulu wazgoke somba, ntheuraso mwanarumi panji munthu, uyo wali na makutu ghakumang'wa ku Ivangeli, wangamanya kupulikiska Unenesko. Pakuti Ŵadada ŵali kuchiwonerathu ichi, ndipo Imwe muli kulayizga kuti wose awo Iyo wapereka kwa Imwe ŵati ŵafikenge.

²⁴⁵ Ŵadada Ŵakuchanya, ine nkhumurombani Imwe kuti munthu waliyose uyo wakupulika Uthenga uchoko uwu, kuti Kuŵara uko uwu wapharazgikiramo, na ching'anamuro icho ine ndiri nacho mu mtima wane pa munthu munyane, ŵanthu awo Imwe mukafwira. . . Ndipo ŵanarumi, ŵanji ŵa iwo kuwaro kula, Fumu, ngati mu gulu la Kora, ŵanarumi ŵeneko, ŵakarongozgeka mwakupuruskika, na chakufukizgira chituŵa mu woko lawo, kweni ŵakaparanika. Chifukwa, iwo nthu ŵakazomerezga nanga ndi chakufukizgira cha moto chinjire mkati pamoza na iwo; ŵana ŵa Aaron, Eleazar, ŵakenera kuti wawunganiske ichi. Ndipo iwo ŵakapanga chisalu cha pa guwa kufumira ku maketulo ghara, chiskango, kuti ŵawoneske, na kuti chiŵe chikumbusko cha chinthu chakofya chira, kuti Kora wakayeza kupanga gulu la ŵanthu kususkana na tenga la Chiuta. Chikhale kutali ichi na ise, Fumu, Nkhuromba Mzimu Mutuŵa nyengo zose wativikilirenge ise.

²⁴⁶ Ise tikumuwongani Imwe, Fumu, kuti mpingo withu uchoko, malo ghachoko ghakupatulika agha. Virimika vinandi vyajumpha, virimika sate chakuti, ine nkhwagwada mu chiziŵa pano chakuzura na uteka na chinyezi, ndipo ise tikapatulira malo agha kwa Imwe, nyumba yichoko iyi. Ndipo uko mu kona la kachisi yura muli mboniwoni yira. Iyo yikakwaniriskika ndendende. Wachali penepara. Iwo ŵazamkubwangandulira pasi yayi uyu, Fumu, iwo ŵazamkuchita waka. . . uyu wakuchekura, ndipo iwo ŵamusungilirenge waka uyu pa kuchita kuŵikapo munyake pachanya pa uyu. Chiuta, zomerezgani kuti Ivangeli ili la golide ilo lajambulika mu mapeji muno, nkhuromba Ili lingafumangamo yayi mu mpingo uchoko uwu mpaka Khristu wafike. Mphanyi membara waliyose, membara waliyose wa Thupi la Khristu, iwo ŵakwiza kuno kufuma charu chose na charu zingirizge, mphanyi waliyose wa iwo wapokere Kuŵara, Ivangeli, na kwenda mu Uku pamanyuma na kumupokera Khristu.

²⁴⁷ Ndipo mphanyi ichi chaŵa chenekocheneko chomene mwakuti Mazgu Ghake ghakwaniriskike, "Milimo iyo Ine

nkhuchita, iwo wazamkuchita nawoso. Iyo mweneuyo wakupulika Mazgu Ghane, na kugomezga pa Iyo mweneuyo wakandituma Ine, wali na Umoyo Wamuyirayira.” Ndipo para Umoyo Wamuyirayira wafika, iwo wakubabikira Kuchanya, ndipo milimo yakufuma kwa Chiuta yikujiwoneskera iyoyene, chifukwa ndi Umoyo weneula uwo ukawa mwa Iyo. Uwu ungachita chinyake chirichose yayi.

²⁴⁸ Ntheura, Wadada, kuzomerezga yayi mpingo uwu uyegamire ulendo wawo Wamuyirayira pa kugirigiska, pa bungwe, pa chirichose chakuperevera kuruska Khristu Iyomwene kukhalanga mwa iwo, kukhozgeranga Mazgu Ghake kwizira mwa iwo na phangano Lake. Nkhuromba, kufumira ku mwana muchoko chomene muno usiku uwu, kufika ku munthu mulara chomene, wapokere chakumuchitikira ichi. Ndipo mphanyi mwanarumi waliyose panji mwanakazi, mnyamata panji msungwana, uyo wakupulika tepi iyi, mphanyi ichi chiwe ntheura na iwo, Fumu, ndipo muwape kapulikiskiro kakuti ine nkhuvezga waka kuwachenjezga na kuwachema wafumemo, pakuti ora ili lajumpha chomene kuruska umo ise tikughanaghanira.

²⁴⁹ Ndipo ise tikuwona Babulone, nyinawo muzaghali, na wana wake wanakazi wose wazaghali wakuwungana iwo wene pamoza. Chiuta, ise tikumanya kuti Lemba likuyowoya kuti duru mu munda wa tirigu lizamkudankha kukakika, mu mitolo. Ndipo iwo wajimanga mu mitolo, kujichemanga iwo wene mazina gha vitusi agho ntha ghakwenera kuwa gha kwa iwo, igho ntha ghakwenera kuwa gha Mpingo, mulimose; ndi maloji, ntha mipingo. Pali umoza pera wa iyo, Wadada, ndipo uwo ndi Umoza uwo Imwe mukafwira.

²⁵⁰ Ndipo ine nkhuromba Wadada, apo ise tikuwona yose yikumangika kunozgekera moto wa atomiki sonosono, ine nkhuromba, Fumu, kuti Imwe muzomerezege kuti tirigu wazure na kuwa muzitu. Perekani ichi, Fumu. Nkhuromba ise tikure na kupereka Kuwara, na kuwa ngati Yesu, “Usange Ine ntha nkhuchita vinthu ivyo Chiuta wakandituma kuti Ine ndichite, ipo Ine ndirije Umoyo mwa Ine. Kweni usange Chiuta wakuyowoya ndipo wakuwoneska Umoyo Wake, ipo Uwo ukujiyowoyera Iwowene.” Perekani ichi, Fumu. Ine nkhupepeka Uthenga uwu kwa Imwe, ndipo kuti Imwe muwupwererenge Uwu, ndipo utorere makhumi gha masauzandi, Fumu, panji, wana Winu wose wakusankhikirathu ku Ivangeli. Mwa Yesu Khristu, Uyo ndi Mazgu, mu Zina Lake ine nkhuromba. Amen.

Ine nkhumutemwa . . . , ine . . .
 Chifukwa . . . wakadankha kunditemwa ine
 Ndipo wakagura chiponosko chane
 Pa Mphinjika.

251 Ine nifumbenge fumbo. Kasi mbalinga usiku uwu mu gulu ili liri muno, la tchalitchi liweme likuru ili la wanthu, panji nyumba ya wanthu, mphanyiko, mu malo agha ghakusoperamo, awo wakugomezga na mtima wawo wose, umoyo winu ukulingana na chakukhumbikwira (imwe) cha Chiuta na Baibolo, ndipo imwe mukugomezga kuti, pa kuchita kulaŵiska pa umoyo winu mwaŵene, na kuwona umo Mzimu ukwendera mwa imwe, kuti uwu ukugomezga Lizgu lirilose umo Ili liri kulembekera, ndipo ukusungirira Ili? Kasi imwe mukugomezga Ichi? Chiuta wamutumbikeni imwe. Nkhuromba Iyo wasungirire Mzimu Wake pa imwe.

252 Ndipo kwa mubwezi wane pa tepi, ine nakhumbanga nthena iwe wangulaŵiska muno mu gulu ili usiku uwu, ine nkhusachizga pafupifupi nayinte pa handiredi wa wanthu wangukwezga muchanya mawoko ghawo, kuti iwo wakugomezga ndipo waliwona Baibolo, (nthā icho mpingo ukuyowoya) icho Baibolo likuyowoya, (nthā icho loji likuyowoya) icho Baibolo likuyowoya, ndipo iwo wakuwona Umoyo wa Khristu ukuŵariskika mu Ili.

253 Imwe mukumanya, mu nyengo zakale pambere iwo wandaŵe na wakunyengetura, a—wangwetura golide wakatemwanga kutchaya golide na nyondo. Ine nkhusachizga kuti imwe muli kupulikapo za ichi. Pambere uyu wandarute ku wakunyengetura, iwo wakamutchaya uyu. Ndipo golide ndi chinthu chizitu chomene, ndi muzitu kuruska muthovu. Ndipo nthaura ine ndiri kuchitapo pachoko vya kujima malibwe gha mtengo, ndipo iwe ungamanya kutapa michenga ya kukokoloka mu vipalamba, na kutikita woko lako pa mchenga, ndipo pamanyuma, “phuu,” kuphuta ngati *ntheura*, ndipo fuvu na chirichose viputirenge kutali, malibwe, kweni golide ndi muzitu chomene wakukhalirira penepapo. Ndipo pamanyuma para imwe mwatora golide yura, uyu wakumugadabulizga mu fuvu linandi mpaka uyu wakuphakara linandi chomene. Ndipo kwizira mu kuruta kwa zinyengo apo uyu wakulunduna, uyu wali na matope na chirichose, libwe lakuŵara na vinthu vinyake kusazgikana na uyu. Wakutchaya wakatoranga bulunga ili la golide na kutchaya uyu na kumugadabulizga uyu, na kutchaya uyu na kumugadabulizga uyu, mpaka iyo wakutchaya kufumiskako viswaswa vyose ku uyu. Ndipo imwe mukumanya umo iyo wakamanyira kuti iyo wakafumiskako viswaswa vyose? Iyo wakamanyanga kuwona chisko chake yekha chikuŵariskika mu uyu.

254 Ndipo umo ndimo Chiuta wakuchitira na Mpingo. Iyo wakutchaya chigomezgo chirichose, bungwe lirilose, chisambizgo chirichose chakupangika na munthu, mpaka Iyo wawone Umoyo Wake Yekha ukuŵariskika mwa imwe. “Usange Ine nthā nkhusachizga milimo ya Wadada Wane, kundigomezga yayi Ine.” Mukuwona? Usange icho chiru kulayizgika ku Mpingo,

Umoyo uwo ukaŵa mwa Khristu ntha ukuŵariskika mwa imwe, mungakhalanga chete yayi usange imwe mulije chizizipizgo, kazirwiro, vinthu vyose ivi, na kujikora, na—na vinthu, na uchiuta, na chisungusungu cha paubale, na vinthu vyose ivi ivyo vikukhumbikwa muŵe navyo imwe. Paliye kanthu kwali imwe muli kuchita vichi, kwali imwe muli kuchemerezga chomene uli, kwali imwe muli kujoyina mipingo yinandi uli, kwali muli kujiskomeka mahungwa ghalinga mwa mwaŵene, kuchita ichi yayi. Lindizgani mpaka mwakufikapo, kufuma mu mtima winu, imwe mungamanya kugowokera, mpaka mu mtima winu imwe muli na chisungusungu cha paubale. Paliye kanthu usange iwo ŵangakunyimpura mwembe wakuzura woko kulwandi kwako, iwe ungamanya kupereka thama linyake na likondwa, wonani, mpaka mauzirwi agho, paliye kanthu kwali iwo ŵakuyowoya vichi kwa iwe.

²⁵⁵ Para iwo ŵakaŵika chizwazwa ku chisko Chake ndipo ŵakamutimba Iyo pa mutu, ŵakati, “Sono, iwo ŵakundiphalira ine kuti Iwe ndiwe Muprofeti.” Sono wakabenurako chizwazwa kwa Iyo, ndipo yumoza wa iwo wakakolera ndodo, wakati, “Ndinjani wa ise wakutimba Iwe? Chima ndipo utiphalire ise, munthowa yinyake, pamanyuma ise tigomezgenge kuti Iwe ndiwe Muprofeti.” Iyo ntha wakajura mlomo Wake.

²⁵⁶ Para imwe mukupulika muprofeti wakuphuka, uyo wali na mazgoro ghose ku uchenjezi uliwose uwo imwe mungamanya kwiza nawo, kumbukirani, iyo ndi muprofeti yayi. Muhanyauno iwo ŵakwenera kuti ŵamanye chirichose, para iwe uŵenge na kuŵaŵa kwa jino na para iwe uŵenge na kupweteka kwa munthumbo, na chinyake chirichose, na kukuphalira iwe vyose vya ichi. Ako ntha ndi kaŵiro ka Chiuta withu. Wonani ŵaprofeti, muwoneni Yesu.

²⁵⁷ Muwoneni Paulos, para iyo wakatimba munthu uchiburumutira, ndipo wakazomerezga mufuzi wa mkuŵa kumuchimbizga iyo mu charu, “Ine nkhusachizga iyo wakataya nkhangono yake ya kumutimba uchiburumutira.”

²⁵⁸ Yesu, Uyo wakamanya kuwuska ŵakufwa, ndipo kweni wakati... Msirikali muloŵevu wakamuthunyira mata ku maso Kwake, na kumukwazura na kumuthunyira mata na kunyimpura mwembe ku chisko Chake, na kumutimba Iyo pa mutu, na chizwazwa kumuvungirizga Iyo, kuti, “Chima ndipo utiphalire ise uyo wakutimba Iwe.” Ndipo ntha wakajura mlomo Wake.

²⁵⁹ Ntha mungapwereranga ŵakuchita vyamayere aŵa. Kweni kumbukirani, iwo ŵakuyowoya waka, dola yafeki yikuyowoya waka kuti yiriko yanadinadi kumalo kunyake. Para imwe mukuwona vinthu ivi vya bungwe vikukura na kutukukanga, umo ili likayowoyera “luso lizamkutukuka mu woko lake,” kumbukirani waka, kuli Mpingo uchoko wa Chiuta kumalo

kunyake, nadi ngwakuzuzgika na Mzimu Mutuŵa, weneko, uwo ukusuntha ukukwera matanda. Ntha mungalaŵiskanga pa bungwe likuru.

²⁶⁰ Kasi ndi mpingo ngu ukuru ukuyowoyeka mu Baibolo kuruska muwiro wa mpingo wa Efeso? Ndipo para Paulos wakati wajumpha mphaka za kunena za Efeso, ndipo wakwiza ku mpingo uwu, mukaŵa ŵanarumi thweluvu mu uwu. Uwo mbunenesko. Ndipo iwo wose ŵakaŵa ŵanthu ŵaweme, ŵakachemerezga ndipo ŵakaŵa na nyengo yiweme, kweni ŵakaŵa ŵandapokere Mzimu Mutuŵa. Paulos wakati, “Imwe mundapokere Mzimu Mutuŵa kufuma apo imwe mukagomezgera?”

Iwo ŵakati, “Chifukwa, ise tikamanya yayi kuti kukaŵa Mzimu Mutuŵa.”

²⁶¹ Iyo wakati, “Ntheura kasi imwe mukabapatizika uli?” Usange ichi ntha chikapanga mphambano, kasi iyo wakayowoya vichi ku mpingo ula kula?

²⁶² Iwo ŵakati, “Ise tiri kubapatizika kale na yumoza wa ŵanthu ŵakuzirwa chomene uyo wakayimirira pa charu chapasi, Yohane Mubapatizi, uyo wakabapatiza Fumu yithu. Kasi kubapatizika kula nkhuweme waka yayi?”

²⁶³ Iyo wakati, “Yayi, bwana. Imwe mukwenera kuti mubapatizikeso, chifukwa Ufumu ngwakujarika ku chinyake chirichose.” Ndipo para iwo ŵakati ŵapulika ichi... Wakati, “Yohane wakabapatiza kurazga ku kung’anamuka, ntha ku kugowokereka ku zakwananga, kuyowoyanga kuti imwe mukwenera kuti mugomezge pa Iyo uyo wati wizenge, ndiko kuti, pa Yesu.” Ndipo para iwo ŵakati ŵapulika ichi, iwo ŵakabapatizikaso mu Zina la Yesu Khristu. Uwo mbunenesko. Ndendende. Iwo ŵakarondezga Lemba.

²⁶⁴ Imwe mukumanya, mu kuŵapatulira mlenji uwu, Moses wakarondezga pulani iyo wakawona Kuchanya, ndipo wakajintha hema kuti liyimire ichi. Para Solomon wakati wazenga tempile, iyo (kasi iyo wakachita vichi?) wakarondezga pulani iyo Moses, mwa hema, wakasungiliranga Lemba mu mzere.

²⁶⁵ Ndipo para Chiuta wakwiza ku Tempile Lake mu mazuŵa ghaumaliro, Tempile ili, Mzimu Mutuŵa, “thupi ndilo Imwe mwandinozgera Ine,” Mzimu Mutuŵa wakafika pa Dazi la Pentekosite, uthenga ukaŵa wakuti, “Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke, ndipo imwe mupokerenge chawanangwa cha Mzimu Mutuŵa. Pakuti phanganano liri kwa imwe na ku ŵana ŵinu, na kwa iwo awo ŵali kutali, nanga ndi ŵanandi awo Yehova Chiuta withu wati wachemenge.” Usange imwe mukukhumba kuti mumucheme mupharazgi winu dokotala, Dokotala Simon Petros wakalemba ndondomeko ya

kachitiro, ndondomeko ya Muyirayira. Ilo ndilo likuchizga warwari.

²⁶⁶ Rekani ng'anga zinyake zafeki izi zিয়েজে, mwa bungwe, kuti zizuzge ichi munthowa yinyake, ndicho chifukwa iwo wáli... Imwe mukumanya, usange imwe mukusazgako yayi... imwe mukusazgako vinandi chomene ku ndondomeko ya kachitiro, imwe panyake... vinandi chomene vya poyizoni, imwe panyake mungamukoma murwari winu. Usange imwe mukuwikamo wakukwanira yayi mu uwu, imwe... ntha ku munkhwala, usange imwe mukuchita yayi, uwu ntha umuchitirenge chiweme murwari winu. Ng'anga yinu yikumanya umo yingalemba ndondomeko ya kachitiro.

²⁶⁷ Ndipo Khristu, Mzimu Mutuwa, ndiyo Ndondomeko ya Mlembi, ndipo Iyo wakalemba Iyi. Ntha mungasazgangako ku Iyi panji kufumiskako Ichi ku Iyi, imwani waka Munkhwala umo uwu uliri. Ndi Wakuchizga masuzgo ghose. Chiuta wamutumbikeni imwe. Imwe mukumutemwa Iyo? Amen.

Ine nkhumutemwa Iyo, ine... [Pa tepi palije kalikose—Munozgi]
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

²⁶⁸ Sono apo ise tikung'ung'uta iyi, sono ng'anamukani ndipo koranani chasa na muzengezgani winu uko. O, iyo ndi mwendanthowa nayoso, wakujumphilira.

Ine nkhumutemwa Iyo, ine... (...?...icho ntchakuzirwa.)
Chifukwa Iyo wakadankha kunditemwa ine
Ndipo wakagura... chiponosko

(Zanga ku nthowa iyi. Enya, yewo, m'bale wane.)

Ine nkhumutemwa Iyo, ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

Ine nkhumutemwa Iyo,

Tiyeni tiyimbe iyi sono.

Ine nkhumutemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

²⁶⁹ Sono tiyeni tisindamiske mitu yithu, tijare maso githu, tikwezge muchanya mawoko githu ndipo mazgu githu kwa Chiuta sono, apo ine nkhumuperekani imwe kwa mliska. Ise ndise wakukondwa kuwa na imwe kuno. Ise ndise bungwe yayi. Ise tilije dango kweni chitemwa, tilije chigomezgo kweni Khristu, tilije buku kweni Baibolo. Tilije umembara;

wenenawene waka kwizira mu Ndopa za Yesu Khristu izo zikutitozga ise ku kuwura kugomezga kose.

²⁷⁰ Viri makora, tose pamoza sono.

Ine . . . , Ine . . .

Chiuta wamutumbikeni imwe. Mukizeso na kuzakatichezgera ise.

Chifukwa Iyo wakadankha kunditemwa . . .

Viri makora, wâliska. Imwe mwanozgeka? Chiuta wakatumbikeni imwe.

Ndipo . . .



CHIFUKWA ICHO INE NKHUSUSKIRA CHISOPO CHA BUNGWE CTK62-1111E
(Why I'm Against Organized Religion)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Novembara 11, 1962, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org